

**SAMMLUNG  
DEUTSCH-  
SCHWEIZERISCHER  
MUNDART-  
LITERATUR: AUS...**

---













17  
Sammlung

deutsch-schweizerischer Mundart-Literatur

---

Aus dem  
Kanton Solothurn

Erstes Heft

---

Gesammelt und herausgegeben

von

Professor O. Sutermeister



Verlag von Orell Füssli & Cie. in Zürich

1882

~~~~~  
Buchdruckerei Fisch Wild & Cie. in Brugg.  
~~~~~

# Dr Tannhöfer.

Eine Dorfgeschichte.

(Kriegstetten.)

---

So jo, i gseh di no, du guete alte Gritti Manz, a dyne zwee Stäcke dur 's Dorf dure pfösele; i gseh no dy altvätterischi Ohleidertracht, dynei churze abgslagte halbllynige Hose mit ere Zolete Ohnöpf uf dr Syte, dynei schöne wyße Strümpf, dynei währschafte Ringgeschue; i gseh se no, dy fermi Späcksytedhutte mit große beinige Ohnöpf, wol so groß, as ne Füißfränkler, mit eme ufgestellte Ohrage bis unger d'Ohre uuse, und große mächtige Obenabebieter, die gwändlig neben ufegstange sy, wil se geng öbbe mit Nusse, dürre Schnitze, neme Räusfli Brod oder so öbbis usgspickt gha hesch, für arme Ohinge mit Freud z'mache.

Und i gseh au lybhastig vor mir dys fründlig, ehrwürdig Gsicht geng schön glatt graziert; dynei schneewyße Löffli, die unger dr länge Zottelschappe füregüggelet hei; dynei chlyne bruune Augli, dynei chrydenwyße Zähn und dy Vogenase — jo alls das gsehn i persäkt und äraft eso vor am mer wie vor dryßig Johre, wo mer unger dyne schöne Tanne, dym Lieblingsplätzli, einisch dy Läbesgschicht verzellt hesch. So i gseh di no, du guete Alte, vor dym suubere fründlige Huus ufem Tannzelgli usse, ufem Fueterbänkli, und i luege der zue, wie du dynei Hüener, Duube, Gens und Ente fueterisch; i gseh, wie die zahme Tierli geng zuer bestimmte Stung chöme cho ihres Zimmis heusche und wie si nit nohlö gluste, bis daß si ihres Ordinäri übercho hei; wie sy si de albe gleitig und zimperfelig ume- und anezäberlet, die guete Tierli, und wie hei si de albe ne Lieb gha, wenn de über 's Buffert bisch und ne Haberchörnli

greicht hesh. Und 's Imbhüüsli dört unger dem große Stilbirebaum, wie gstacket voll Imbhörb hesh das nit geng gha und wie gern hesh deene Tierli zuegluegt, wie sie emsig ytreit hei. — Aber nit nume a Tierli heste dänkt, du guetherzige Manz; nei, au de Lüüte hesh geng gä und ne Guets do, so vil de chönne hesh; kei einzige Bättler isch nume mit eme bloße Hefder-Gott vo dir abgspise worde, uei, du und dys Uerjeli, tröst euch beedi der lieb Gott! syb die wohlthätigste Lüüt i dr Gmein inne gsi und memgem arme Tropf ist nes Rad abgange, won ech der lieb Gott zu nem grüest het. — Au für mi sy das schöni Zyte ghy, wo dir no gläbt heit; es isch scho so mengs Johr und doch dunkt's mi, es syg ersch gester ghy; es git halt ebe Ybrück i de Ghinderjohre, die me nie meh vergist, usser wemm me einisch sälber wider zum Ching wird. Drum bsinnen ig mi no guet a di; wie mengisch han i mi a dyne Nusse und Wätschge erlabet, wie mengi schöni Channebire, wie menge füürzündrote Santnichlaus- und Chlefeliöpfel hesh mer i mys Chuttli gschoppet, wie mengisch han i myni Muteche nume mit dyne Gschänke einzig chönne afülle; wie mengi Hungerschnitte han i vom Tannzelgli weg hei dreit; wie mengs schöns Gschichtli hesh mer du nit verzellt, wie mengs Ehrütli im Wald und ufem Fäld hesh du mi nit chönne glehrt! Du guete Manz, i danke der no jek dersür. Fryli hesh de sälbigsmol (und ig no vil weniger) nie dänkt, das ig einisch düei by Läbesgschicht schrybe; aber so chan es halt goh i dr Wält und i danke, was für mi churzwylig syg, müest's au für angeri Lüüt sy und drum will ig ne churz au by Läbeslauf mitteile, wien i'gs vo dir sälber weiß und so guet as es mir im Gedächtnis bliben isch; es isch si sicher wol drwärt. — Doch will i zum bessere Verständnuß zerfch no öbbis vor-  
uschiide :

Dr Tannehof isch mitz im ene große prächtige Wald inne ghy; nämlic dört isch, grad wie ne Insele im ene Meer inne, ne ungifähr füüf Zucherte große Matte gläge, mit eme ferme, zwar chly altväterische, aber geng no fründlige Strauhuus,

das zringsetum mit ere Allee vo alle Sorte Obstbäume ygassjet gsy isch; uf dr Schattesyte isch nes liebligs silberhellß Brunnbächli verby gruuschet, das isch nit wyt vo dört — öbbe zwee Schynbeschütz wyter obe — usem Bode usgwallet. Dört het me im Huustage geng die erste Bachbunnele und Schlüsselblüemli mit ihre wullige Blettli gseh füregüggele, het geng die erste Bijeli und Summervögeli gseh drum ume flattere und im Winter no isch das lieb Bächli dankbar gsy, geng alls chrys-ligedick voll Brunnchreßsch. Dört uf der Sunnysyte vo bene vile schattige Obstbäume, sobal as s' Wätter aso het hilbe, het si scho das liebe Schnee- oder Märzeglöggli wie ne frösch ybschleibeti Nunne i sym chrydewyße Hemmeli zeigt; znöchst derby im dicke Hasel- und Hagebuechehegeli het dr Schneegg zersch sy Dechel abgstosse und d'Hörnli füregstreckt, het das nette himmelblaue Bijeli zentume scho syß herrlig Wohlgerüchli verbreitet, wenn syni vile Schwesterli no unger der Schneedechi truuret und gsüßget hei. — Zringsetum um das Bächli isch fründligs Erlegibüsch gsy und heßch die große mächtige ehrwürdige Wyßstoch gseh, die wie alti Manne ihri Arme gäge Himmel usgstreckt hei, grad as wette si der lieb Gott pryse und ne hätte, die Schmarotzer vo Schlangebeeri, Pfaffehüetli, Meertrübeli, vo Zelängerjelieber, vo Imbeeristude und derglyche meh, die si unbefuegterwys uf ihri Rügge gsetzt hei, vonn ene z'näh. Mengisch het me i däm chlyne Mätteli dört nüt anders gchört als das Gimmurmel vom Wasser, so wunderlig und so lieblich, grad as wenn ihre nes paar verliebti Lüütli zäme plauderete und keis Päärli fett wüsse, was 's angeri seiti. Bal het me nüt anders gchört as s'Gjugg vo hundert und hundert Vögel. Dört het die fründligi Bachamsle rüehig und ungistört dr ganz Tag jubiliert, grad as hät si's im Verbing; dört het das nette Wasserstelzli i eim furt vo eim Steinli zum angere tänzerlet, grad as wär's süsch nie meh guet; dört het dr munter Baumbicker emsig syni Würmli us de Ringe usgrüblet, grad as wär er zahlt derfür; dört hei die lustige Dröfstli zur Abwechslung ihri schöne Liedli zum Beste gä; dört ändliche hei Finken und Meusi, Zysli und Lörchli

all Johr ungiftört ihri verschidene Nästli baut und dört het au hie und do dr Vetter Längbei vom Storchebuur sy Nchehr gha, isch ne chly z'Visite cho für z'luege, äb's do au Frösche und Schlange gäbi. — Vatter Manz het das Alls guet möge lyde; nie hät er zuegä, daß imene Tierli nes Leidli ato wurdi, und fei hartherzige Schlychjeger oder ne angere Tierquäler hätti Zuetritt zum Tannehof oder gar dört Ungerchlupf fange.

Am angere Endi vo dr Hofstet, nit wyt vom Wohnhuus wäg, sy sälbmols nüün prächti, fasch glych höchi Tanne gftange i dr Form vom ene verschobene länge Bieregg; allimol drei und drei in ere Zylete, so daß das Ganze vo Wytem grad as wie die nüün Cheigel vom ene Cheigelris uusgfeh het; natürlich sy die Tanne vil höher gsy und au währschafter als Cheigel; aber wemni me vo Wytem gluegt het, wie die zäme gstellt worde sy, so het me wol gseh, daß das nit vo Ungfähr so cho isch und daß me nes akkerats Cheigelris dermit het welle vorstelle. Mänge Mensch het gment, das syg so ne Art Chingespil, oder es steck ne Zauberei oder ne Aberglaube hinger dem, bsungerbar wenn er dr alt Manz und sys ehrwürdig Müeti grad drunger uf dem chlyne Bänkli gseh het d'Häng verwerfe und ne gchört het dischgeriere, ohni daß er verstange het, was die zweu Lüütli brichte. Und schön sy si gsy die Tanne, schlanf und grad gegem Himmel ufe sträbend, geng grünen im Summer und Winter, i dr Jugend wie im Alter, geng grad, nie verchrümplet, grad eso wie ne rächte Schwyzerma sy soll: i allne Läbeslage gäng ufrecht, wohlgimuet, wäder sälber ne verchrümpleti, verdräiti Seel, no eini, die sich vor Fürste, Aristokrate oder angere Züttle chrümmt und biegt! — Und isch de albe ne Windstoß cho, wo si nümme ganz rüehig hei chönne blybe, hei denn die nüün Tanne ihri Chöpf gheimnißvoll zäme gftrectt, enangere Schmügli gä und si de lustig gschüttlet, grad as wette si säge: Mir Grüene, mir gä nit ab; grünen isch des Lebens goldner Baum; mir hei zäme und keine verloht der anger, chöm dä vom Bärge nochä dr wälfch Luft, oder chöm d'Byse dört vo dr dütsche Syte, oder chöm dä lauwarm Fehn dört

über d'Schneeberg übere, wo si geng chafle und pläze, ohni Öbbis zwägzbringe — das geit üs alls nüt a, mir Grüene blybe für üs und mir Grüene blybe fest; me chan üs woll schüttle, aber plogt men üs, so zahle mer mit Chnüttle und — die verbräche nit so grad.

Mänge Frömde, der des Wegs derhergange isch, het das merkwürdig Eheigelris im Wald inne aglaaret und dā alt Manz derzue, der dōrt uf dem Bänkli z'Obe nom Bättelüte regelmäsig syz Gradusepfysli graukt und die blaue Wütschli i d'Luft use bloost het. Gewöhnlig het em sy Frau de albe derby Gesellschaft gleistet, nume het si de, wāhred dr Manz syz Dubäckli versorget het, öbbe amene Strumpf glismet ober Öbbis für der morndrig Tag grüftet. — Isch de dr alt Ätti guet z'baß gsy, so het er denn de Frömde sy Läbesgschicht erzellt, wie mer je au jēz speziell üse fründlige Läser und schöne Läserinne brichte wei:

Dr alt Tannhöser Vick, im Manz sy Ätti, isch eine vo de rychste Buure gsy i dr Wasseramtei; die mehrste Weyer-matte, Lochzälgli, Stapfete, Rütiholzachere und wie die Plätz im Dorf Emmehuse alli heiße, hei ihm akört. Sy Frau isch em früezytig gestorbe; dodruf het dr Vick dr Hof z'läche gā und nume die Tannzälglihostet mitem Huus und nes paar Sucherte drum ume anem sälber bhalte; dōrt het er mit dem junge Manz und mit ere alte Magd ghuuset. Sy Herzchäfer isch jēz ebe dā jung Manz gsy, ne stattlige heitere junge Kärli; Alls, was dā gmacht het, isch schō und recht gsy an em; er het em Alls nohgloß. — Scho wonn er chuun ersch ne juf-zähjährike Bueb gsy isch, het er em scho ne fermi Uhr mit ere schwäre silbrige Chötti und ne silberbschlagni Dubackpfusse gchauft; scho sälbmol het dr Manz d'Bieter voll Neuthaler gha und het albe am ene Sunntig und a de Märte dermit gchlinglet und drin ume gchrischlet, daß em Alls nohgluegt het; scho sälbmol isch er wie die erwachsniqe Chnabe „uf d'Gaß gange“ und het am niehrste von ne Gragöhl gmacht und einisch über angerisch „Horuus“ brüelet; scho sälbmol het er do und dōrt



Brüglete und Ehläpfete agstellt und isch au sälber mit bluetigem Chopf hei cho und het do und dört „Abmachete“ gha. Das Alls het dr alt Eli vo Bick schön und rächt funge, bsungerbar will dā Bueb bi aller Wilbi doch die gueti Eigenschaft gha het, daß er gege dr Atti guet gsy isch. Hei de albe anger Lüüt im Bick Vorstellige gmacht, wie sy Suhñ ne Grobian und ne usöbe Schlingel syg, so het de dr Bick eifach gantwortet: „Ä bah! Göt mer mit dem weg, das sy Flause; d'Juged mues uuslobet ha; das wird de einisch vorem sälber bessere; i ha's au einisch äso gmacht. Dr Tannehofbuur het emel no Gäld gnue für sy Manz.“ — Natürlich isch das bim Manz Ol i's Füür gschüttet gsy; dr Chamme isch em geng wie meh gmachle und er isch geng wie uhirtiger worde. — Und ersch dernoh, won er als Draguuner zum Militär cho isch, pos Drack, do isch er oben uuse und niene a gsy, do het er gment, er syg dr Peterlig uf allne Suppe über's Wasser use. Do sy die gäle Vögeli vo Duploone uf de Wirtshuustische ume gfloge, grad as wär dr Manz ne Millionär.

Um sälbi Zyt isch dr alt Bick gstorbe und Manz isch jek sy eige Herr und Meister gsy. Wol Händsche, jek isch es erst rächt schön gange! Er het do dr Hof wider anem sälber gnoh, het aber drby ne Drnig gha, as Gott erbarm. 'S Buure het er natürlich nit verstante, will ne dr Atti nie derzu gha het. Nächstem isch er fasch nie beheime gsy. Rei Märet und fei Chilbi 's Land uuf und 's Land ab isch gsy, wo me dr Manz nit gseh und gehört hätti; do het er geng unger e Chuppele Buurebuebe 's groß Wort gfüert und poleetet und ghoopet, daß' ne grüüsligi Sach gsy isch! Derby isch er unerkannt starch gsy, Alls het si gförchtet, wenn er in e Gaststube yne cho isch oder uf dr Gaß mit syr grüüslige Gelle „Horus“ brüelet het; do hei si die angere Dorfchnabe dücht und em gflattiert.

Syt dem dr Manz Draguuner worde isch, isch jek sy grösti Lydeschaft 's Spile und 's Cheigle gsy, dām er Tag und Nacht noglosse isch; am Tag het er mehrtelß gcheiglet und z'Nacht

Charte gspilt. Im ganze Revier ume isch kei enzige Eheiglet ghy, a dem dr Manz gfehlt het. — Mit däm het er natürlig syß Heimet versuunt und verlaßet; d'Dienste hei gmacht, was si welle hei, d'Ehnächte hei do und dört allerlei usem Huus verschleipft und d'Mägd hei ghöcherlet und bröterlet; me weiß jo wol, wie's Sprüchli heißt: „Wenn d'Chaz usem Huus isch, so tanze d'Müüs.“ So isch d'Waar im Stall ganz vernachlässiget worde, me het se uzytig gfueteret und tränkft, d'Fälfrücht und 's Gras nit gihörig bisorgt, so daß dr Hof ganz verleutscht ghy isch und dr Bräste eis Roß nom angere, eis Häutli Beh um's angere weggrafft het und me hät möge briegge, daß uf dem schöne Hof Alls dr Ehräszgang gangi. — Dr Manz het sy däm meni ggachtet; er het gment, es mög Alls erlhybe, er heig ne Goldgruebe, die nie z'er schöpfe syg. Natürlig het er geng no Geld gnue gha und drum au Fründ gnue und Spilgspane; im Stierebuur und Juuregroß syni unghobelte Ehüüinge z. B. hein em geng no Guräshi gmacht und gseit, was dr Manz für ne Kapitalskärli, für ne Hauptfäger sygi, nit so ne Gyzchropf, wie Angeri, die ihrem eigene Muul nüt gönni. Natürlig die Spitzbuebe hei ne bim rächte Fläc wüsse azfasse. — Manz het bi alle Fehlere doch no geng neß guets Herz gha, wie fäsch alli Huuble — und so hei i' em eis schöns Acherli nom angere, wo si Astößer ghy si, um ene Opfelpußer wüsse abzläschle. Und bim Spile hei si de geng zäme gha gege Manz und hei ne uf himmelschreiedi Wyz bschummlet. Im ene gwüsse Wirtshuus z. B. hei si i dr hingere Stube ne eigene Spiltisch gha, dä isch ne so ygrichtet ghy, daß obe noch a dr Wang ne Spiegel ufghänkt ghy isch, unger dä si dr Manz nesjo pläziert hei, daß si geng im Spiegel syni Charte hei chönne gschaue, ohni daß dä guet Düppel öbbis dervo gmerkt het; bim Eheigle hei si mitem Uffsteller neß Abgrebtis gha, und wär geng i eim furt verspillt het, isch halt üse Manz ghy. — Die Lüüt, wo's guet mit em gment hei, sy, wie's gwöhnlig geit, dünn gsäit ghy, und was em die au gseit hei, das het er zu eim Ohr y und zum angere

ausgloh; so het er i eim furt i Tag yne gläbt und füüfi lo grad sy. — Doch, „dr Ehrueg geit zum Brunne, bis er bricht.“ — Mengs Johr isch das truurig Wese ufem Tannehof so gange und Manz isch ungerbesse Achtezwänzgi worde. Syni Verwandte hei natürlich vil Chummer und Verdruß wägen em gha. Zletst, wo meh as 's halb Vermögen eso verlieberliget gsy isch, sy ne do d' Auge ersch rächt usgange und si hei gseh, daß das nūme so chönni goh. D'Omeinsmanne, die hätte sölle zur Sach luege, hei's lo schlittle. Worum ächt au? — He eifach dorum, will mänge von ne Ästößer a Manz sym schöne Land gsy isch. Es het scho niedere von ne uf liechti Wyz so nes Acherli erobert gha und der Räste, wo no gsy isch, hei si im Stille scho unger si vertelt gha, wie d' Jude im Heiland syni Chleider . . .

Also sy 's Manze Verwandte hinger en grote und hei gseit, so chönni die Sach nūme goh; eidwäders müesi er hūroote und luege, daß er ne rächti guraßchierti Frau überchömi, die zuer Sach luegi; oder er müesi bivogtet sy. Manz het aber vom Vogtme nüt welle wüsse; hingege, het er gseit, wär er im Hūroote nit so gar abgneigt, er sälber heig scho mengisch dra denkt; wenn er öbbe ne Rächti chönnt übercho, die zuen em luegti, so chönnt er au besser deheime blybe; wenn er zum Byspil 's Müllers Urseli chönnti ha, mit dem er's i dr Schuel scho guet chönne heigi, so wett er si nit zweumol bjinne; aber Settigi froge ihm nüt noh und luege ihn nume für ne Hundel a und nes niedwäders Tschudeli und Schlärpli nähm er de au nit; lieber blyb er ledig. — Do het em aber die alti Gotte, 's Base Käthri, Muet gmacht und em gseit, er sölli nume sys Umefahre, 's Epile und Cheigle lo sy, 's Wybervolch schüchi und hassi das wie d' Spinnele; er sölli meh deheime blybe und zur Sach luege; er heig jek no geng nes schöns Vermöge und er syg dernäbe ne stolze Burst, den 's Urseli nit verächti, wenn er asöi guet due; äs heig scho mengisch bi ihre 's luuter Wasser briegget, daß er so ne liechtssinnige Tropf worde syg und sys schön Heimet löi so verlaze. — Die Wort hei bi Manz zündet und er het der Gotte versproche, er wöll si bessere und das Umefahre lo sy. Aber, du lieber Gott, dr Geist wär

„scho willig gsy, aber 's Fleisch schwach; me seit jo nit vergäbe, „der Weg zuer Höll syg mit guete Vorsätze pflasteret.“ — Doch mues me so vil säge, daß er notisno syß usöde Weje süßerli abdo het, daß er vil meh beheime blibe isch, zue Feld und Stall het afo luege, gueti Dienste agstellt het, zue Allem meh Sorg gha und derby — so vil möglich — no 's Müllers Urseli gschilet het. Setz het ne die alti Gotte nūme usem Aug glo, isch all Tag zuen em übere, het im gueti Rät gā und em de allimol gseit, wenn er so furtfahri, so mues er bis i dr Fasnacht mit em Urseli zāmebrittlet sy und si welle nes lustigs Hochzytli zāme syre; si wüssi, daß es nume von ihm abhangi, āb ne 's Urseli nāmi oder nit.

Ungerdesse chunnt dr erst Sunntig im Herbstmonet — 's Johr sägen ech hüt āsprāß nit — das isch dr Tag, wo all Johr z'Chriegstette die birüemti Chräbschilbi gsyret wird. Das isch sit undāntlige Zytte eine vo de grōste Festtage für d'Wasserämter, wo Jung und Alt, Bornehms und Gemeins dōrt zāme chōme und si lustig mache. So isch es scho vor vile Johre gsy und so isch es no hütistags. Jo mengs duubgrāns Mueterli brichtet ech no, wie das zu ihrer Zyt dōrt zue- und hergange sygi und glaubt si de wider fuszg Johr jünger, wenn's brichtet, wie's dōrt mitem Hans und Seppi, mitem Biggi und Durs der Lāguus und dr Hopser tanzed heigi. Daß es de no byfüegt, sālbnmol heige d'Meidli Züpfe breit bis a Bode abe und hōchi wyßi Spitzlichappe, aber ohni das verfluent Wāschelizūg vo jeße und keine silbrige Hafte a de Zippe, wohl öbbe nes silberigs Deeli, was vil schöner und āständiger gsy syg; und sālbnmol heig me vo deene Narreteie vo Polka, Mazurka und Galopp, so wie vo deene ābsurde Krinolynne nüt gwüß — daß ech, sägen i, so nes Mueterli das lāng und breit vordreit, do druuf cheut er zelle.

Item diß Chriegstetterchilbi isch nes schōns Festli, wo Alls si freut, wo Verwandti und Bikannti bim ene Glas Wy und bin ere Platte voll ghüechlete Chräbse zāme dischgeriere; wo die junge Lüt tanze, springe, singe, wo Chachelwäge, Chrämer-

ftäng, Rumeedizüüg, Rößlispiil und derglyche d'Gaß vo dr Chilche wäg bis ufe zum obere Wirtshuus überdecke, wo das junge Bolch im höchste Sunntigsstaat ufmarschieret, wo die Chilbigäst eidwäders zue ihrne Verwandte z'Dorf göh, oder i de Wirtshüüsere zäme chöme, wo si mengisch vergnüegt bis gege Morge blybe, doch nit eisder, wie 's Sprüchli seit, „ungschlage vo der Chilbi chöme“. Item truß dem isch das nes schönes Fest — d'Erinnerig a die Gwychtig vo dr Pfarrchilche — und nit nume Landlüt, sogar au d'Städtler chöme a däm Tag schaarewys uf Chriegstette, fryli wil nume cho Muulaffe sel z'ha oder für die schöne Wasserämtermeitschi und die lustige wyße Mänteli ussem binachbarte Bernbiet z'gschaue. Als isch a däm Tag lustig und heiter, und wie wett's au chönne angerisch sy? Es isch jo für vili Ärmeri dr enig Tag vom Johr, wo si si so rächt ne Freud dörfen gönne; drum rede die „vo der Chilbi, bis si chunnt“ und hunse druufhi. Und de isch au d'Johrszit geeignet dersfür, im lieblige Herbst, wo die mehrste Produkte für Mensche und Vech scho am Scherme sy, wo d'Sunne no so rächt fründlig schynit, wo s' Chilcheglüt sich mit de Dringele vo dr weibende Waar so anginehm vermischet und eim so fründlig is Herz yne tönt, wo dr lieb läng Winter de albe scho so nooch vor dr Türe stoht.

Dr Manz aber dä het hüt nit welle z'Chilbi goh; er het beheime welle hüete. Worum ächt nit, rotet, myni liebe Läser? — Es het gheiße, es syg hüt ne große Cheiglet z'Chriegstette, und Manz het si vorgnoh gha, gar nūme z'cheigle und nūme z'spile, für 's Urfeli nit höhn z'mache; geit er go Chriegstette, chan er si nit halte und wird wider dr alt Sünder; macht er nit mit, so trybe syni alte Gspahne s' Gspött mit em. Drum blybt er lieber beheime. — Aber halt, Manzli, das geit nit eso; du muesch au a d'Chilbi go zeige, wie fest dyni Vorsatz syge. Wer chunnt hört vom Morgegottesdienst ufe Tannehof use, was isch das für nes alts Mueterli, aufstrüßt wie ne jungi? — He, es isch d'Gotte, im schönsten Sunntigwir; die will perforsch, daß dr Manz a d'Chilbi chömme. Dä het si

lang gspeert und gwehrt; wo aber d' Gotte seit, er wärd doch 's Urseli nit imene Angere welle loh und öbbe Drei mit em welle ha und em ne Halbi zahle — wol Meh! do hesch Brod gä! do isch die herti Nschkruste i's Manze Herz gschmulze; er nimmt sy schönsti Bshleibig füre, püßlet si uuf, so guet als möglich und er geit mit der Gotte gege Chriegstette zue und notabeni i so länge Schritte, dur all die vile Chilbilüüt dure, daß die alti Gotte fasch nit het möge gschnuufe und fasch nit noch möge het, bsungerbar, wo si nem seit, 's Urseli heig de hüt ärpräß nes neuß sydigß Tschöpli agleit, für em Manz so rächt z'gfalle.

Rei! wie das gjubiliert und gholeiet het im Dörfli Chriegstette; do Tanz, dört Gsang, do nes Gemurmel as förti me nes paar tuufsig Bijeli sumse; do tuufsig und tuufsig Persone, die ineangere yne gwättet, daß me mit keim Straußhäml i derzwüßche chönne hätti, und daß me ne hätti chönne uf de Chöpfe laufe. — Am läbigste isch es aber bi deene zweu Wirtshüüsere bim Chrüz und bim Stärne gange, dört het si Als griert, wie imm ene Ambeißehuufe. Däm guete Manz isch vo allem dem ganz sturm und bal gschmuecht worde, bsungerbar won em d' Gotte no zuegsproche het, er sell de mit em Urseli rächt ordelig sy und em kei Verdruß mache; si gangi jeße zu ihrer Base z'Dorf und si wüßi nit, ob si de hüt i däm Gstürchel no einisch zäme chömi oder nit.

Manz geit jeß gägem Chrüz zue, dört wo dā groß Cheiglet stattgunge het und wo all die prächtige Goobe usgestellt gsü sy, um se de Lüüte zspienzle und se azlocke. Wie het das dā arm Schluufi, dā alt Spilsack, glustet, wie het 's em i alle Fingere gramßlet, won er das Als gseht, und bsungerbar, won er gmerkt het, daß das als unguëbti oder scho wysäligi Cheigler syge, die nüt droffe hei! — Do isch 's em fasch gar gange wie einisch imene Chudermannli, das als Zueschauer bim ene Grännet gsü isch. Das het nämlic so andächtic dem Züüg zuegluegt, daß es, ohni 's zwüße, alli Grimasse vo de Spilere noch gmacht het, so daß am End zu sym große Erstuume 's

Prysgericht ihm dr Prys zuegsproche het, will just äs, das Zueschaueremannli, die wüestiste Gfräjer gschnitte heigi. So fasch äso isch's üsem Manz gange; nit nume het er de Lauf vo de Ehrungle mit syne Auge verfolgt, nei er het no, wie me das uf Cheigelpätze mengisch gseht, mit de Beine so merkwürdigi Figure und Bewegige gmacht, as wett er dene schlächte Schütze nochhälfe. Zue allem däm hein em die junge Burste zuegrüest: He, Manz, Cheiglerchünig zuen is; du wirst allwäg dr Erst; Die do, wo cheigle, gäbe dir nit Fütteri! — Der cheut dänke, wie das dr Manz gheglet het für mitzmache; er het fasch gar nit chönne widerstoh; es het ne dunkt, er schlieg i zwee Würfe alli Rün um und de chönnt er die schöne Goobe i Empfang näh. Aber 's Gwüsse seit em: Manz, lo bi nime verfühere; gisch du im Böse no einisch dr chly Finger, so verwünscht er dr die ganzi Gang und chlömmt dr se dasmol ab, und do isch's um di und Urseli gseh, drum halt di! Und Manz isch dasmol standhaft blibe; fryli hei ne diji Cheigler ferm usgöppelet und hei 's niene hi chönne due, daß dr Manz jetz ungereinisch so gänderet hei und de Cheigler de Rügge chehri; das syg allwäg nes Zeiche vorem Tod. Manz het aber dänkt: brichtet dir nume; nei, das isch will 's Gott ender nes Zeiche zu neuem Läbe; und er het scho jetz ygseh, daß er bis dahi ebe no nit rächt gläbt het. — Er het aber uf all die Föppeleie keis Stärbeswörtli gseit; syni Gedanke sy ganz ame angere Ort ghy as him Cheigle und er dänkt, er well gege dr Papyrmühli übere go luege, äb er 's Urseli nit asichtig wärbi. — Jetz bigoft erblickt er's, wie's usere Rumeedihütte use chunnt und mit sym wyße Naselümpli syni brieggerige Auge uuswünscht. — „Wo fählt's Urseli, worum so truurig, wo si süsch alls so lustig macht“, seit dr Manz, „wei mer gschwing zum Ehrüß go Drei ha und ne Halbi trinke?“ „Rei,“ seit 's Urseli, „einstwyle no nit“, und wirft im Manz ne stächige Blick us sym hellblaue Augli zue, der em dur March und Bei dure drunge isch; „folg mer, Manz, gang do in die Rumeedihütte yne, lue do isch öbbis für di z'gseh und z'lehre.“ „S ha nüt

uf dem Rumeedizüüg“, seit dr Manz, „das sy nume so Studentegschichte, Gedicht, dummi Sache; chumm du mit mir i Tanssaal use, do geit's mit Schyn läbig und lustig zue; los dä prächtig Walzer!“ — Urseli het aber nit ufgehört schänzle und seit zum Manz, der bal gment het, äs well ne eso abschüßele: „Los, Manz, folg mer, du wirsch es nit bireue und daß de gsch, daß ig bi nit verachte, will i no einisch mit dr cho und de, wenn d'Rumeedi fertig isch, de isch's mer de nit gfochte für Drei oder no meh go z'tanze.“ Das het bi Manz gwürkt; er nimmt die hübschi Müllerstöchter bi der Hang und stolz isch er mit ere i d' Rumeedi gange. — Das Schauspiel het grad wider fräsch vo vorne agfange und mer wei nech säge, was dört vorgstellt worden isch, natürlich mit kurze Worte:

„Ne ryche Guetsbißer i glückliche Verhältnisse, mit ere hoffnungsvolle Familie, ergit si notisno, vo schlächter Gesellschaft ygnoh, im Trunk und Spil; Frau und Ching, Verwandti und Fründe mache ihn uf alli die schlimme Folge ufmerksam. Das Alls nützt aber nüt; er gewinnt, er verspielt und jeh geng wie meh. Geng wie teufel yne sinkt er; er chunnt zletst um Hab und Guet, um Huus und Hof; d' Frau stirbt vor Chummer und Herzeleid; d' Ching werde verdinget; dr ehmalig rych Guetsbißer wird zum Bättler, springt us Verzwyflig i Mühlibach, wird wider usezoge und stirbt im Spittel.“ —

Das isch das Stück, das vo deene Rumeedianten ufgeführt wird und derzu so läbhaft und lybählig, as gsch me alls das i dr pure Wirklichkeit.

Manz het no nie fei Rumeedi gsch; drum het er Muul und Nase ufgspeert, het ei schwere Süßger nom angere uusgstoße und wo Alls fertig gsy isch, seit er mit brieggeriger Stimm: „Jeh, Urseli, jeh weiß i, daß mi lieb hesch, und do hesch mer guet beizt gha; dank der Gott tuusigmol, daß du mi do yne gführt hesch; do han i jeh meh glehrt, as sit langer Zyt us allne Vorstellige und Zuesprüche; akkerat so wär's mer gange, wenn i 's Spile nit hätti lo fahre; aber los, Urseli, i schweere der düür und heilig, wenn du mi witt, myr läbdig



rüeren i fei Cheigel und fei Charte meh a; i ha jetz ganz ne Abgruuse dervor; das het mer d' Auge göffnet und i will 's halte und cha 's halte, hfungerbar dir z'lieb!" — „Voos, Manz“, seit 's Urfeli, „i ha di geng gern gha und ha 's gnue biduuret, daß de so uf Abwege cho bisch; es isch dir halt gar übel gange, daß dy Mueter so früe gstorbe isch; hätti die haudenbisch bravi Frau 's Läbe gha, es wär nie so gange; d' Base seit 's geng; aber 's isch ~~no~~ nüt verspillt, du bisch no jung und mer hei zäme no Vermöge gnue für chönne z'huuse, und wenn du das halte witt, wie mer 's jetz versproche hesch, so sollsch mi ha, do hesch mi Hang druuf.“

Jetz sy die zwen Lüttli im Himmel inne gsi und glücklich sy si Arm in Arm ume gspaziert und hei ärpräß der Chehr nes paar Wool bim Cheigelriß dure gmacht. Manz het Dem, wo ne vori am mehrste gneckt het, sy schöni Bruut, uf die dise scho lang au nes Mug gha het, welle spienzele, und zeige, daß er Charakterfestigkeit heigi. — Duderuo sy si zum Chrüß und zum Sterne und sogar no i d' Pappymühli übere, hei allen Orte ihre Drei tanzet und 's schönst Liebesglück het us ihre Auge uuse gstrahlet.

Kei Mensch het sälbmol ne gfreuteri Chilbi ghyret als Manz und Urfeli, und kei Mensch het dißi Verlobung chönne bigryffe als die Zwen sälber und die alti Gotte, die si in ihrer Säligkeit z'Obe heibigleitet het.

Alli böse Zunge, alli Plaudertäsche, all die früechere Spielkumpane vom Manz, all Die, wo ne ersch nundig no usgsoge und em geng gflattiert hei, sy jetz fasch verworget vor Ryd und hei im Urfeli ne ungschliche Hüroot prophizeiet. 'S isch aber nid wohr worde, Manz het syni Vorsätz vo dr Chilbi musterhaft ghalte, het dr solidisch Ehma abgä, so daß 's Urfeli und dr Manz 's glücklichst Päärli unger dr Sunne gsy sy.

Am Tag vorem Hochzyt het Manz zur eebige Erinnerung a sy früecheri Cheigel- und Spilmueter die nüün Tannli i Form vom ene Cheigelriß i syr Hostet pflanzet, die flingg und schön grad ufgeschosse sy, im Manz und Urfeli ihres Lieblingsplätzli,

wo mer se grad im Anfang vo üser Gschicht glüchlig und sälig troffe hei.

Beedi zäme hei, do si nes höchs Alter erreicht hei, no mengi Ehriegstetterchilbi erläbt und se au allimol ferm gfyret; jek rueje si beedi ohni Nachkomme scho mengs Zöhrli im chüele Erdeschoos ufem Ghilchhof z'Emmehuuse; die alti Gotte isch no zehe Johr Züüge gsy vo däm Gluck, das si syner Zyt hauptsächlich zämebrittlet und worauf si si au Öbbis ybildet het. — Und won ig, mi liebe Väjer, vor nes paar Zöhrli us alter Ahängligkeit a Manz und a sy romantische Tannehof wider einisch das alt Plätzli ha welle go bsueche, do het — mitz dure Tannehof d' Njebahn pfiffe; die schöne Obsbäum sy weg, das klar Bächli ruuschet nüme, a dr Stell vom alte Wohnhuus steit es neuß Bahnwächterhüüsli, die nüün Tanne sy ebe= falls weg, doch han i mit Muei no chönne ihri ganz mit Miesch überwachsene Stöck finge . . . . J. Hoffstetter.

## 'S W y d e b ü ß e l i.

Eine Dorfgeschichte.

(Kriegstetten.)

Won i no so ne chlyne Strupf gsy bi, es Buebli vo vier Johre, i ha justement die erste Zwilchhösli dreit — so isch de üse Pfarrherr sälig, der Wirz, tröst ne Gott, mängisch zu üsem Ätti z'Obesitz cho; de hei si albe zäme s' Blatt gläse und der ufrichtig und wohlerfarnig Schwizerbott, spöter au d' Schildwach vom Jura, hei vo de Kaiserlige und angere Unghüre brichtet, mängisch au vo de brönnige Manne, vom Präste und süsch no allergattig. De het albe dā Pfarrherr mit üs Ehinge gvätterlet und scharwänzlet; mängs liebs Mol het er mi uf syni Chneu gnoh und mer sy Bart i myni Bache ygribe und de albe zum Ätti gseit: „Los, Mano, us dem Bürstli git's öbbis,

wenn ne üse liebe Herrget gsund loot und bhüetet; das git au einisch ne Pfarrherr, ne Prokrater, emel öppis Apartigs; heid numme Sorg zuen em!" — Dä guet Tropf, me gseht no am Schirbe a, wie 's Becki einisch usgseh het. —

Item, mir Ehing hei Freud gha am Herr und er a üs. Was mer aber am beste ann em gfallt het, das isch die schöni wyssi Sydwatte gsy, die der Pfarrherr i syne Ohre dreit het; um die hei mer ne geng binydet und bsungerbar i ha gment, wenn i settigi Büscheli chönnt i myne Ohre träge, so war i de groß und ne gmachte Wa. Nu, was geit einisch im Huus-tage? 'S isch währli scho mängs Jöhrli — und doch dunkt 's mi, es syg ersch gester gsy — sy mir Ehing zäme uf d' Wydmatt use go Pfyffelholz haue, für öppis druns z'schnäfle und für go Guggersuur und Habermarch z'äße. Do gien i barefar am ene Wydstock obe z'üßerisch am ene Dölderli schöni chryde-wyssi Wydebüßel hange. Aha, han i dänkt, do nimmt bigost üse Pfarrherr syni Schübeli i d' Ohre; aha, do nimen i au, de bin i groß. I chlädere uf die Stunden use, rupse nes Hämpfeli vo dene Büßeli ab und schoppe dervo, was gisch, was hesch, i myni Ohren ine und ha drab ne Freud gha, öppis Grüsligs, ärger as am Santichlaustag, wo mer der Götli es Pfyffelschöfli, ne Hälmutti und zwo Grittibenze chromet het, und i bi hei glosse, so hochgment, wie ne Grenadier, oder wie hütisbags ne ybildete Draguner. — Duderuo wie mir Ehinge hei chömme, gon i ganz holzgrad zue mym Müeti und rüemen em, was i Gschnds agstellt heig. Aber bhüetis Gott, wie bin i do acho? „Was hesch de gmacht, du duusigs Schlinggel, du düiners Schnopf! Um Gotteswille, Jöre Marei, Peterli, was chunnt dir au i Sinn?“ Und derby isch si ganz schnee-wyß worde wie nes bleikts Duech. Si setzt mi uff ene Stabälle und list mer die Büßeli use, so guet si numme chönne het und het geng i eim furt balget, so daß i ganz ergelsteret gsy bi und aso ha 's luuter Wasser briegge. „Dänk au, du dumme Sürmel, was do agstellt hesch, du chönnst jo so dys Röhr verlüre! Und daß de spöter dra dänkst, muesch d' Ruete

ha und gfaugt sy, daß mensch 's Föür im Elſis z'gseh; lo d' Hößli abe!"

„Nei Gotte, düet im Peterli nüt, i hät jölle gschyder sy, gät mir Schleg derfür, i bi derby gsy und ha's gseh und ha im Peterli nit abgwehrt und doch bin i zweu Johr älter“, seit jez 's Ammes Bethli, das näbe mer gftange isch; „es isch mer grüfeli leid derfür, i will es angers Mol gschyder sy; gät nume mir d' Ruete und düet im Buebli nüt!“ Uf das isch 's Mueti freiner worde und seit zum Bethli; „Nu, Gotteli, das isch rächt schön und brav vo der, daß du das seisch; jez will i feis von ech strooffe; aber loojet Ehinge, syb es angers Mol gschyder, mached nüt me so Dumms; es chönnt ech für euer Läbblig ungselig mache, der chönnted um 's Röhr cho, wie 's Lahme Hans; dä fört nüt, wemm me ne Kanone näben em abloot; dänket, wie grüfeli das wäri, wenn der d' Vögel nümme förtet pfsse und d' Orgele i der Chilche, won ech am Sundig so guet gfallt het; oder wenn ech der Ätti oder 's Mueti rüefti; und wie chönntet er uf der Strooß vercharet wärde, wenn der der Wage nit merktet cho z'fahre! Und will du, Bethli, jez eso wißig gsy bisch, so giben i jez bedne zäme ne Hunggschnitte und ne chly Anke derzue; syb gäng bravi Ehing und machet nüt Ehrumms.“ — I ha währed der ganze Bredig gschlotteret wie nes aspigs Laub und wo 's Mueti fertig gsy isch mit syr Kapelänzis, het 's mer gwöhlet, as wie wenn 's Doggeli ab mer abe wäri, und mer e mächtige Stei vom Hätz broleti. I ha, will 's Mueti i's Gaden use isch go Hungg reiche, im Bethli uf d' Hang dättschlet und 's an e Arfel gnoh und gseit, das wärd ig em mir Läbblig nie vergässe; denn d' Ehläpf han i gschächtet wie d' Spinnele; si sy justement i üsem Huus süsch rar gsy. — Und würklig isch 's Bethli vo dört a mys Hätzchäferli gsy, mer hei gäng zäme gvätterlet und i han em küderlet, won i nume chönne und möge ha. Han i ne Öpfelwegge oder nes Bützli Wäie oder ne Ankeschnitte übercho, so han i's mit em Bethli teilt; han i dör Schnitz, Wätschge, Ruß oder dere Rustig gha, so han i im Bethli an ne Bieter voll brocht und es isch währli mängs liebs Mol froh

gſy drüber; denn ſy Steifmueter het's mängiſch brandschwarze Hunger lo lyde und der Vatter — me weiß wohl, wie 's Bärſli heiſt: „Steifmueter, Steifätti“ — het's glych gmacht, wie ſys böſ Ripp. —

Aber mit däm Allem iſch 's Wydebüſeli no nit verſurret gſy; vo däm Allem het dr Ätti nüt erfahre; 's Müeti het em's verſchwige; denn er iſch au nit der füferiſch gſy und hätt unerkannt wüeft to, wenn er's grad vernoh hätt, und das Poleete und Zangge het 's Müeti fueche z'vermyde, wo's chönne und möge het.

Aber no zweu Johre het's anger Wätter gä; i ha nes Ohreweh übercho, ſo grüſli, aſ wemm me mer es fürigſ Jſe dät der dür düre zie. I ha nüt dörſe ſäge und ha ime Eggen inne gflännet. Dört het mi der Ätti erwüſcht und frogt mi, was i heig. I ſlag em mys Ohreweh; dernoh chunnt s' Müeti derzue und brichtet em die Gſchicht vom Wydebüſeli, die verlicht no chönnti öppis d' Schuld ſy dra, und au de Vorfall mit em Bethli het ſi abrocht. Do hättet dir de Ätti ſelle geſh; 's Jüür iſch durne dure gjahre, er iſch ganz chöltschbläu worde vor Däubi und het ſy wyſi Zipfelchappe gſchüttlet, daß 's Zötteli dra danzet het, wie 's Stili vom ene Waſſerſtelzli. „Das duufigſ Meitschi, dä Blöſch, das hät ſölle gſchnder ſy und ein Peterli abwehre; es ſoll mer nümme a d' Auge cho, füſch iſchuppen i's, daß es Mordio rüeft!“ — O myn Gott, wie het mir jek 's Hätz chlopfet und wie gärn hätt i mi ganz a d' Achs gä, um 's Bethli z'ſchone; aber ſo mängiſch i ha welle afo rede, het der Ätti gſeit: „Schwyg Bueb, oder i ſchlo di nider. Gſchwing, Ehlaus (ſeit du dernoh der Ätti zum Chnächt), gſchirr mer der Choli a; nimm 's Rytwägeli füre, mer mues mit dem Bueb zum Schärer.“ I ha mi gſpeert und gwehrt und gſeit, i gſpür jek nüt me; aber all mys Byſte und Bätte het nüt gnügt; der Ätti het mi nume no meh abkapittlet. Mer fahren alſo der Stadt zue zum alte Schärer Leuz, dört by der alte Narebrügg het er gwohnt, grad näbem Storch; es iſch bfungerbar ne gſchickte Schärer gſy und derzue ſo ne gemeine,

tröst ne der lieb Gott! — Aber bis mer dört gñ sy, han i währli keis guets Wort vom Ätti übercho und i ha gäng gschlotteret, wen i a Schärer und as Bethli dänkt ha. — Wo mer ändlige zum Schärer chömme, het dä guet alt Britti — i cha ne jeh no gseh — sy Spiegel ufgleit und mi visibiert und seit dernoß ganz ärnsthaf: „Jä dä Jung het allwäg öbbis i syne Ohre, ne Ohregrübel oder öbbis Dütshels eso, das mueß use.“ Er leidt mi voruse a die heiße Sunne uf ene Bank und tröpflet mer Öl i d'Ohre, bis es mer drin ganz chrüjelet het; won i dernoß dört ne halb Stung lang brotet gha ha, so nimmt dä Schärer nes chlys glesigs Sprützli füre und het mer einisch über angerisch Karmillethee inegsprützt und dernoß mit ere silberige Noble drinn umme guslet. Do unger-einisch het's Pf! gmacht und chunnt bigoft — nes Wydebüßeli use und das isch no so früsich gñ, as wemm me's ersich gester vo der Stuude gnoh hätt. Do het's mer gwöhlet, d' Schmärze si gñ wie wegbloost und es het mi dunkt, i för d' Umbeisse wueste und d' Mugge uf der Balmsflue äne umme fäcke. Do het's au im Ätti gwöhlet; er isch freiner worde, het im Choli es Immeli Haber lo gä, mir no ne Schoppe zahlt und dernoß sy mer wider zäme hei gfahre. — Ungereinisch uf em Wäg stngt er dernoß ab, i ha nit gwüßt worum, und i ha müese der Choli ha und dä wär mer fäsch ertrunne — und do bringt er es schöns gradß usgschopnis Wybli derhär und leit das näben ann em i's Wägeli, i ha nit gwüßt, will er e Wyb druus mache oder was; er het nüt gseit und i ha mi wohl ghüetet für z'froge. — Wo mer aber hei cho sy, rüest der Ätti im Mueti, das scho der warm Gassie und ne Pfannbätsch für üs barat gha het, und erzellt em der Verlauf vo der Oberazion, nimmt dernoß das Wybli und rüest üs Bedi vor 's Huus, steckt das Wybli grad vor mym Stübli i Bode und seit: „Loos, Peterli, daß de dyr Läbbig a di dumm Streich dänksich, so pflanzen ig der do die Wyde und zer Stroof dreisch mer all Morge, äb zum Disch chunnst, nes Mächterli früsches Wasser derzue, daß si gschwing wachst, und hesch Sorg derzue, daß es ne

schöne Stock git.“ — „„So Ätti, i will Ech folge,““ han i mit brieggeriger Myne gseit; ha druuf no nes Chacheli Warmes gnoh, ha myne Lüte guet Nacht gseit, ha vorgä, i well i 's Bett, und schlnche mi i my Chammere use, güggele no zum Pfäister uus und gseh, daß der Ätti no ne währschafte Stäcke zu dem Wybli steckt, köre, daß er öppis i sy Bart ine murmelet, das i nit verstante ha. Meinet er öppe, dir guete Tröpf, ig heig sälbi Nacht gschlofe? Bhüetis Gott! die ganzi Nacht bin i im ene Fieber inne gsy, daß Gott erbarm. Bald isch's mer vorchö, as syg das Wybli zuen eme mächtige Wydebusch mit vile junge Wyble worde und die werde alli abghaue für Ruete, für mi und 's Bethli z'fauze; bald het's mi dunkt, es syg ne wüeste struppige Wydestock worde voll Löcher und us niederem Loch guggi nes Unghür use. Bal widerum isch's mer gsy, das Wydeschöfli syg zum ene schöne schattige Wydstock mit vile Äste worde, drunger heig i nes Bänkli gmacht und 's Bethli sygi näben am mer ghocket und do heig der Ätti üfi Häng in enangere gleit und heigi gseit: mer sölle enangere hüröte, er wünsch is Gottes Säge derzue. — So isch es die ganzi Nacht gange, bis am Morge der Ätti mi weckt und rüest: „Peterli, das erste Mälchterli zum Wybli!“ Wie ne Pfyl schießen i zum Bett uus, legge mi flingg a, goh zum Soob und reiche ne platschtigi Mälchtere voll Wasser und bschütte dermit die Wydstude. „Nächt so, Ehline,“ seit der Ätti, „schön ali Morge so furtgfahre, de biisch ne große Chnächt.“ — Nu, i ha nüt bessers gwüßt, as all Morge vorem Kalake mys Mälchterli Wasser z'trage und de drno i d' Schuel z'goh. Im Bethli han i natürli scho der erst Morge druuf, ufem Wäg i d' Schuel brichtet, was gange syg und daß es jeh nit guet Wätter für is syg i 's Buechhöfers Hüus. Bethli het afo briegge, daß me d' Häng hät chönne unger em wäsche; doch i ha's gly tröstet gha und han em gseit, wenn der Ätti scho ne Bigge uf is heig, so machi das nüt, das wärd scho wider bessere; ämel i wärd's nie vergässe, i mög so alt wärde, as i well.

So isch eis Jöhrli um 's angere vergange, ig und s' Bethli sy zäme i d' Schuel ghörschlet und mir heis gäng glych guet zäme chönne; i üfers Huus hingäge isch es de nume cho, wenn der Ätti furt gsy isch, denn dä het's gäng no suur agluegt. Und d' Steifmueter die isch uff em gsy wie ne Drak; wenn's scho nume zwölf Johr alt gsy isch, het's am Morge früech uf'müesse go mälche und go choche und zwüsche der Schuel Alls müesse mache, wie ne Magd, und derfür het's feis rächts Ghleidli übercho, het müesse Hunger lyde und feis guets Wort het em die bösi Dätsche gä. — Unger der Zyt bin i natürlig au größer worde und my Wybstuude isch afe ne ordlige Baum gsy mit vile schöne Äste und Doldere; aber das Bschrütte, so grüesli as' mer zwider gsy isch, han i nie vergässe; dernäbe han i i der Schuel brav glehrt und ha au dusse gwärchet trutz üsem alte Ghlaus. Ändlige chumen i us der Schuel und ha mym Ätti Ghnächtedienst versch und er isch grüesli wohl mit mer z'ride gsy, so daß er mer dernoh gseit het, ig heig guet zum Wybstock gluegt, i soll jetz ebe so guet zuer Waar und zum Fäld luege, das i nä rächte Buur abgäbi wie der Ätti, und das er sym einzige Suh'n dörf 's Heimet anvertraue und nit Alls verhublet wärdi; süsch wurd er si im Grab no umchehre, wenn 's Buechhofpeters Hof verlatteret wurd. Us bsungerbarer Gnab, seid er mir dernoh, bruuch i der Wybstock nümme alli Tag, sondern numme alli Samsdig z'bschrütte; er wachsi jo, daß es ne Freud syg; und es isch würklig au wohr gsy und dä Stock mit syne schöne Äste isch mer rächt lieb gsy, i hätt ne nit wohljel gä, er het mer so schön Schatte gmacht vor mym Gade, und alli Früejohr, wenn er syni Büßeli übercho het, het üsen Ätti es par Noochbure zäme uglade; de het me ne Disch unger dä Wybstock use gnoh und het dört zäme es lustigs Möhli gha und allimol het er de syne Gäste die Gschicht vo dem Wydebüßeli erzellt, wie mer se Alli müesse. Do het der Pfarrherr nie dörfä fähle, wenn er scho ne steialte Ma gsy isch und i der letzte Zyt nümme so flyßig me zuen is cho isch, will er vor Alter fäsch nümme het chönne laufe. Dä het de allimol au syni Bemerkige



zu der Gschicht gmacht und de albe am Änd gseit: „Chlyni Ursache, große Wirkunge.“ I ha das nit rächt verstante, aber es isch ne Zyt cho, wo mer Alls klar worden isch. —

'S Bethli, das isch ungerdessa ufblüeit wie ne Rose, het Bäckli gha wie nes Chirsi, Augli wie Beieli, Zähn wie Helsebei und isch groß ghy wie ne Cedere; ganz s' lybähnlig Gebild vo syr Mueter sälig, der Rütibüri. Kei Wunger, wenn die junge Burste all still gstange sy ame Sundig, wenn's by ne verby z'Chilche gangen ist; und doch het's es ganz eifachs Chleidli dreit, het nit es Meieli und Mäschelizüüg usem Chopf gha, wie 's Müllers Meitschene und angeri meh, sogar ärmeri, die Alls nume a d' Kleider hänte, die derhär chömme wie Finälle, mit Sunneparisöli, Bloggeärmel, und wie dä Firlsanz alle heiße, und deheim keis Chüeli chönne mälche und keis Süppli chönne choche.

— So i säge no einisch, kei Wunger, wenn mänge junge Burst nes Aug uf Ammes Bethli gha het und em noh trappelet isch bis dörtsue; und kei Wunger, wenn sogar der jung Behdofter vo Stolzwoyl, me het em nume der Fuusti gseit, abselut gment het, er well däm Meitschi gsalle. Aber 's hätt no mänge Fuusti chönne cho, das hätt nüt gfruchtet; und sälber dä Bloosti vo Dragunerhans, wo mitem Fuusti einisch cho isch und gment het, er syg der schönst und rychst übere Buechiberg und über 's Wasser use, und alli Meitschi heige der Narr anem gfrässe ('s isch dr glych, der scho lang grüseli gärn Kantonsrot worde wär, wenn er scho nit emol ne Zylete cha ortegrafisch schrybe, und der ne Cholderi isch erster Klauf, dänk me nume a die Gschicht mit däm guete Pfyfeler vo Alperjöggli; mer wei si de dernoh Dene, wo si nit wüße, einisch erzelle), wird 's Nie-merem rüeme, wie 's em gangen isch, won er einisch zum Bethli z'Chilt welle het. Dä het im Haag noh hei chönne mit sym Fuusti und die nasse Buggle hei si deheim chönne dröchne. Und doch het dä Fuusti nit welle abgä; denn Bethlis Ältre hei ne gar gärn gseh; si hei gseit, es syg gar en ordlige und derzue no ne gschickte, bsungerbar für Geiße und Süi z'doftere. 'S Bethli het aber gwüßt, daß das alls nit wohr isch, daß

der Fuusti ne fule Rärli syg und vo eim Pintli i's angere lauft; daß er gäng sägi, er heig gar vili Bikannti und Verwandti, nume daß er all Dag uf Hüneberg, i d' Engi und bis z' Altehus und dernoß über Gaisbach heigoh chönni, um d' Zyt z' verplämperle, und daß er grad drum, wil er z' vil mämmeli, so gäli Schlarge, me seit ne glaub Läberesläcke, im Gsicht heig; und das het em gruset. Näbstdem bruchen ech dank nit z'säge, daß es mi lieber gseh het, as e so Halbherre und Schminggle i ängge Hösli und Fräcke und d' Hoor voll Pummade, so nütznuzig Musterlirüter (und wär's sälber no ne dickhöpfige Wyhändler mit eigenem Feuerwerch gsy); mit eim Wort, 's Bethli isch mer treu und ahänglig gsy und het kei Angere zum Ma welle as mi.

Aber was geit jeh? — I bi just nünzähni gsy; der Huus- tage mit alle syne Schönheite isch wider abroche; d' Vögel hei lustig aso pssse im Wald, d' Matte hei aso gruene und üse Wybstock het frösch Blätter und Bluest tribe. Und wider het der Ätti syß Wydebüßeliasstli veranstaltet und alli syne Gründe derzue yglade und dasmol het er meh Ufswand gmacht, as angeri Mol; i ha gmerkt, daß do öbbis Apartigs im Spil isch. Item dä Fastdag isch cho und Als het sy lustig Verlauf gnoh wie süsch, und bsungerbar der Pfarrherr isch gar lustig und redselig gsy. Wo bal Als fertig gsy isch und die Gäst furt welle hei, steit der Ätti uuf und seit dene Lüte: „Looset, Manne, ig stellen ech hüt do mi Suhñ vor, er het bisdehi sy Sach ordli gmacht; aber 's isch nüt, wenn Eine nit frönds Brod lehrt ässe; drum mueß er mer jeh neß Johr zu mym Fründ, dem Rainbuur, i Läberbärg use; das isch der größt Buur wyt und breit; hört lehrt er de das Buure us em Fundament. Und de isch no Öbbis: dä Jung het, win i wohl gmerkt ha, a däm Meitschi da äne der Narr gfrässe; drum, Bürstli, muesch furt, daß settig Dummheite vergissisch; körsch, Peter, das Meitschi gäb dir nit Fueteri; schloh das nume usem Chopf; do mueß Eini zueche, die meh Chümi het, as das Bettelmeitschi do äne; uf Gälb mueß me hütigsdags luege, das regiert d' Wält.“ —

Wie vom Donner troffe bin i do gftange, grad as wie ne Elgöß, und 's Briegge wär mer z'vorderisch gsy, wenn i mi vor dene Manne nit gschämt hätt. Die Manne hei übrigens mym Atti vollkomme Rächt gä und em der Chopf groß gmacht, wie der alt Buechhofpeter z'Stadt und Land bekannt syg und sy stolz Suhñ au; dā chönn se ußläse; wenn er numä d' Hang ußstreckt, so hang am ene niedere Finger Eini und derzue no ne schwäri. — Settige und angeri Sache hei mer die Gäst vorgeschwächt und i mueß bekönne, würtlich het mi do au der Gältbüßel en Augeblick i d' Chlaue erwütscht und i ha by mer sälber dänkt, si heige eigetli rächt, i syg e Lämmel, wenn i die Ersti Besti nähm; d' Wält syg groß und Weitschi gäb 's guue.

Do het aber üe Pfarrherr d' Sach wider hym rächte Fläc agfasset und der Nagel ufe Chopf troffe. Er seit nämlig: „Daß der Peter i d' Fröndi söll, isch rächt gschyd; aber was das Hürote anbetrifft, so löt dir ne nume mache; er wird no mengisch arönne und wenn 's Gottswill isch, zletst scho die rächti Person finde; nächstem heißt 's in der heilige Schrift: Was Gott zusammengefügt, das soll der Mensch nicht trennen. Witem Gält eleini, Papa, isch es de übrigens au no nit gmacht; es chunnt ufe Charakter a und ab die Lütli enander lieb hei oder nit und ab so nes jungs Fraueli au 's Huuswäse verstöi, oder ab 's numä ne Finälle, nes Schlärpli syg; do syg de so ne Ma truz allem Gält ne arme Dropf; besser, dr Hagel schlöi uf d' Fälder as i d' Chuchi. — Drum bedänk das drümol, Peter; vertrau numme ufe lieb Gott und halt di gäng brav, so wird sich 's Andere scho mache!“ — I ha im Pfarrherr d' Hang drückt und dänkt, ne gstudierte Herr weis doch vil meh as so ne graduse Buretschalpi, und i han em alls Guets versproche. Vo do a isch 's no zwe Tag gange; me het mer mis Drögli zäme packt und i ha mi müese zur Reis aschicke; d' Mueter het mer myni Chleider zäme gläse, het mer no es baar Gebättbüecher, der Goffine und Thomas vo Kempis und no angeri mitgä, und mer no verstohlenermäs es baar funkelnagelneui Füüßfränkler i's Lyblitäschli gstoße, damit, wenn 's öbbis

Ungsiuns sett gä, das ig emel nes paar Baze heigi. — Das isch am Samstagobe gsy und am Sunntig druuf han i furt sölle; zum letste Mol han i üsi Ächer und Fälder bsuecht; zum leiste Mol der Waar inegä und üsi liebe Schwarzschäggi gstreichlet. O myn Gott, wie isch mer 's Härz so schwär gsy; zum letste Mol nimen i mys Mälchterli füre, um my lieb Wydebaum no einisch z'hschütte, und fäsch han i nit von em wäg chönnne. — Wenn gseh i bi ächt wider, han i für mi sälber halbbrieggerig gseit? — „Will's Gott öbbe gly wider,“ seit jetz nes fyns Stimmeli, und won i erschrocke umeluege, steit 's Bethli hinger ammer; das Härli het All vom Christe ver-  
noh gha und gseh, daß dr Ätti und 's Mueti no zäme use Schachenacher use gspaziert sy und drum het 's die Glägeheit welle profitire, für mer gschwing Abie z'säge. Was mir dört zäme grebt hei, dört unger üsem Wydestock, z'Obe spoot, das will ig ech nit widerhole; nume das will ech säge, das mer dört euangere eebigi Liebi und Treui gschwore hei, gäb es was' well, und üserß Berspräche mit eme härzhafte Schmutz bsiglet hei; glückliermys het 's niemer gseh, as es baar Stärnli am Himmel und üse Fründ Wydstock, und die hei nis nit verrote; dene isch besser d' Sach azvertraue als ime Dampirynb. Die hei's de au niemerem gseit, daß die beide Lütli jedes im angere nes silberigs Ringli, woruuf es Wydeschöpli mit eme Härzli und zwei Vergißmeinitli gmolet gsy isch, zum Andänke gä hei und daß der Wydstock freudig syni Ästli gschüttlet het, wo das verliebt Pärli drunger gstanden isch.

Der Ätti und 's Mueti hei mi bi ihrer Rückkehr im volle Npacte atrofte, hei mer no gueti Rät erteilt und Zyt zur Abreis use Morge früe feststellt. — I goh i's Bett; aber die ganzi Nacht han i feis Aug zueto und mi im Bett umedröht wie ne Fieberchranke, so das i froh gsy bi, wo's Morge gsy isch. Am Sächsi bin i scho im Sundigwir gsy und am Sibni het der Choli scho ganz ungeduldig syns Gschäll vor em Huns gschüttlet und ig bi mit myne Lüte, mym Plunder und emene zäntnerschwäre Härz ufgstige und hüpp! isch 's vorwärts gange,

so das i 's Bethli fasch nit emol meh gseh hätt, das dur sis Gadefenster dure mer no s' Naselümpeli gschwunge het. — D' Reiz isch guet abglosse und z'Mittag chöme mer z'Grände obe bi mym neue Meister — dem Rainbuur a. Pos Bliß, wie sy mer dört epfange worde! Die ganzi Huushaltig isch barad gsy für üs z'grüesse, und nes Mittagässe hei si zwäg gha, sovil der Disch het möge träge. Nom Ässe het üs dernoh der Buur sy Waar, syß Heu und syni Matte zeigt. „Wohl Händsche, do buuret's angers as ufem Buechhof!“ seit do der Alti; „gib nume brav Acht, Peter, do lehrsch öbbis.“

Das isch denn au würklig so gsy; der Rainhof het über hundert Fucharte Land gha; und das isch vo etliche zwänzig Dienste und der Familie vom Eigetümer bsorgt worde. 'S Buure hei die Lüt ufem Fundament verstanget; aber lieber Gott! 's isch allen Orte öbbis und so au do, drum het 's mer au nit rächt welle gfall. D' Huusfrau het alle Lüte zuckerfüezi Wort gä, und isch dernäbe falsch gsy, wie Galgeholz; und gwungerig isch si ersch rächt gsy; si het gäng Alls wölle wüsse, was im ganze Land ume vorgangi; drum het si d' Cheßlerbötti und angeri Dätschwyber gäng zuen ere yglade und se usgröglet; und de Soometräger mit ihre Spätsyntechutte, im Hooch, im Hubesack und im Dürr, het si mängs Gläsli ygchänkt (wenn si scho der Gyt derwäge fasch verwörget het), nume für Alls z'vernäh und z'mache, daß Die allen Orte sägi, s' Rainbuure Meji syg ne trüji Büri. So nit vergäbe isch s' Meji mager gsy wie ne Muheime; der Gyt het ufem use gluegt, wenn es scho a sym Muul nüt ersparrt het. De Dienste het es Gaffee gmacht vo dure Rüebli und derzue 's alt Gaffeepulver gnoh, wo 's scho für is es paar Mol abrüet gha het, ne chly Zifori und ne himmelblau abgnoni Milch derzue; s' Brod isch schwarz gsy wie Rueß, steihert, und ne fingerslänge Bart dra; so hei nie keini Dienste lang chönne blybe. Dr Buur dä het alli Dag sy Dips gha vom Schnaps und het de albe im Huus umme gwüetet wie der leidig Dürst; nüt isch em rächt gsy, bsungers vo dört erweg, won er alli syni früechere Ämtli ver-

Iore het und me gar no d' Rächtsimene ufgha het; sälbmol hätt meni gfählt, er wär si go hänke. — Syni zwo Sühn jind gbildeit Rärliß gsy, die gmeint hei, si syge obenuse und nienena, und doch isch nüt an ne gsy as der Hochmuet und nes schlimms Muul. Bsungers der Jünger, där 's letst Johr bim Militär Capral worde isch, het vor Hochmuet gstunke und doch isch hinger und vorne nüt mit em gsy. Drum het au der ewig Ufride i dem Hus äristirt und a das bin i nit gmohnet gsy. „Das syg hie nit gäng so gange“, seit mer dernoß das alte Babi, d' Röchi; wo der alt Rainbuur no gläbt heig, syg en angeri Ornig gsy; aber jetz halt 's niemer meh lang uus und d' Sach göji ender bergab uf em Hof, als das er si üfni; as wart nume no uf 's Annemarei, das z'Neuestadt i der Pangsion syg und das jetz de hei chöm; das syg no 's beste von Allne gsy, wo 's no beheim gsy syg, und do wärd 's wol wider bessere, wenn das hei syg. Und d' Büüri die het mer all Tag vo ihrer einzige Tochter brichtlet, das syg 's schönst Meitschi im ganze Land und manierlig, das müeß i aber nit numme so ne Buureschalpi ha, das syg für ne Heer us der Stadt bstimmt, öppe für ne Rotscherr oder ne Dokter oder so öppis.“ Do han i chönne schmöcke, daß die Drübel für mich nit ryf wäre, wenn 's mi scho dernoß glusteti; aber der Buechhofspeter het dänkt, das syg glych, är für sy Dehl chönn's mache ohne die, si wärd au nit öppis Apartigs sy, will der Spfel nit wyt vom Stamme falli. —

D' Ostere isch ändlige cho und do het der Rainbuur am Morge früe syß Rytwägeli füre gnoh, suber lo puße; s' schönst Roß im Staal, ne prächtige brune Araber, het er use gnoh und nem es silberbschlaguis Gschirr agleit; är sälber het sy guettüechigi Bchleidig füre gnoh (er het die gha lo mache, won er einisch merkwürdigermys zum Großrot gwellt worde isch), und isch uf Neuestadt zue, sy Tochter abzhole. D' Büüri isch beheim blibe und het gchüechlet und bröterlet, für's Meitschi würdig z'epfoh, und het no nes paar angeri Meitschi zum Gasseetrinke yglade. Ändlige z'obe am Jüise chunnt es funkelneus Scheesli derhär cho z'fahre mit

's Rainbuure Brun und richtig dört drinn isch der Buur und si Tochter gsy. Was isch gange? — Das Dämli het dem Alte rundement erklärt, es fahr nit im ene offne Feuerwärch meh, das syg nit gumisoo; es müest si jo syner Läbdi schäme; und da guet Atti het uf Viel zrugg chönne, und het dört die neuu Schäse kouft, wo mer gseh hei acho. Wie der Rainbuur (er het do au uf Befehl vo syr Tochter ne Sigare müesse raufe und sy Ulmerhopf mit Silberbschleg i's Sitzschifli müesse legge) gschlöpft het, daß me 's wyt ume z' Betlech und z' Reibe äne fört het, daß emel all Lüt gseie, daß der Rainbuur ne neuu Schäse heig.

Was das für ne Empfang gsy isch, wo die Lüt usgstige sy! „Aber nei, üfers Annemarei, wie das groß und hübsch worden isch, was du au für nes schöns Hüetli ufhesch und ersch 's Zürteck, aber nei, nei!“ So isch das gange zäme mit der Alte und der Junge, daß me mit keim Hämmerli zwüschenine chönne hät. Und was isch de das für ne schöni Dame gsy, 's Rainbuure Annemareili? Öppe ne währschafft Buuretochter, wie mys Bethli? — Bhüetis Gott! Nes magers, spindledürs, bleichsüchtigs Figürli, ygschnüert, das es fast nit het chönne schmuuse, es allerats Wachsfigürli i Syde und Sammet ypuppet; natürlich mit Händschli und Sunneparisöli und eme mächtige Reifrock, grad so wie die Luftballone, wo si einisch z'Chriegstette usgloh hei. Und nes Schahle het es agha mit Zötteli und Sache, es heig zäh Dublone kost und syg 's Schönst gsy i der Pangtion; dernäbe ne guldigi Uhr mit vierfacher Chötti, silbrigi Haste a der Zippe und weiß der lieb Gott no was für ne Luxus. — So isch me zum Caffe gässe und s' Annemarei het obe a Disch müesse sitze. Oh, was sägen i doch Annemarei? So het's bi Loh und Läbe nümme welle heiße, i der Pangtion säg me Mary und so well äs jek au gnamset sy; äs gab nit Antwort, wemm me nem nit so rüefi; s' Wirts Annelisi heiße jek au nümme so, me säg em jek au nume Madmesell Elise. Das syg gumisoo.

Nei Mäh! du gisch nit Brod! han i für mi sälber dänkt;

es nimmt mi numme runger, daß- das Meitschi no no  
üßer Manier iszt und trinkt. Aber hola, nume nit zlut gschraue!  
— Wo d' Ghüechli ufe Disch chöme, nimmt 's Mary d'Händschli  
füre und het die Bizli mit de Händschli i 's Muul ine gstoße.  
Das het mi doch währli afe bunt dunkt und i bi froh gsy,  
han i vom Disch erweg chönne. Do han i ersch rächt Heimweh  
übercho no mym Bethli, won i dä groß gwaltig Ungerscheid  
zwüsche bene Zweue gseh ha.

Aperepo, dir wärdet welle müsse, was syder dört und ufem  
Buechhof gange syg? Währli allerlei. Bi üs deheim isch's  
guet gange, der Atti het für mi no ei Ghnächst agstellt und so  
isch Alls gange wie früeher. All drei Wuche het mer de der  
Christe müese cho brichte, was es Neus gäh, und i ha faich nit  
möge gwarte, bis er albe cho isch. — Hüt z'obe chunnt er do  
au, grad, wo mer no am Gaffee gsy sy; i bi froh gsy, daß  
i vo der Finälle wäg chönne ha; i ha do ne gueti Usreb gha.  
Aber was vernimmen i do? Gester heig der Amme 's Bethli  
furtgjagt; si heige's abjelut welle zwänge, der Fuusti z'hürote,  
und das heig's perforsch nit welle due und drum heig's d'Steif-  
mueter zum Huus usgjagt und der Alt heig es Testament lo  
make und im Bethli sy's ganz Vermöge etzoge. Er heig's von  
em sälber, si heige zäme de Komittag bi de Fröhligermeiblene  
i der Stadt ne Schoppe trunke und dört heig's em Alls chlagt,  
für mir's z'jäge und mi z'grüeße. Als syg jeh arm, heig nüt  
as syni Chleibli und wemm mer öppe 's Rainbuure Mareili  
besser gfalli, so soll i's numme näh, das heig jo vil Gälb.  
Aber mi wärd's glych nit vergässe, so lang as es läbi. Es  
gang jeh i's Luggli yne, dört heig's ne guete Platz.

Das isch mer natürlig wider ne neue Donnereschlag gsy,  
und i ha nit gärn gseh, daß 's Bethli i's Wältischlang gangi;  
i ha dänkt, es chönnt au so Maniere anäh, wie 's Mary oder  
es chönnti dört öppe imene Uhremacher oder imene Gummi,  
die all gar zimpferlig duo chönne, guet gfallt und es chönnt  
mi de vergässe. Was doch d' Liebe ein ploge und Gspänster  
vormohle cha! Nu, wohl isch mer bi der Sach nit gsy, mi



Ätti het, wie gseit, vom Bethli abjelut nüt welle wüsse, hfun-  
gerbar jetz, wo 's sy Ätti enterbt gha het; und do bin i fasch  
verzwyflet. I 's Rainbuure Huus isch 's mer verleidet, das  
i's fasch nit ha mögen usghalte. Die Jungi, 's Mary, isch  
nes unuststehligs Gschöpf ghy, däm me nüt het chönne rächt  
mache; 's isch no ärger ghy, as die Ätti, hfungerbar gäge mi;  
wo 's gseh het, daß es nüt us dem Hüenli gäh, het's mi use  
Strich gnoh und mi plogt, wo 's nume chönne het; kei Fäße  
isch am mer rächt ghy und so isch mer 's Läbe ganz verleidet,  
hfungerbar, will i vom Bethli wäder Staub no Laub meh  
vernoh ha und ha müese dänke, es heig mi vergäße, wie's  
d' Meitschi gärn mache, wenn si ne Schönerer und ne Rydhere  
im ene Egge ine aträffe, hfungers wenn eine no guet cha danze  
und scharwänzle, was i nie glehrt gha ha. So isch mer unger  
Chummer und Herzeleid der Summer verbygange; all drei  
Wuche isch der Christe cho, aber vom Bethli het er mer au  
nüt chönne säge und i ha d' Wuche zellt, bis mys Johr ume  
syg. Der Winter isch ungerdessa agruckt und do isch es no  
vil längwyliger worde, bi dem eebige Afride, wo i 's Rain-  
buure Huus gwaldet het. Do haltet a der Wienacht z'Mittag  
ne Schlitte vorem Huus und nes ganz schwarzagleits Wyber-  
volch stngt uus und frogt mir noh. I goh go luege und  
wer angers isch's ghy as mys Bethli! Das seit mer, sy Steif-  
mueter syg am Narkesieber gstorbe und der Ätti syg au chrank  
und heig em Bscheid gmacht für hei z'cho für a Gräbt und  
ihm abzwarte; es schüchi d' Chranket AUs zäme und es well  
niemer byn em sy, für em abzwarte. Drum well 's prässiere  
für hei z'cho; wenn's denn im Ätti besser gang, so chömm 's  
denn wider dodure; es well mer de brichte, wie 's em syder  
gange syg; äs heig mi emel nit vergäße; und das frogliche  
Ringli het schön a syr Hand gliheret: „I bi ghy wie us de  
Wulche gfallt; mym Bethli het 's Wälschlang nüt gschadet;  
äs het keini so dumme Maniere agnoh gha wie 's Mary. I  
drücken em härzlig d' Hang und säge: „I ha dinetwäge scho  
schwäri Byte gha; will's Gott geit's öppe bald einisch besser;

grüß mer der Wydstock, will du myni Ältere nit grüße darfsch, und chumm gly wider zue mer.“ Und mit dene Worte und emene Glückwunsch für si Reis und gueti Besserig für Batter han i Abscheid gnoh von em.

Vierzäh Dag gö übere und Christe chunnt wider zue mer, o wie gärn han ig ne wider gseh cho! 'S Erste, was er mer seit, isch gsy, 's Bethli Batter syg hüt am Morgen au am Nardesieber gestorbe und es syg wäge dem gar grüßli truurig; doch syg do, wie bi jedem Unglück au no nes Glück; der Amme heig si mitem Bethli ganz usgsühnt, will 's em so guet abgwartet heig, heig 's Testament zugg gnoh und syg ganze Vermöge wider sym rächtmäßige Erb, em Bethli, lo zuecho. Als heig em's sälber gseit, mit dem Uftrag für mir's z'säge und mi z'grüße. Natürlig het mi das unändlig gfreut; aber i säge zum Christe: „Jetzt wär ei Schwierigkeit nümme im Wäg, aber üse Ätti, dä het ne Stettchopf und dä isch im Bethli no gäng nit gruen.“ Christe aber seit: „Vertrau nume use lieb Gott, de chunnt Als guet; er wird der scho der rächt Wäg zeige.“

Es geit wider drei Dag, do chunnt der Christe scho wider mitem Schlitte und het der Choli agspannt gha. — „Was git's, Christe, daß du scho hüt chunnst und derzuo no mitem Schlitte? het's öppe öppis Ungschicks gä beheime, isch öppen Öpper chrant?“ frogen i gleitig mit der größte Urui. — „Bisch nume unbisorgt, Peter, der lieb Gott füegt jo Als guet, han i der am Sunntig gseit,“ brichtet Christe, „und so isch 's, und los, wie merkwürdig syni Füegige mängisch sy: Hütemorge früe het me der Amme biärdiget; dy Mueter isch au mit em z'Greibt gange; i bi au furt gsy; niemer het ghüetet as der Ätti. — Ungereinisch fahrt ne schwarzi Bulche us üsem Gade use, wo du albe früeher gschlose hesch, und derno lället s' Füür zu de Pfäistere uus; dänk, grad i dem Stübli, wo der Ätti syg Gäld und syni Gäldebrieft gha het; d' Chilcherlüt hei's vo wytem gseh usem Heiwäg; aber myn Gott, die wäre lang z'ipot gsy. Zum Glück gseht das aber 's Bethli, das 's Greibtmoht

gchochet het, springt mit ere Mälchtere zum Brunne; und guraschirt, wie es isch, chlätteret 's der Wybstock uuf und schießt die Mälchtere voll Wasser i's Füür; gschwing no drei, vier, und 's Füür isch glösche gsy. Ungerdesse chummt 's Mueti mit de Chilcherlüte derzue; si ryße d' Fäister uuf und der Atti lyt dinne am Bode, vor ihm si Dubakpfyffe (wahrschynlig d' Ursach vom Brand) und seit halbsturm, was es gäbi? er wuß nit, es syg em ungereinish so wunderlig worde. — Me het em erzellt, was gange syg und das er syß Labe und syß Vermöge 's Amme's Bethli z'verdanke heigi. — „Großer Gott“, seit der Atti, „sei gelobt in Ebigkeit! dyni Wägi sy wunderbar; sogar der Wybstock het mer jeh no Dienste gleistet und du, Bethli, du, mi Ängel, my Labeßrettere, wie soll i dir das vergälte? Wünsch, was de witt, und wenn's my ganz Burehof isch, solsch ne ha!“ — „Nüt, nüt wünschen i“, seit verschämt 's Bethli, i ha nume my Pslicht do; 's Übrige het der lieb Gott gmacht, danket ihm dofür.“ — „So will ig für is wünsche, Meister, wenn der verlaubet“, sägen i derno; — „gät Dühr em der Peter zuem Ma, die Lütli sy stärbesverliebt zäme und die gä nes schön's Pärli.“ „So syg's“, rüest der Atti freudig; „gschwing, Christe, reich mer der Peter, nimm der Schlitte, daß es gschwinger goht; nimm sy Goffere und Alls; und 's Hochzyt soll sy, wenn der weit; gsägn ech der lieb allmächtig Gott!“ Bethli und 's Mueti hei vor Freude briegget und ig chumme jeh im helle Gallop cho z'fahre für di z'reiche.“ — —

I ha nit gwüßt, wachen i oder draumen i; i ha nüt chönne säge, as: „Gott Lob und Dank, und dank dir, guete Christe, du muesch dyr Läbblig by mer blybe und 's nit böß ha.“ — I ha mit mutze Worte vom Rainbuur Abschid gnoch und s' Mary het läng noch gluegt. — Z'Obe aber zittlig sy mer ufem Buechhof acho und do hei mer do ne chlys Verlobungsfästli gsyret. Und in es paar Wuche druuf isch 's Hochzyt gsy, 's lüftigste i der ganze Wasservogtei; und dört unger dem Wybstock hei mer ne große mächtige Disch usgestellt und

die ganzi Nothbererschaft derzue ufglade; au der Pfarrherr, der is zäme gä het, der Wirz, het die Freud au no möge erläbe und er het am Hochzjtmol widerholt: „Han i nit gseit: chlyni Ursache, groösi Wirkunge? Was Gott zusammengfüegt, soll der Mensch nit drönne.“

Jakob Hoffstätter.

## Aus der Lebensgeschichte des Junger Hans.

Ha nie fei Händsche treit, Buebli, mir Läbtig nit! Bi ebe ganz jung scho a d' Ghölti gwent worde. Mueß d'r's erzelle, wie das cho isch, he? So paß mer uuf, aß es nit vergißisch!

Wie's der Bruuch gsy isch bi arme Lüte, het d' Großmueter sälig rychi Burelüt gfroggt für Götti und Gotte; i bruche dr nit z'säge wer, kennsch si doch nit, si si scho lang unterem Bode . . . Und es het förchterlig vil Schnee gha, und der Götti het dr Rönnschlütte füre gnoh und d' Gotte und d' Hebamme und mi, dä chly Brüeli, uufglade und isch uf Chappel zue gsprengt, für mi lo z'taufe. Und wo dr Heer us mir chlynem Heid ne chriftlige Hans gmacht gha het, si si, wie's dr Bruuch isch bi Rych und Arm, i 's Wirtshus zoge, für si go z'wärme. Und si hei si gwärmt bi rotem Wy und wyße, dr Götti het Kochnigs befohle und Bachnigs und het 's lo grote, wie nit bald Eine; de er heb gar e lustigi Gotte gha und ne hübschi! Und 's het aso öbele und isch feister Nacht worde, wo si ändlige usproßt si. Der Götti und d' Gotte ufem vordere, d' Hebamm mit mir Hübeli ufem hintere Sitz, so si si heizue gspränkgt, nume ganz hübscheli; de gfreore het se si nit, und dr Götti het mit dr Gotte Allerlei z'rede gha und z'gspäße. Und wo si hei cho si vor eufers Hüsli, si si abgstige, nume d' Hebamm nit, die het nämlich 's Ghöppli ghänkt und gschlooffe wie nes Haselmüsli. 'S Ghindsdeckli het si fryli schön fest i den

Arme gha, d' Hauptsach aber, 's Ghindli, isch use gschlüpft, verlore gsy! Het mr au scho öppis eso fört, 's Taufghindli z'verlure? Bi der Ghölle no, i dr feistere Nacht?! D' Großmueter het gschraue, aß es d' Nochtbure fört hei, und mis Mueti isch i d' Ohnmacht gfallte vor Schräcke, und wo si wieder zuen ere sälber cho isch, het si absolut zum Bett uus welle und furt-springe, ihres arm Würmli go sueche, und Alli hei müesse wehre und tue, und hei si fast nit möge ebha — es sig zum Erbarme gsy! D' Hebamm het halt nes Rüschi gha, nei, ne rächte Dämpis; bsunders wo si wider a d' Wärmli cho isch, het se si erst rächt möge. Also si d' Großmueter und Gotte und Götli und 's Lunzis Hans mit dr Loterne uf d' Suechi uus gange, dr Schnee isch ne cho bis über s' Strumpfbändli uus. Si hei zündet und gügget, linggs und rächts, und ander Lüt si au noch glaufe, aber niene feis Ghindli! Andlige, grad oben a Chappel, het's es si dunkt, si före öppis schreie, und richtig: dört isch dr chly Hans gläge, teuf im Schnee, und het nüt a gha as nes Tschöpeli und nes Chäppeli uff und 's Tauftüchli ufem Näsli, und het gläbt, sücht hätt er jo nit gschraue . . . Und d' Lüt hei gseit: Wär's nes rychs Burebüebli, wär 's au richtig verfore. Imene arme, unehliche Ghind tuet 's aber nit so gschwind öppis!

\*

\*

\*

S bi groß und stark worde, jo stark wie nes Muneli, und mit so eim han i's au einisch probiert, — ha fei Wahl gha! Hei sälbmol Milch gha wie Bach, und ha müesse go Gebse etlehne zue 's Rumpelfenne. Wien i mit dr Hutte voll Gebse heizue will, der nächst Wäg über d' Weid, han i dr Stier scho före jutge und mügge, ha ne gseh us dr Truppele Chüe use cho, grad uf mi z'dorf: dr Stil het er i d' Höchi gha und dr Grind i Bode, het gsharet und gstampfet und geiseret, und i ha gseh, aß i nümme cha etrinne, nümme zuer Legi ma gcho. Jetz Vögeli friß ober stirb, han i dänkt, jetz isch dr Tüfel nümme mit! Ha gflingg d' Hutte abgestellt und bi hinte dra abeghuret.

Rätſch! het's gmacht, d' Hutte mitſannt de Gebſe iſch höch uuf  
gſloge, 's iſch frei glächerig gſy einerſits! Jez! han i dänkt  
— packe s' Muneli mit eir Hand bim Horn, mit der andere  
aber han ig's bi de Naſelöchlene erwütſcht, i bin em ſchyn't's  
echli ungſinnet cho; 's het mi welle ſtoße, eſchlipft aber mitem  
hintere Bei in es naffes Bödeli zrugg, das git mir ne Vor-  
theil, i wende alli Ehrſt a, s' leſcht Nörvli im ganze Lyb,  
dräihen em dr Grind zringum, wutſch! do lyt er uf em Ranze!  
Jg lo ne aber nit lo goh, i chnöien em uſe Hals, er ſchloht  
mit alle Viere dry, er brüelet, ſi köre 's im Rumpelfennhuſ  
obe. Er guſlet mi mitem Hörnli i de Rüppene ume, aß  
i 's Für im Elſiß gſeh biß uf Stroßburg abe — i loh nit lo  
goh! Er geiferet zum Mul uus, d' Naſelöchli ſi ganz bluetig,  
er verchehrt d' Auge, 's iſch ne Gruus, i fälber zittere am  
ganze Lyb, aber i holte doch uus, biß die Burſchte do ſi vom  
Rumpel mit Stäcke und Seilere und Dröſchpſlegel . . .  
Und me het lang no drvo zellt uf de Berge und dr Weiſter  
het gſeit: „So, ſo, biſch du ſo ne ſtarke worde? darſ di de  
halt nümme chläpfe!“

\*

\*

\*

Da 'ſch anno Vierzähni gſy. Am helgen Obe ſi di Dütsche  
ine cho und Wätter iſch 's gſy wie im Merze oder Wymonet,  
ſo warm und ſchön; das hättiſch ſelle gſeh, Chlyne, wie das  
cho iſch, vo Olten uſe, grad as tät 's ſe ſi ſchneie: Fuezvolch,  
Atillery, Huſare, Karſierrüter und Grenibier, Manne wie Flüe,  
aber uverſchant und ungrote wie d' Blißge! Die erſti Nacht  
ſi's ihrene Füßg i d' Mühli cho und acht Roß! Channſch dänke,  
wie das ghuuſet und gepoltet het im Züg ume, und mr het  
ſi ſchier nit vrſtande, will 's Schwobe gſy ſi us Rußland, und  
Polaggen und Ungriſchi. Und wie Die ggäſſe hei, bhüet iz  
Gott und 's heilig Ehrütz, ſo han i no nüt gſeh, vorher und  
ſider nit! Zwo Platte voll Späck, handschöchi, und nes halbdöke  
Schüſle voll Rübli und Schnitz ſi vrſchwunde gſy im Auge-  
blick! Und du hei ſi no „Butter“ gheuſche oder „Schmalz“,

und wo ne 's Mablee ne Hase voll Säuschmuß brocht het, drü-  
jährigs und zündgäl, hei si 's nume so uf 's Brot gstriche  
und ggässe, — pfi Teufel, es het ein schier glüpft vom bloße  
Zueluege!

Und Lüs hei si gha vo alle Rasse, und nume Fözle uf  
em Lyb! Und wie das gstunke het i dr warme Stuben inne!  
Und Wybsbilder hei si au mit ne gschleift, Margetändere und  
Chind und Hünd und Bagaschi, dr Verstand ist ein schier still  
gstande. Und d' Offizierer hei ihri Soldate nume für Hünd gha  
und euferein eigetlig au. Sogar d' Meister slüt hei müesse  
ahosche a dr Stube stür, wenn ne Offizier binne gsy isch, und  
erst dürfen ine goh, wenn er's erlaubt het. Isch das nit lustig  
gsy? Und wenn si ne Soldat verfehlt het gege d' Militärornig,  
so sin em eifach Feufezwänzgi uufgmässe worde us em fj. Einisch  
hei si Drei mitenand uusklopset, grad hinterem Spycher; die hei  
gjußget, poß Chriesibluest!

Zerft hei mr si grüßli gförchtet, spöter aber nümme so.  
Einisch z'Obe hei mr süßg Roß i's Quartier übercho, dänk  
mr au süßg Roß untereinisch! Do hätt i selle d' Chüe usem  
Stall ufe näh und d' Roß inne loh, und doch hei si Platz  
gnue gha im Tenu usse. I ha grad gmistet und dā groß  
Greßebacher Chnächst isch bi mer inne gsy. Nāhā! han i gseit,  
wo si do mit de Rosse vor d' Stallstür cho si — nāhā, nix Chüe  
'raus! han i gspottet, d' Chüe blibe do inne, poß Donner-  
wätter! — Und wo si ihri länge Säbel zoge hei, hei mir Zwee  
d' Mißtgable i d' Hand gnoh und is unter d' Stallstür postiert,  
und i ha gseit: Chömet nume mit eue Ehrutmässere, mr wei's  
mit ech probiere, dir Stinkhünd dir! — Die hei Gsichter gschnitte  
und d' Schnäuz gstellt und parlet und gewaltschet; 's het nüt  
ghulfe; mir si nit erwägg gange und schieße hei si au nit  
dürfe, de es isch ne Offizier cho und am End het er doch eus  
Nächt gā.

Fast all Tag si's Truppe cho, und anderi si abzoge, obfig  
uuf. D' Bure hei müesse d' Roß lifere für 's Bagaschi z' füere.  
Im Afang hei si nume ne Tagreis mit müesse, spöter zwo,

drei, eister wie witer, bis ine i's Frankrych. Und Dell si gar nümme oder ohni Ross hei cho. Das het dene Bure nöje nümme welle gfallle. Aber was hei si welle mache? D' Gwolt und d' Übermacht isch ne ufem Aste gässe!

Einiß am ene Morge früe, grad won i uufgstande bi, chunnt dr Bur und seit: „Hans, es mueß wider Eine furt mit zwei Rosse — bhüetis Gott, wenn hört ächt au das uuf? Und jetz het dr Lunzi Buuchweh, dr Charrer mueß i d' Rehr — Hans jetz muesch du halt goh, i cha nit hälfe! Mach di zwäg, si wei gly uufproke! Und do hesch öppis Gälb, und heb ömel grüßli Sorg zue de Rosse und paß mr uuf, hesch fört, Hans? Wilers cha dr leider nüt vorschrybe, weiß jo nit emol, wo's bure goht, ob Solothurn oder im Wältsche zue, oder gar uf Punterlü. Euferein isch halt nüt meh Meister, keis bißeli! Re gföhlige Tambur oder ne lusige Pandur het i dr Rieckebacher Mühli jetz meh z'befähle, as ig sälber! Hört das Gländ ächt no nit bold uuf? Dheie heie!“

D' Meisterne het mr no ne halbi Wäihe i d' Chitteltäsche gstoße und nes Gütterli Bähirwasser. Im Lunzi han i dr groß Bullhuet gheusche, und d' Pandure hei mr schier nit Zit gloh, az'panne, so hei si drängeliert für furt.

Ömel Zweitnußig si's ghy oder no meh, wo mr uf Hagedorf cho si, Fueßtruppe, Rüterei und Kanone, so groß wie Gölletrög, und Pulverwäge und Bagaschi; 's het mi dunkt, es well keis Änd näh. Ig aber ha mituus die schönste Ross gha vo allne, i ha's grad gseh, i ha mi rächt uufgloh uf dem feiße, schwere Schimmel. Z'Önsige het 's gheisse ohä! aber nit uf dütsch, de vo ihrem Chudermältsch zring's um mi ume han i nit zäh Wörtli verstande. Dört, z'Önsige, hei se si teilt: 's Fueßvolch isch dur s' Loch hintere im Wältsche zue zoge, d' Rüterei aber und d' Kanone obfig uuf, i dr Stadt zue. I ha nes Wägeli voll Haber gha und Rossdeckene, und nes halbdöke Lahmi oder Ehrankni und zwöi Wybervölcher mit ihre Solbatsbuebe si druf ume gläge oder ghocket oder grupet, hei gfunge



und brüelet oder gfluecht. Mir het mr also dütet: Au Solothurn zue, hü!

Nomittag so gäge de Eise si mr ändlige gäge dr Stadt ine cho. Poß Chriesibluest, wie han i die Schanzen agluegt und dr Santurseturm mit dem gäle Schnopf und 's Tor mit dr Fallbrügg und die große, prächtige Häuser! I ha scho dr Wyl gha, die Sachen azluege; de gwüß ne Stund hei mr müesse warte vorem Tor, bis Ordere cho isch zum Drucke. Das het feslet und großlet dr Stutz ab, bi dr Santurschilche verbei und dur die steinige Gasse dure, mr het sis eige Wort nimm verstande! Aber gly het's Stillstand gäh und vo hört a all zäh Schritt, de d' Stadt isch ganz voll Militär gsy und Kanone und Bagaschi, d' Stroße und d' Plätz vo eim And zum andere. Do han i woll Bit gha, mi Wäiße z'ässe, und dr Hunger isch au do gsy; de vo de Morge früe han i keis Brösmeli i Mäge übercho. Ändlige het 's gheiß: Halt! 'S isch vor dr Marenbrügg gsy am Stalbe, wie si säge. Das isch nes Gsturm gsy und nes Glärmitier! Hüft und hott und überzwäris si si abgmarßchiert uf all Eiten use, und ig ha dänkt: Gottlob bißch do und kannsch wider hei mit de Rosse i warm Stall. Won ig aber d' Roß will abspanne und öppen am enen Ort a 's Fueter stelle, het's gheiß: Nix da, nix da, weiter fahre, weiter fahre! Und si hei mit dr Hand gäge Grenchen use zeigt oder Genf. De Rosse han i dörfe 's Habersäckli a Chopf hänke, und näbe dra hei si en Husar als Schildwacht aufgestellt, dä het ne Schnauz gha fast so läng wie dr Sabel. — So, han i dänkt: jetß bißch schön zwäg, Hans! Adie, Meister, adie, Rickenbacher Mühli, mi und d' Roß gseht dir nimmemeß! —

Ob i de nit dörf go ne Schoppe trinke? han i d' Schildwacht gfrogt. — Ja, ja, sauf, sauf! Hast was zu sauf für Husar, he? — I ha miß Gütterli Bähnwasser füre gnoh und em's glängt. Aha, gut, gut! het er gmacht und 's Mul scho vo witem gschlacket. Glugg, glugg, glugg! das is gut Wasser für alt Husar! — Ig aber bi i's Wirtshaus ine gange, i Storche mein i. Schwernot! wie het das gradlet und borzet

i dr Gaststuben inne und im Gang und i dr Chuchi und allen Orte! Mit Angst und Not han i neß Süppli übercho und ne Schoppe und dā han i scho zgständlige müesse trinke. Wotsch ächt no eine ha, Hans? han i dānkt. 'S cha jo nüt schade, wer weiß, ob 's dr nit no 's Gald au stähle mitsamt de Rösse, und villicht läbsch die anderi Wuche scho nümme meh. Bi der Zit isch jo 's Chind im Mueterlyb und dr Dpfelweggen im Zippesack nümme sicher! No ne Schoppe!

Das Süppli und die Schöppli hei mi orbeli gwärmt, und wien i erwarmet bi, isch mr au 's Guräsch gftige. Vögeli friß ober stirb! han i wider dānkt, du wotsch es i Gottesname woge, oder es müß au gar nit z'mache sy! — Won i use chume, gsehn i dr Husar ufem Wage hocke und mit ere Margetändere oder Soldatesfrau Gspäß mache. I bi süßerli zue de Rösse zue gange, gseht er mi ächt? Nei, er chehrt mr dr Rügg und gauglet mitem Soldateschind. Jetz oder nie! I löse d' Strick ab und d' Brustschettene au, ganz still und sätteri, länge gilingg no dr Geisde, nimme ne Satz use Schimmel use, zwicke beedi Roß, aß si hoch uuf gumpe, hüpp! i de Sätze dr Arebrugg zue! I före hinten a mer teuflich flueche; vor am mer stoht mr Eine i Wäg ine und will mr d' Roß halte; mit em Geisdestücke zwicken em eis i 's Gfräß, aß er über und über drohlet; hüpp über d' Brugg use, dur d' Vorstadt dure im hāle Galopp bis untere Boge. Dört isch nit so guet dure z'cho gsy, doch het mi Niemer aghalte. Numme bim Berntor het mi d' Wacht welle examiniere; i ha aber drglyche to, i för nit wohl, und du hei f' mi lo passiere. 'S isch die gröschti Zit gsy; de chuum bin i paar Schritt vom Dorf eweg gsy, hei f' mr wider ghoopet und gwunkte, und ha Eine gseh cho z'springe. Ohā! han i dānkt, mi söiht dr nümme! Ne Zwick linggs und ne Zwick rächts und hüpp im gestreckte Galopp drvo! Und hüpp uf Buchel zue und Luterbach und weiß sälber nümme wo dure, i dr Stroß noh, über Fäld und Charewäg, eister dure ab i dr Are noh. Ha nie dörfe verschnuuse, ha gemeint, die Kaiserlige sige mr ufem Acke. Z'Wange han i dānkt: jetz

bisch ertrunne und da 'sch scho neß Schöppli wärt; und die arme Roß hei au no nüt gfrässe. I ha mer 's rächt wohl lo sy hinter em Wirtstisch, neß Stündli oder meh. Und wien i d' Roß zum Stall use nimme, fören i scho wider pfsse und hörnle und roßle und stampfe vo dr Narebrügg noch: Es chunnt Camallery, chöne d' Buebe cho säge, — ne ganze Huuffe, 's isch Alls schwarz, so wit me gseht! — So, das isch schöni Bricht! das heiße me vom Räge i d' Dachsträupfi cho! Die hei gruß au Roß nötig, Hans, jeß paß uuf! — I gumpe use Schimmel use — 's isch bi dr Chrone gsy — dräihe d' Roß hott ume und spränge uuf und droo, dört use, won i här cho bi. I bi eister gsprängt im hāle Galopp, ömel zäh Minute lang, und ändlige chumen i zum Tor, grad wo die Kaiserlige zum äneren ine gruct si. I ha si no blöseli möge gseh — jeß, Hans, wele Wäg? Wo isch dr Born? dört unte, linggs! dä Wäg muesch, göih 's dure, wo 's well, über Matte, Stude und Gräbe, all's druff, wie 's Biswätter . . .

Es het grad Zwölfsi gschlage, won i i d' Rickenbacher Mühli yzoge bi. Si hei scho gmeint, ig und d' Roß sige verlore; und won i's verzellt ha, was i erläbt und ussgfande heb, het mr dr Meister neß funkelnagelneuß Halbguldestückli z' Trinkgäld gā, und d' Mueter het gseit: „Madlee, mach im Hans ne Eierbätsch so groß as channsch und ne früschi Suppe; die i dr Chunst inne isch doch nümme rächt warm!“

Joseph Joachim.

## Ein Vormittag in einer Bauernküche.

„Jesü Gott, Liseli, es schloht scho halbi Zähni im Stübli inne, mr wei gschwind 's Gaffee unstrinke und mache und goh! Mr hei die größti Zit, i darf nit dra dänke, was Alls no z'machen isch!“

„I will numme no nes chlys Anteschmittli näh — Wueter! Wo isch das brune Ding? Ihr wisset wohl, was i meine —“ — (Liseli leckt sich den Zeigefinger) „numme nes chlys Tröpfli druf, Wueterli!“

„Het me au scho nes fettigs Schlackmeitli gseh! Nei bi-goscht, du denkst nummen a di Glust; schäm di au; da 'sch ne Sünd! Se, do nimm nechly, aber läng mr nit mit em Brod dry oder mit eme schmutzige Löffel, i will doch nit Ambeisse im Hungg ha wege so mene Glusteweli! — Jetz chumm aber, oder du machsch mi höh'n! — Gschwind gang go dürr Schnitz reiche us dem große Trog im Estrig obe. Nimm us'em linggen Egge gegem Pfäisterli, dais si die ölttere; si wei scho vermilbe. Ambhüsler deren i keini meh, sälb isch jetz gseit; di si numme guet für grünen z'ässe. — Bschluß emel guet, daß d'Wüüs nit ine chönne!“

„Wueter, hei mr Fleisch z'Mittag?“

„Nei, nei, z'Nacht hei mer jo d' Sichlete, de bruucht's scho Sacht's gnue, Fleisch und Brotis und Chüechli, i darf nit dra dänke! 'S isch nit, aß' mi reut, wenn's numme scho gmacht wär und gchochet; 's gruset mr, i cha 's nit säge wie, bi der Sitz und bi mim böse Bei!“

(„Hosche! Hosche!“ poltert es an der Haustüre draußen).

„Wer isch do?“

„Ob dr Säu z'ringlet hebit?“

„Jo, die hintere schwarze Chäzere sötte gringlet sy, si hei e ganze Tag kei Muei — aber 's isch jetz keis Mannevolch drheim.“

„I bruuche weder Mannevolch no Wybervolch, i cha 's nelei. 'S Meitschi soll mr si numme zeige und öppe ne Hälfig bringe.“ — —

„Jösß Wueter! wie goht dä Burscht mit dene Säuen um! sie brüele, 's goht eim jo dur March und Bei; i bi devo gsprunge.“

„Gschwind, Meitschi, tue d' Schnitz i's heiß Wasser z'weiche. I will dr Anten uuslo. Rueg au do die Ballen a, ömel

zwölf Pfund, das bruucht 's bim Tröpfli! Aber 's reut mi nüt, mr heige gottlob gar e schöni Ern, seit der Vatter. — Uih! wie sprätlet das! Sobold as der Anken uusglo isch, muesch de d' Schnitz übertue, 's isch au öppis erspart und si werde gar tusigs guet. Gang 's chli Chesseli voll Surchabis go usenäh! chausch 's neleini? Jä lueg, d' Stei si gar schwär! Deck ömel wider schön zue, as er nit abstoht; das wär ne Gschicht; i chumme lieber sälber. Reich mr no gschwind nes Arfeli Schiter, Liseli!" —

"Mueter, dr Chemifäger isch dusse, er frogt, ob'r chönn rueße?"

"Het dä Mönsh au no Verstand? Zmitts i dr Ern cho chemifäge? So ne Dräckerei astelle, wenn me süst nit weiß, wo wehre! Er soll nes anders Mol cho!" —

"So, Frau, jeh si d' Säu gringlet; bi denen isch 's nötig gsy."

"Was chost 's?"

"Drißig Santine, will's Euch isch. Nes Gläsli müesst Er mr no hschänke."

"Do nähmet 's gschwind usem Bänkli, i cha bigoscht nit vom Anken eweg, er chönnt mr überchoche; Liseli, hau em Brod ab. — I ma fast nit gcho mit Miere; Liseli, zie d' Schiter echli use!" —

"Mueter, die chlyne Hüenli tüei so hungrig, si springe mr noh, won i stoh und goh."

"Jä, die möge halt all Stund. Gib ne nes Tällerli voll Hirs. Aber jag dr Güggel furt und die große Hüener, die si gar uverschant. Das lahm Muezhuen chasch lo sy, 's isch au nes arms! Si d' Schnitz gwäsche?"

"Jo, Mueter! — Chumm bibelibibi! chömmet weibli. — Sch-sch-t! dir olte Chäzere, göiht dir go 's Frässe sueche, 's isch gnue um d' Schür ume!" —

(Der Haushund bellt wie wütend. Die Bäuerin, an den siedenden Antentopf gefesselt, ruft:)

"Wer isch do?"

„Zwai armi Kaisendi bitten um nen Zehrpfennig! Schon lang uf der Raiz und ghai Arbeit.“ —

(Die Bäuerin sucht in der Züppentasche nach Kleingeld.)

„Do, chömet, reichet's!“

„Dangg' gar scheen! Möcht' Se bitte um ne Paar alti Hose oder ne Hemd oder Bottine —“

„Lofet Chnabe, i ha i Gottsname nit dr Zit, nochzluaege; aber i weiß wol, daß nüt meh settigs umen isch; es chömen au gar z'vil. Do het Jede no nes Stückli Brod! — 'S isch gern gscheh! adie wohl!“ —

„Mueter, was hei Die welle? Der Eint isch gar es susers Bürschтели gsy, nes bluetjungs! 'S isch au grüßli so umezlaufe so mit vo Heimet. Woher isch er ächt?“

„Du bisch nes dumms Meitschi! Die hei's besser, as Gusi ufem Fälb, wo si fast z'Tod müesse schaffe bi der Hiß. — So jetz will i dr Anke abschütte und de gschwind d' Schnitz über! Wäsch dr Surchabis, Meitschi, drück en guet uus und de tuet me Späckfeißi dra — hört im Gänterli isch es, im rote Häfeli — nei nit hört! Jo fälb im Eggeli!“ — —

„Mueter, lofet, es si scho wider Zwöi im Huusgang usse, as heusche.“

„Bring ne Brod, hört vom öltene.“ —

„Mueter, müßet er mer 's gsy isch? Im Lünzifranz syni Chind. Herrschaft-ine! Wenn mer das i Dene gseit hätt, ume no vor zwöi Johre, daß d' Ching no müesse go bättle!“

„Jo, gsehisch, wie 's Dene goht, wo nit huuse und numme fullänze und schläcke wei und Hoffert trybe! do cha mer nes Byspil näh! — Gang no nes bißeli Salot go rüste, vo däm kruslete im hintere Garte. Der Albert isht en so gern und ma dr Surchabis nit guet verlynde. Gang gschwind, i will de chlyne Säulene z'wäg mache.“

„He der tufig! dä Alberteli mueß doch alles Guets ha! dä chönnt au ässe was chunnt, er wird süst nume z'meisterlosig.“

„Nei, nei, Meitschi, 's isch dr nit Ernst, du täst jo briegge, wenn er nüt Apartigs überchäm. Was waisch aber au du

säge vom meisterlosig sy? Und wie der Bueb mueß schaffe vom Morge bis z'Nacht!"

(Eiseli hüpfet lachend davon. Als es nach einer Weile mit dem Salat zurückkommt und derweil es denselben unter dem Küchenbrunnen spült, sagt es:)

„Mueter, hüt taufe si is Länge Rädini. Wüßet er au, wer hoffärtig isch? Seiht, rotet au, Mueter!"

„Aba, plog mi doch nit mit fettige Sache! Was gheit euß doch das! Mi nimmt 's ömel nüt Wunder, wen i süst schier nit weiß, wo mr dr Chopf stoht. Gang go uschnyde, vom herte Brod, hesch ghört? Was grauelig isch, schnid drvo. Mach beed Schüssle voll bis bohare, lueg do! und mach numme ganz reini Mumpfeli, d' Suppe wird vil besser. I eufi Schüssle tue echly meh Raust, 's goht gar schön uuf. Me tuet de no Bohne dry, wenn si no nit schmöcke — o heie si si scho suur! Me cha doch schier nümme choche bi der Hiß. — Jez muesch meh Brod uschnyde, öppe bis do ufe. Schnittlig und Peterlig muesch au druuf tue, das git e gueti Chust."

„Jez, öb i goh, müeßt Er z'erst wüsse, wer Gotte und Götti isch hütt, öb Dr wellet oder nit.... 's Marike Frau het mer 's im Garte gseit, wo si Windele uufghenkt het —"

„Gang mr doch newäg, du Säuggelmeitschi, gang schaff du —"

„Loset doch au, wer Gotten isch: 's Wägmachers Grittli mit 's Chuerets Fritß! Das wird si meine, Hergulani! Und ufzieh und ränggele! 'S ment gwüß, alli Spaze und alli Schwalbeli luege 's a und jez chönn em dr Fritß nümme fähle. Und er lacht 's doch nummen uus! — Isch das gnue yggschnitte, do i dr chlyne Schüssle, Mueter?"

„Jo, 's isch gnue. I die anderi muesch meh tue, Chind."

„Mueter — i wett, i chönnt au einisch Gotte sy!"

„O du eifältigs Meitschi, was chunnt dir au allerlei i Sinn? Gotte sy? Jo das isch en Ehr, die macht dr Gäßseckel leer. So mit eme Zählfränkli chunnt me ume nümme

guet a, und de d' Guetjohr und 's Großguetjohr und dr Santiklaus — nei, Meitschi, du chunnstch no früe gnue, dank numme dra. Ig und der Vatter müesse jeh no eister sibezäh Guetjohr gäh und 's Bertha scho feusi und der Albert drü, das chost ne Huuffe Gald im ene Johr — tue grad uf jedi Schüssle nes Hämpfeli Solz — und me het süst scho gnue z'huuse, wenn me will bi der Sach blybe. — Bring mer au nes Hämpfeli Solz füre Ehnöpfeliteig. — Fleisch isch doch schön z'choche gege so nes Gschling am ene Fasttag, Ehnöpfli, Pflutte, Wafferschnitte und Bappe — i ha 's nie gärn g'chochet und mer isch au nie wohl drby. Und 's mueß doch au sy. — Rueg, so mueß me dr Teig chlopfe, du muesch 's au lehre, du bisch nüt meh z'jung. 'S Bertha isch nit ölter gsy, es het scho rächt guet chönne choche. Bring mer au drü Eier usem Ehrättli, dört im änere Gänterli; si sy doch no guet? Chlopf si! Jo die sy no früschi. — Rueg doch, ob 's Wasser chochet und nimm d' Schnitz ab, si brännte jo scho nechly. — Was isch das für nes Grumpel i der Schür usse?"

(Bettlerweib. unter der Küchentür :) „'S isch Eue Sohn, er nimmt ne Wagen use, Frau. Gebt mer au nes Almuesse der Gottswille oder öppis echly z'ässe, Frau."

„So, isch dr Albert hei? Albert! Albert! — Liseli, gschwind gang em go hälfe, er wird no nes Fueber Garbe welle hfüere vor em Mittagässe; gang gschwind go hälfe aspanne!"

„'S isch schön Wätter hütt. Dr heit gwüß vil ineztue, Frau?"

„Jo, gar vil; wenn numme 's Wätter het bis Nacht. Do heit Er öppis, sätt, nähmet das au noh und göiht einisch für mi vor d' Ablösig.".....

„Liseli! Liseli, wo bisch au?"

„Mueter, Mueter, löit en nit zue, er will mi chlopfe!"

(Es ist ihr Bruder Albert, der mit der langen Peitsche in der Hand ihr nachgeeilt kommt :) „Jo wenn mr no einisch Göllemattbur feisch, so hau dr dini laufige Züpfli ab und



nagle si a 's Tennstor und schmier di de no ghörig uus, glaub's nume, du donners Gärnäsi du!"

"Chönnt er enand nit au rüehig lo und müest er enander eister helche, Fragezug, as dr sit! Und hangkehrum machet er wider 's Marli, wenn me so vil z'schaffe het. — Albert, wie stoh't's? Weit er Vormittag no yfüere? Chunnt 's nit gar spot use?"

"Nei, Müeti, mr chöme gly hei, drühundert Garbe si scho bunde und die si uufglade wie ne Schyn. Mr müesse dā Morge no yfüere, süst möge mer Nomittag numme gcho. Heit Er mer nüt, Müeti?"

"Wohl, wohl! Chumm rüer do, Lifeli! — Lueg do isch no nes Stückli Wäie und ufem Tischli im Stübli ne Räste Wy — aber mach weidli, der Vatter blanget gwüß! — Heb ömel Sorg. Albert, der Hans cha jo lade, und zue de junge Rosse heb au Acht, daß nüt Ungschiets passiert; si sy gar schröckli wild!" —

"So, jetz gohn i, Mueter! Meitschi, do heisch no nes Ziggi!" (Er versetzt dem Lifeli mit dem Peitschenstock einen leichten Schlag auf den Rücken und springt nun laut lachend davon. Lifeli schreit, wohl mehr als nötig, laut auf und will ihm nachhellen.)

"Do blibsch, Meitschi! Wotsch folge? Alemarsch, go Tisch bedde! Zell si ab, wie mängs as chunnt cho ässe. Und vergiß nit 's Solzbüchäli und dr Pfäffer, i sett der das numme müesse säge! Aber mach mer d' Schaffilade no nit uuf, wie gester, daß d' Fleuge ine chöme — Jösis, jetz han i ganz vergässe no de Säue z'luege — tue no nes chlyß Gäzi voll warmes Wasser a Surchabis, gschwind!".....

"S bi au ne Sturm! ha scho lang de chlyne Säue z'weg gmacht, i will 's grad mit mer näh!"

"Mueter, i will d' Melchtere scho use träge, göiht numme!"

"Nei, nei, Lifeli, du bisch no z'jung, 's chönnt dr schade; mir macht's nüt meh."

(Vom Dorfe her erklingen die Töne der Sterbeglocke.)

„Mueter, wüßet Er, wer gstorben isch? 'S Durse Felix. 'S Wagners Babeli het mer's gseit, 's isch do verby mitem Ässe. Jösis Gott! er sig nume drei Tag chrank gsy — d'Chopf-franket!“

„Allweg? Bhüet is Gott, so ne junge chrestige Burscht! Bätt au seuß Vatterunser für die armi Seel, Liseli! So, me isch doch nüt uf dr Wält! — Gsech Liseli, wie 's eim cha goh? und du magst no eister dandle und dr Naar mache! und dankst nit, as dr au so chönnt go! Du bist au nit so chäch! — Liseli, schngb gschwind ne Schngdete Brod use, aber ohni Rauf, daß i cha Grummeli mache uf d' Chnöpfli — wo isch jetz d' Amelettepfanne? Worum tuet mr si nit au a 's ghörig Ort? Die Meitschi struble numme so uuf und drvo! Reich mr dr fräsch Anke, es isch no gnue im chlyne Plättli — eh hör doch au schläcke, Liseli, Anken ohni Brod isch ungsund und mr ässe jo jetz enandernoh. Los! I glaube, i köhr 's Bertha scho cho! Bertha isch's bi?“

„Jo, Mueter! O jere i bi fast tod! Aber au e Sit isch's hütt, me mueß fast vergoh! Und spränge tüe si ein, 's isch kei Art; jetz hei mer scho vierhundert Garbe bunde und Alls abgmacht i dr Neumatt! Mueter, was hei mer z'Mittag? Jä jo, das hätt i bold vergässe: d' Steffene chunnt au cho ässe, i bi voreweg hei für si go z'froge; oder villicht 's Babeli. Der Vatter het sälber gseit, mr hebe z'weni Wybervolch. — Chnöpfli? O die han i nit gärr!“

„O dihr sit mer au Schnäderfräskli, Eis wie 's Ander, Eis cha Das nit ässe und 's Ander dunkt Dises nit guet! Und der Vatter ist doch alls erweg, was chunnt, so ne olte Ma und dir so jung und chäch! schämet ech! — Aha, si chömme! Gottlob isch 's ömel gchochet — gang rüef ne, Liseli! — No-mittag muesch du mr hälfe, Bertha. Mitem Chlyne chan i nit chuechle. Lueg sälb, ei Züpfe will dr abe! — Ässe! Chumm cho ässe, Vatter!“ —

Joseph Joachim.

## € Dorffchuel

uſgänds vom XVIII. Johrhundert.

(Leberberg.)

Nimm a und lue, gäb vor Alters e Schuelmeister nit guet dra gſy ſig, faſch better aſ hütiges Tags! Sälbmol het er im Summer Säu und Ghüe ghüetet, im Winter gſchuelmeiſteret und i dr Ghehri gäſſe. Do iſch e Schuelmeister no gar e freie Ma gſy; von innen uſe het me no keiſ ſtarchs Mug uff en gha; er het nit bruucht oben uſe glehrt und in alli Spitzli gſtoche zſy wie jetz — churz, 's iſch i der Schuel vil eiſacher zue- und hārgange.

Do het me Johr uſs Johr η im Takt 's Gimoleiſ und die vorgmoolete Schrybregle: Hoorſtrich, Schatteſtrich, Schlangeſtrich, unger und obe gſpizte Strich, Hākel, Byſtrich, Gidankeſtrich, Punkt, ab dr große Tafelen abeglyret, het 's Namebuechli und 's Ghingelehrbuechli hingerſi und fürſi uſwändig glehrt und iſch bim Rächne nit wyter cho aſ biſ zu de bikannte vier Spezieſ. Landcharte het men i de Schuele no keini gha. Hie und do het e Schuelmeister, won öppe gwüſt het, aſ d' Wält chlei größer iſch, aſ drü Dörfer und es Huuſ drnäbe, ſy Ghittelsjācken uſgſtreckt, het de Ghinge dra zeigt, won all vier Wältteil liggen, oder het ſy Pelzſchappe allzgmach hinger d' Tafelen abe drāht und noh den alten Anſichte bigryſſlich gmacht, wie d' Sonnen abe geit. Zwüſchen inen albets-einiſch im Ofenegge neſ Gnückli z'nāh, a me Drāhtſtuel z'ſtoh, oder ſüſch öppis i dr Schuel inne zwäg z'hüſteren, iſch dūrhar em Schuelmeister ſy Sach gſy.

Zſch Einen uſ dr Schuel cho und het 's ſo wyt brocht, aſ er Alls guet uſwändig chōnne het, iſch er obenuſe patentiert gſy und het gueti Luſſſichte gha, Ammen oder Statthalter z'werde.

U Heustockrächtnig z'mache het e Nase gha: het Eine das chönne, isch er e gschynde und gachtete Ma gsy; me het en fasch uff de Hänge treit. So Rächtnige z'machen isch nummen em Schulmeister sy Sach gsy. Het men e Heustock z'mässe gha, het dr Schuelmeister zuehe müesse, gäb 's Schuelszyt gsyn isch oder nit. Isch 's Schuelszyt gsy, het dr Schuelmeister em Schuelmüeterli grüeft, wie 's in jeder Schuel zum Wischen und Heizen öppen eis gha het, bim Schlumpstuel oder bim Spinnrad d'Ching z'hüeten; oder er het süsch uff Wys und Wäg dänkt, d' Schuel im Zaum z'ha; und so nes Gschichtli will ech jeh ebe verzelle. —

Usgänds vom vorige Johrhundert, wo me no keini apartige Schuelhüüser gha het, wo z'grächtem für d' Schuelen yggrichtet gsy si, wie hütiges Tags, isch me mit dem oder disem Buur abcho, dr Winter duren i syr Wohnstube z'schuelmeistere, wie's es öppe breicht het. Do isch aber der christlig Sinn no beheime gsy, meh as jeh; me het näbem Wiehwasserchrüegli, wo näbe dr Tür ghanget isch, öppen au no heiligi Tafelen oder süsch es heiligs Bild uufghänkt gha, wie's jeh no hie und do i guet katholische Hüüsere dr Bruuch isch.

Z'Grenchen isch einisch dr Fall gsy, as me düre Winter in ere nit gar nuet- und nagelfeste Buurestube Schuel gha het. U dr Wang isch e große hölzigen Angel ghanget, — 's syg dr Erzängel Gabriel gsy, ha mr lo säge. Einisch het men unger dr Stung dr Schuelmeister zum Heumässe welle ha. Er het syz Nichtscht ufem Stubenegge füre gnoh und em Schuelmüeterli grüeft, cho z'gaume. — Aber oheie! 's Schuelmüeterli isch nit beheime gsy, 's isch i's Nocherbshuus gange, die nagelneueste Dorfmehuri z'vernäh. Dr Schuelmeister, chlei e gjagte Sibechäzer, nit dumm, isch mit eren ernste Wyne voren Angel gftange, het uff en zeigt und gseit: „Bueben und Weitschene, lueget, do dr Angel weiß Uls; dä weiß, was dr dänket und machet, syg 's i dr Schuel oder nit i dr Schuel! Er weiß, wenn dr i dr Schuel nit Achtig gät, em Schuelmeister nit folget oder öppis Ungrymts machet! Er weiß, wenn dr beheimen öppis ufem

Chuchigänterli, usem Spycher oder Chäller mäufet, wenn d' Bueben uff em Voleiplatz fluechen und bschyßen und a d' Ruck und d' Chirsi göh! Angel, i träge dr usgibingt uuf, mr d' Schuel z'hüeten und mr, so bhäng ig umme bi, die Rütguets z'verchlage, wo si sider nit ehrberlig uffüere, won i dem z'wille de stroosse will! Hesch hört, Angel? Du weisch, was z'tue hesch! I weiß wohl, worum i bi do ha! — Jek Bueben und Meitschene, nähmet ech in Acht! Dürgöht mr sider 's Chingelehrbüechli, — wenn ig umme bi, so will ech de bhöre!" —

Die Chlyne Bugli, die arme Tschünperli, wo me no mitem Santichlaus oder Bölima het chönne z'föchte mache, — wie sy si nit ertatteret gsy und hei enangeren i d' Ohre gchüschelet: „Lue, lue, dr Angel dräiht dr Chopf, lue, lue, jek dräiht er d' Augen und luegt jek scho de Bänke noh und paßt uuf!“ und biß und deis meh. En Jeders het halt i dr Angst öppis am Angel welle gseh ha.

Es paar Buebe us de hingerste Bänken isch 's neue nit gä gsy, mir nüt dir nüt so gschwing a dä Angel z'goh; si hei bi 's Schuelmeisters Gred enangere mit den Ellbögen oder Beine gstüpf, hei enangeren aglächlet, i d' Füüß ine psüpf und dänkt: „So, Schuelmeister, morn de! Gang nume; wenn furt bisch, sy mr den üfi!“

Ungerem Angel zuehen isch es Chnorzloch i dr Wang gsy, wo me vom Huusgang us i d'Stube gseh het. Bim Furtgoh het dr Schuelmeister im Gang ussen es Rüngli vorem Loch glusteret und ine güggelet und het welle wüsse, was goht. Me cha nit säge, afaags wär 's rächt ordeli gange, die Chlyne sy so still gsy wie nes Müüßli, die Größere hei 's Chingelehrbüechli grepitert und wenn au dann und wann eine vo de Bueben us Spaß grüest het: „Heit ech still, dr Angel gseht's süsch!“ het dr Schuelmeister, im Ganze gnoh, doch chönne zfride sy.

Ei Zyt isch aber nit allzt! Wo dr Schuelmeister vom Heustockmäße zrugg cho isch und wider güggelet het, isch anger

Wätter gsy. Poß Heidogge! Wie sy die Bueben über d' Bänk uus gsprungen und drohlet! I dem Egge hei si Tschiggi gmacht, i disem Egge blingi Muus; do hei si enangere am Grännihoor tschuupet, dört enangere prüglet, kurz — 's isch gange wie in ere Judeschuel, und gstüübt het's, wie im Staubhüüsli von ere Mühli.

Dr Schuelmeister tuet d' Stubetür uuf und goht eisgurts i d' Stuben ine. Poß Wätter! wie sy do die Bueben und Meitschi erschrocken und zäme gfare. En Jeders isch gleitig a Platz, het si duucht und het uff syß Chingelehrbüechli gluegt, as wär drvor keis Dingeli gscheh. „So, so, 's geit lustig i dr Jächtschuel!“ seit dr Schuelmeister und dütet uffen Ängel. „Do dr Ängel seit mr Als, was fider gangen isch! Mänge vo dene Schlinge wird e Stroof vorstähd's ha! I will jetz lose, was er seit. — Ängel, nummen use drmit, chüschele mr 's i's Ohr!“ — Dr Schuelmeister het 's Ohr anen und seit noh me Wyli: „So, dä, 's Bänijoggis Vick, dä het di uusgschänzlet, het gmeint, du wüßsch nüt? Wie wett au Bessers nohe cho, wenn men animmt, aß me deheime numme d' Schuel und d' Chilsche kört uushunze! Wo wett 's dr Vick härnä! — er isch halt dr Jung vom Alte! Vick, du bisch es sifers Ehrütli, ne Religionspöttler! 'S wird dr einisch heiß gnue mache, wenn im Runggelißhase, fibe Schue unger dr Platte by 's Häni's Gizi em schwarze Hörnlima mueßch Chohle chnütche, dank dra! Am Sundig chneusch mr unger dr Mäff unger d' Ampele!“

Dr Schuelmeister het 's Ohr wider ane: „Aha, dä, dr Hans!“ seit er, „dä Schlingel, het dä ungerwyle druf los tröschet, wien es Roß im Stall? Hans, zuegfahre, du gisch en uusgmachte Schlegler, en usöbe Gasserülz, du bringsch 's wy! Ball werde di üßi gnädige Herre hinger Schloß und Rigel mit Erbsuppen abfuetere, zell druuf! Heb dyni sündige Finger z'gstöhlige dar, i will dr Taze gä, aß dra danksch!“ — Dr Schuelmeister mißt em Hans paar gsalzni Tazen uuf. Dr Hans verziet au gar kei Wyne, keis Tränli fließt em! Was will men

aber, 's isch wie me seit: Wenn 's nit am Holz isch, git 's kei Pfyffe und me schlot ender zwee Düfeln ine, gäb einen use!

Au 's Ehrerbabiz Mei überchunnt non ere neue Losete sy ehrberlig Teil. Dr Schuelmeister rüeft: „Mei, du Fägnäst! Nüt as i de Bänken umme z'fäge, Angeri z'stören und z'verchlage, z'schwäzen und z'lüge, drby doch en unbsinnte Sturm z'sy, isch halt dy Sach! A dir chan e Huushaltig einisch Freud ha! Stang in Egge, nimme e Lingier i's Muul, du Tschädere! — Dr Ängel chönnt mr vo Mängem no Mängs säge, aber für hüt han i gnue! Dir nützfölige, ungschafflige Schlinge, göht dä Wäg z' Schangen und em Guggen zue! Mit euch aber, wo rüehig ghy si, isch dr Ängel z'fride, er wird ech uff der Wält nit verlosh und i dr angere Wält einisch sy heilige Häng reiche! — D' Schuel isch für hüt uus. Wätet no dr Rosenkranz, de göht hei!“

f. J. Schild.

## Dr Zehnte.

Sie z'Land heist 's, dr Wältsch heig gseit: „Alli Johr e Ghäs, isch nit vil Ghäs, aber alli Johr es Ehing, isch gly vil Ehing!“ Das cha men öppe dänken, as men uf so Wys und Wäg gly ne starchy Huushaltig het und me mänglich fasch nit wüsse cha, wie me drzue cho isch.

Dä guet Ma, dä Wältsch, het meh as rächt; aber er wott eim mit sym Sprüchli no ganz öppi Angers verbüte; er wott eim sägen, as so nes gringers, nit gar ghäbig Mannli mit so vil Ehingen übel dra syg und so ne Burbi z'trage mänglich fasch nit chönni prästiere. Dr Wältsch het rächt und het doch wider nit rächt: Dürgoht me von obe bis abe, vom Herr bis zum eifache Hamperzma oder Tagelöhner, alli Huushaltige, so fängt me und gseht me do Mängs, wo me nit glaube sett.

Gang in es Herrehuus, wo me no nüt vo Chummer und Sorge weiß, wo Gälb und z'ässe gnue isch, wo me vo Mol z'Mol Gsottes und Brotes austreit, und wo dr Tisch vo Johr z'Johr umm e Löffel und Gable zuenimmt, — lue, gäb me do nit afoht z'chummeren und z'chlagen und meint, me werdi z'arme Tage ggässen und mög nümme gfahre; und de verglych die Gsichter vo söttige Chinge mit bene vom Land!

Byn us uffem Land nimmt me's justement nit so gnau, gäb Eis meh am Tisch oder nit, gäb es Chuechemöhli meh oder weniger, wenn 's Gottswill isch; me treit 's z'Rüni- und 's z'Immisfäccli mit glych gfreutem Gmuet i's Gälb, schaffet glych lustig zue und luegt, eis Buzli wie 's angeren ehrberlig büre z'zieh; und de verglych gwändlige die runde volle Gsichtli vo söttige Chinge mit denen us dr Stadt!

Dr Schnyder-Mänz vo Grenche, die redligi Huut, hätt do brzu öppi's chönne säge! ·Mi dunkt 's, i gseih e no lybähnlig vor mr stoh i syne falsche Rübelihose, i sym halblinige Ghittel und sym halb verdrückte, schwarze Wullhuut, wien er e Sack uf dr Achsle treit, im Dorf umme husiert und Gizi- oder Säuburst uufkauft, oder wien er i d' Stadt geit, den Apothekere nohlauft und ne Ehrüter, Würze, Rosspulver oder Rächholderbeeri atreit und wien e Hästlimacher uf sy Ehrüzer luegt.

Au dunkt 's mi, i sett em Mänz sy Frau, 's Schnydergriteli, noh gseh, das chly, gschwäbig Beyeli, mit sym Boge-chörbli am Arm, wie 's am e Samstag i d' Stadt ine pöstlet, em Herr Pfarer oder Herr Kaplon, em Herr Ammen oder Herr Statthalter, dem oder disem Grichtsmen oder Wirt Rummissione macht und das oder disers Stadtmehri heichroomet.

Dr Mänz und 's Griteli hei enangere gären gha, wie rächt, besser nützt nüt; au der Himel het sy Freud dra gha und het se nit vergäbe so mängisch a's Sprüchli vom Wälfisch gmahnet: Alli Johr e Bueb sy gly vil Buebe!

So het si em Schnyder-Mänz sy Huushaltig ggüüffnet und isch Johr für Johr um e Bueb rycher worde, ohni as eis vo



den Älteren e lyse Düt gä oder e chrummi Wyne gmacht hätt, funteräri: het men em Mänz 's Härz schwär gmacht und em sy Burdi welle vorstelle, so het er i trouilige Worte gseit: „Ä pah, was will me! 's isch gäng so gangen und wird gäng so goh, — Dä, wo mr myni Buebe git, wird mr sen au hälfen erhalte! Wäge dem müesse glych alli z'ässe ha und rächt düre zoge sy!“ Und 's Griteli, die alärti, lustigi Seel, wo hie und do by me halbe Schöppeli vo wäge sym Rudel Buebe ghehlt worden isch, isch besdra nit böß worden und het Män-gem verbüetel: „Was macht de das? I ha myni Ehing am liebsten und si sy au am lüftigste, wenn men e paar zäme mit ere Wanne decke cha! Si wachsen all Tag und wenn si nit größer werden as i bi, sy si gly ussgwachsen und chönnen eim a d' Hang goh; sy si für 's Glück gibore, werde si groß gnue; sy si aber für 's Unglück gibore, werde si numme z'groß! Mira woll, dr lieb Gott weiß gäng, was er macht, und suecht die Synige hei, Eine mit Dem, dr Anger mit öppis Angerem!“

So isch Johr für Johr umme gangen und alli Johr es Chuechemohl meh cho. Die größere Ehing sy eister größer worden und hei die chlynere hälfe dürezieh. Dr Mänz und 's Griteli sy flyßig uf ihrem Geschäft umme glaufe, hei zwüschen ine brav pflanzet und füre Winter gsorget, und i mueß es säge, 's isch e wohri Freud gsy, wie d' Ehing byn ihrer eifache, schmale Ghost so heiter gsy si und gsung und munter usegluegt hei!

Do isch einisch es Johr cho, wo dr Früelig guet gsyn isch, au dr Summer und Herbst; 's het kei Hagel gä, nit vil Wä-ter und isch mäßige Sunneschyn gsy; d' Frucht isch groten und d' Härköpfel und dr Wy het aghänkt, me het si dörfe freue, — churz, 's isch es gäbigß Johr gsy, besser nützt nüt.

Au dr Schynber-Mänz het nüt z'chlage gha; er het Sache gnue übercho, aß er fröhlig düre Winter düre het dörfe luegen, ohni bruuche z'danken, aß sy Huushaltig nit wüß, was si z'byßen und z'gnage heig. Dr Himmel het aber dr Mänz und 's Griteli by dem Grotjohr uff en angeri Art au nit vergäßen,

er het ne dr zähet Bueb gschickt, und Beedi hei die glychi hätz-  
ligi Freud dra gha wie bim erste.

Au dr Buur het das Johr e bjungerbari Freud gha, wider  
einisch so rächt no dr Buuremanier Chäller und Schüürig  
azfülle; aber au no öpper Anger het en apartige Gfalle  
dra gha . . . .

Mi dunkt's neue schier, i müeß es no gseh, wie d' Chor-  
herre im Stift umme gfare sy und für Fässer und Chorn-  
chäste gluegt hei, oder wie dä oder dijen Züger isch cho brichte,  
wie mängs Birreli Heu oder Emd men uf denen oder dije  
Matte gmacht, wie vil Chloster und wie vil Garbe men i dr  
Zehntschüür ygleit und wie mänge Züber dr Räbezehnten ab-  
treit heig, und wie guet dr Wy syg.

Au dunkt's mi, i müeß es uf dr Chorherrestägen oder uf-  
em Chorherre-Esterig no före raple, wie d' Buuren in ihre  
grobe Bächschuene dr Fruchtzehnten i d' Chornchäste treit hei,  
oder Einen oder dr Anger, wo halbmucht oder halbnüchter  
vom Chorherrenässe cho isch, i dr Täubi der oder dijer Chor-  
herre-Chöchi dr Haspel, 's Spinnrad, d' Chunklen oder süsch  
öppen Öppis, won em im Wäg gsy isch, in en Eggen ine  
gmüpft het.

Wie d' Chorherre so vor luter Guetzyt und Näh fasch nit  
gmüßt hei, won e dr Chopf gstangen isch und wo ane mit dr  
Sach, isch e Ma mit me deckte Bogehörbli am Arm i's Chor-  
herrestift cho. Wie hei die guete Herre nit e Freud gha, sy  
um dä Ma umme gfäcklet, hei gfrogt, wie's byn em grote syg,  
wil si gemeint hei, es syg en Züger oder süsch Eine, wo ne  
zur „Chr Gottes“ e guet gräukti Zungen, e Hammen oder es  
jüeßes Antebälli bringe well!

Wie hei die Herre nit gluegt und Gsichter gmacht, wo dä  
Ma sy's Chörbli abdeckt und gseit het: „I ha neue nüt z'chlage;  
by mir wär's hüür grote, wie's allethalbe groten isch! Wil  
men ech doch von alle Sache, wo me macht, dr Zehnte schuldig  
isch, so han i as Züger vo Grenchen oben abe dänkt, i well  
ech nüt verheimlichen und ech dr Zehnte sälber bringe, — fätt,

do nähmet, das isch dr zähet Bueb, wo mr mys Griteli gä het, und dä fört euch!" —

D' Chorherre hei ab dem Jur e härzlige Freud gha, 's Capitel het in schuldig Zehnte loskauft, het em Mänz zäh Neutaler blank uf d' Hang gä und em fürn jedere Bueb, won er no übercho sett, 's Glynche versproche.

Dr Mänz het no zweumol 's Glück gha, im Chorherrestift azhosen, und d' Herre hei au ghalte, was si versproche hei, — aber 's drittmol, by me Meitschi, hei si nüt welle wüsse, wil si gemeint hei, er inig z'biduure, er heig halt hūür es Jährlöhr gha! —

'S Griteli ist nohe wie vorede gfunge und munter gsin und hätt dr Nächstöck, syns Meitschi, um fei Prys gä; het me 's gfragt, vo wie mängem Ching es Mueter inig, het 's gseit, vom große Doze, vo zwölften und eim drüber ine; oder 's heig e Mütt und 's Sackhang drzue — und 's zweit Wort isch vom Zehnte gsin.

f. J. Schild.

---

## Dr goldig Bächer d'Chleiwange.

Volksfage aus dem Buchsgau.

---

En goldigen Ehring, oder silbrig Schueringge — das wär no z'glaube! Aber wie chunnt en goldige Bächer in es Daunerhüsli ihe? — Hei d' Chleiwangner öppen e Schütz gha, der mit Chügeli geschosse het, aß ggosse worde si us Blei vom en alte Chilschänster? Oder het ihn der Ueli Frei als Ehrezeiche übercho, won er dr leist Vär unstillget gha het?

Dr Statthalter vo Wange weiß Muskunst. Er stüht in Elboge uf ene volle Mählsack, zehrt mitem Schuespiß es Fueßschemeli unterm Bank füre, sett 's Bei gilasse druuf und erzählt also:

„D' Husi vo Wange si eisder groß Lüt gsin, chräftigi,

stattligi Manne mit Ellbogeschmalz und breite Hände, wo sich so gern hei so balde wie Märzschnee. Billicht si bald zweihundert Johr verby, het in dr Gmein Eine gläbt, het dr groß Husi gheisse — 's isch kei Übername gsy, das bewyse die Nachkomme im vierten und fünfte Glib, wo dato no aristiere. Der groß Husi het e Suhni gha, sälben isch scho gar jung z'Chrieg ggange und Granidier worde bym Urähni vom jetzige Prüschünig. De Monarch het die große Manne bsunders gärn gseh und schwärs Handgäld zahlt für sächsichuehig Regerrute. D' Buure hei sälbi Zyt vom Schrybe so weni verstange als hütigstags e Profässer vom ene Heulätsch; und euse Husi-groß vernimmt mängs Johr nüt, ekei Silbe, vo sym Suhni. Wie wett 's ha chönne sy, — dr Jung so wyt i dr Fröndi — no hundert Stund hinten am Fricthal, und dr alt Ätti hieumenangere im en abglagne Dörfli und nüt i dr Fädere.

Aber do chunnt unverhofft in's Gäu aben es Gmunkel, dr Chünig vo Prüsch werd z'Solothurn verbyreise; er gang i's Wälschlang go Trübel ässe und werd in dr Stadt oben es paar Tag raste. Dem Husigroß fangt 's Härz a läbiger chlopse, won er das vernimmt, und 's het grunge mit em, er möcht doch au wüsse, wie 's sym Suhni gang unterm Gwehr, und ob er si guet ystell; — heb ihn jetz au so mängs Johr mit keim Rug meh gseh, 's war grüsli, wenn si uf dr Wält nie meh zämme chänte. Er setzt dr breit Huet uuf, nimmt dr Stäcke i d' Hand und dr Wäg unter d' Füeß, Solothurn zue, für sälber mitem Herr Meister z'rede und z'froge, was dr Suhni läbi und ob me chönn zfride sy mit em.

Wie de Bursma zum Gichtor ihe trampet, isch z'Sant-Urse grad d' Chilchen uus gsy; dr Schultheiß mitem Rat und e Schaar süst so Herre begleite de frömd Fürst usem Gottesdienst zrug in sy Herberig; e Mäangi Volch ist zwäg gstande rächts und links, für dem Spil abzuege. — Dr Husigroß, nit schüüch, drückt i das Volchwärch ine, bahnet mit syne zwo Ballen e Wäg bis fast zum Chünig und mag ihn mitem Ober-



lyb by Nochem erlängen — und 's Wort isch em scho uf dr Zunge gläge:

„Dih, Chünig vo Prüße, was will i säge, — wie haltet si my Bueb?“

Do packe ne zwee Harschierer a de länge Chittelsäcke und zehre ne zrug, wie ne bikümmerti Mueter ihres Buebli, wenn's möcht i der Hiß go Wasser trinke zum Brunne. — „Holleho Manno!“ heißt's ganz ruuch, „was heit Er im Sinn? Jez git der Chünig kei Bscheid!“ — Dem Bursma isch das Wort so unverhofft cho, aß er sich nit weiß z'fasse; das erwarmet Vatterhärz, so weich und voll Erwartung uf's Chünigs Antwort, isch gächlige in e Züber voll Schneewasser dämpflet, d' Zunge styff worde und Ghloben und Spange vom Unterchisel hei es Rüngli uushöre spile. Won er wider erwachet us syr Stürmi, isch dr Chünig scho furt gsy, wyt i dr Stadt vorne i sym Wirtshuus, und 's Volch mehrteils verlaufe. Um euse Gauerma het si kei Mönch meh bekümmeret, bloß etlig meisterlos Stadtbuebe si no vo Wytem um ihn ume gschliche, für de lebändig Christoffel und si breit Huet z'visitiere. Ihn aber het die vergäbni Reiz und verlorni Zyt graue zum Würge und won er a die zwee dürre Harschierer dänkt, isch em d' Galle gütige wie ime taube Guggel d' Acksädere.

„Uf Solothurn laufe, dr Chünig gseh, mögen erlänge und doch nit chönne mit em rede, so wäge papyrige Polizeimanne — mir, dm Husigroß vo Wange, won e Suhn het hundert Stund anen am Frickthal; mir, dm Husigroß, wo acht Säck Zehntehorn untersmol i's Chornhuus treit — mir mueß die Schmach passiere! Millionsd....r, me sett mi dur d' Spikruete jage! Hei zue jez, Husi! du heßt by Sach nit guet gmacht!“

Untermyle isch dr Chünig mit syne Trabante hintere Mittagstisch glässe und het kalakt. Mitts im Gespräch wirft er dernoh d'Frog zwüschen ihe, was es hüt für ne Ufruer ggä heb bym Heigoh us der Chilche; ob öppen es jungs Burefraueli wohl chäch brückt worden und in Verlägeheit cho syg?

„Nei, im Gägeteil“, hei d' Lageue gseit, im Gägeteil, — en gwalltige Burefärli syg ime Zwißchmittel stöcklige uf Zhiri Majestät loskallet mit eme dörnige Knöcklistäcke i dr Hand, — si hebe für Zhrer Majestät Läbe gfohret und de Ma weggjagt!“

Om Chünig aber het e guete Geist yküselet, so gar gfohr-  
lig syg's denn doch nit gsy; balget echly, aß men au gar Nie-  
merem meh well traue, und lot ufe Märet füre Bricht mache,  
de groß Burema sell si cho zeige und säge, was sy's Bi-  
gähre syg.

Vorem Zytturn hei allerlei tätigi Mannevölcher ihri Schusle-  
zähñ gsunnet; aber der Samsun usem Gäu syg scho furt, het  
's gheiße. Dernoß lot der Chünig e Staffette abfahre, er sell  
dr Husigroß, wenn 's möglic syg, wider yhole und zruggbringe;  
es syg em Herr leid um alls Ungschickts, wo d' Harschierer  
agstellt hebe. — Z' Attiswyl hi dr Sage isch em dr Rüter uf  
de Färse nohe gsy, redt ihn a und leit em's gar ydringlich a  
's Härz, er sell doch umchehre und dr Chünig nit böß mache;  
Zhiri Majestät möcht gärn es paar Wort mit em wächsle.

Dr Husigroß het dr Chopf nit so höch uufbänglet gha, aß  
es nit möglic gsy wär, ihn wider abezlo; het es Gleich gmacht,  
goht mitem Staffette wider zrugg und lot si gradewägs zum  
Chünig füere. Me cha wohl dänke, aß dr ganz Tisß früsches  
Läben übercho het, wo euse groß Husi uf syne massive Päch-  
schuene in Saal ihe pochlet.

„Was git's Guets, Manno?“ frogt dr Chünig.

„He, i ha welle cho ge vernäh, wie si my Bueb ystelli; er  
het vor elliße Johre z' Chrieg dinget unter Cuers Bolch. Ver-  
gange säge si mer do, me chönnt's do oben am Beste erfroge.““

„Wie isch sy Name?“

„Er heißt Husihans und het usem lingge Bäckebei e Düele  
vom e Streich mit me Pfundstei; er und und der Spittelberg-  
dursli si neumen einist uneis gsy.““

„Und groß isch er au?“

„I meinti's, grad wien ig, — und e Bart het er scho  
fast syt ig ihm die erste Hösli ha lo mache, — und im Chugete-  
bänge mag ihn de Keine!““

„Vatter, de Ma isch mer gar wohl bikannt“, seit dr Chünig, „und woher ist's, was Dr säget: bim Chugelebängle het er si scho uuszeichnet, drum treit er au es Chrezeiche uf dr Brust, wie 's billig isch!“

„He nu, 's isch jek scho rächt; i ha ebe zwyslet gha, er verhochi öppe ganz obem Chnöpspuke; gät em ume mithin echlei Pulver z'schmöcke, so jung Burschte meine süst gly, me heig si ume füre Gstaat. Und de, wenn Dr wider hei chömmet und er Ech alaust, so löi ig ihn grüesse und es freu mi, aß me so guete Bricht von ihm ghör; er sell si eisder tapfer schloh, aber nit z'vil Medalli und bere Zöttelizüg ahänke; uf sälbem han i nüt. Jek bhüet Ech Gott!“

„Jä Vatter, so lot men Ech doch de nit furt, absolima nit“, seit der Chünig, „jek müest Ihr no nes Glas Wy mit is trinke. Chömmet, — nähmet do Platz näbem Herr Jungrot!“

„Im Wy sägen i süst nit ab, aber 's isch doch echlei uverschannt und grob, so zwüsche groði Herren ine z'siße; aber si werden au für Öppis gnädigi Herre heiße, und wüsse wohl, wie sälte aß euferein zum e settige Schläck chunnt.“ —

Er wogt 's und will absiße, do chömmen zwei, drei Vageue z'springe: eine will ihm mit Gewalt dr Stäcke us dr Hand näh, en andere dr breit Huet, für ihn dänne z'tue, und dr dritt längt ihm sogar noh'm blüemte Reissackli; aber das hätt er um kein Prys us de Jüngere glo: 's isch es zweupfündigs Echabzigerstöckli drinn gly, für 's Mueterli baheime; er het's vergange mängisch über e bösi Zunge ghört chlage — das Artiteli sell guet sy drgäge. — Die ganzi Gsellschaft het jek a dem Burema ihri Freud gha und bsungers dr Chünig will fast nümme uufhöre mit em plaudere. Das isch e Läbtig gly für euse Husigroß; er hätt kei roti Chue dra tuuschet, und 's isch ihm leid gnue gly, aß ihn usen ganze Gäu au nit en einzige Mönch gseh het i syner Herrligkeit. De chöstlig Wy und die prächtige Sache ringsum hei sy Gsichtschreis ungmein erwyteret und in kurzer Zyt isch 's ihm gly, er möcht noh chly länger do blybe, so mit em Chünig vo Prüße und süst ryche, große

Herre wär ganz guet noch z'cho. Gredt hei si zämme so offen und gutmeinig, wie wenn 's deheimen im Ofenegge wär, und was zum Vermungere ghy isch: Als was dr Husigroß seit, dunkt ihn, heb Geist, Grüß, syß Rede het Sinn gha, Chopf und Füß, aß er si frei sälber mueß vermungere drüber. 'S isch jo ganz natürlich, dänkt er, 's isch ganz natürlich, aß die Bornähme so wißig si; wenn ig all Tag dere Wy hätt, i wett ghy chönne rede wie ne Häsilimacher oder angeri gschydi Lüt. Jetz merken i Öppis: Wem Gott dere Wy git, dem git er au es guets Mul! —

Zum Abschied seit dernoß dr Chünig: „Jetz, my liebe Ma, nähmet do mys Bstet als Abänke mit ech und syt unbekümmeret um Eue Suhn, zu dem wei mer scho Sorg ha!“

„Mys Bstet?! Was isch jetz das? Mys Bstet? Weiß er jetz au scho, aß ig es Strauhuus ha und e bößi Firt? — Mys Bstet?! — Verstohne nit! — Mys Bstet?“ —

D' Verlägeheit het dem guete Bur zu alle Chnopflöcheren uusgluegt und er het si frei etsärbt; grad vorhär noß so wißig chönne rede, z'troß emen Afflikat, und weiß jetz nit emol, was es Bstet isch. — Mueß si jo schäme z'froge! Und au dr Wygeist cha fei Luuskunst gä! 'S isch bym Sakerlot e Schand für 's ganz Gäu!

Öpper vo der Uuswart het dernoß d' Ursach vo dr bedänklige Verlägeheit errote und macht zwüschem Chünig vo Prüße und dm Husigroß vo Wange dr Dolmätisch. Aber wohl! Das het taget uf 's Husigroße Stirne, won ihm dr Chünig zerßt e silbrige Löffel und Gable, dernoß e schwäre silbrige Täller und zletzt no de prächtig übergülbet Bächer usnötiget — das isch es Näh ghy, poß Wätter wille, so en Ehr isch vorher no keim Gäuerna bigegnet ghy, keim vo Chleimange bis i Schweißacher uhe!

Me cha dänke, was das für ne Freud ghy isch im Hüüsli vo dem nötige Ma, won er mit syne Chostbarkeiten achunnt, und was für nes Gred das wird ggä ha im Dorf und i dr ganze Gegend, won er syni Gschänk au Andere zeigt, schön i Endewatten ypackt, si sogar lot birüere und agugge noß Härzeslust. — Meh als es Mönschenalter dure isch de Bächer es werts Familienerbstück ghy und wien es Heiltum sorgfältig uufbewahrt blibe, bis einisch schwärs Unglück das Huus heim-



gfuecht het und die Rüt nötiget, das Ehleinod z'verchaufe. Aber zur Familie uus hei si de merkwürdig Bächer doch nit glo. Dr Huswirt z'Wange het ihn erstange und do isch er neuerdings zu großen Ehre cho. Alli Hochzyt, wo im Wangner Wirtshuus gfyret worde si, — es si mehrtheils die rychste Burelüt dörthi ggange — alli het dr Wirt ufem Platz usse mitem goldige Bächer empfangen. D' Hochzyteri het dr erst Zug druus trunke, denn het er d' Rundi gmacht vom erste Gast bis zum letzte; und 's het e Zyt ggä, wo d' Gauerchunaben und Weitli mit strahlenden Auge grüemt hei:

„Au ig ha scho gjugget am goldige Bächer z' Ehleiwange!“  
Bernhard Wyß.

## Inhaltsverzeichnis.

	Seite
Dr Lannhöfer. Eine Dorfgeschichte von Jakob Hoffstätter . . .	3
'E Wydebüheli. Eine Dorfgeschichte von Jakob Hoffstätter . . .	17
Aus der Lebensgeschichte des Gunzger Haus. Von Jos. Joachim . . .	35
Ein Vormittag in einer Banernküche. Von Joseph Joachim . . .	42
E Dorfschuel usgänts vom XVIII. Johrhundert. Von F. J. Schild . . .	50
Dr Zehnte. Von F. J. Schild . . .	54
Dr goldig Bächer z'Ehleiwange. Nach einer Volksage aus dem Buchsgau von Bernhard Wyß . . .	58

## Notizen über die Schriftsteller und Dichter des 2. Hestes.

- Hoffstätter, Jakob, von Luterbach, geb. 1825; 1852 Arzt in Schnottwyl, dann in Luterbach und Gerlafingen, 1860 in Brassus und Le Sentier im waadtländ. Jourthal; gest. Verfasser: „Aus Berg und Thal“. Zürich, Meyer u. Zeller, 1865.
- Joachim Joseph, gew. Redaktor des Balsthaler Boten; verfasste: „Aus Berg und Thal.“ Balsthal 1881.
- Schild, Franz Joseph, von Grenchen, geb. 1821; 1853 Arzt in Grenchen, gegenwärtig in Solothurn. Verfasser: „Zuraklänge“ Zürich 1853; „Der Großätti aus dem Leberberg“, Solothurn 1863, „Aus dem Leberberg“ 2 Bde. Grenchen 1866. Gesamtausgabe in 3 Bden. Burgdorf, C. Langlois, 1881 u. 1882.
- Wyß, Bernhard, von Kappel bei Olten, geb. 1833, Lehrer in Solothurn; verfasste u. A.: „Schwyzerbütsch“ 1863, und „Leichte Kost“ 1875, Solothurn.

18

# Sammlung

deutsch-schweizerischer Mundart-Literatur

---

Aus dem  
**Kanton Solothurn**

3weites Heft

---

Gesammelt und herausgegeben

VON

Professor O. Sutermeister



Verlag von Orell Füssli & Cie. in Zürich

Buchdruckerei Fijch Wild & Cie. in Brugg.

## 'S Anneli unter de Bornfinde.

### I.

Was der Born sig? möchtiſt zerſt wüſſe!

Neß Bergli im Gäu; zwüſche der Aare und der Dünnerer ſtreckt es ſi vo Sonnenuntergang gege Sonnenufgang, chehrt i der Mitagsſunne ne feſſige Rüggge und luegt us dunkle Tannewäldere und dickem Gſtrüüch gegem Hauſteſi übere, wo dur ne halbstündige unterirdiſche Gang d' Iſebahn cheſlet. Aber es ſchöns Bergli iſch der Born, ſtoht demitts im Land ſo unſchenirt wie ne Dorfwächter uf ere Ehrüzſtroß und verbirgt faſt a jedem Egge neß Plätzli, wo us olter Zit öppe neß Dänkzeiche überbliben iſch, as ein a die ſchöne Sitte und Gebrüüch vo euſe Vorſahre erinneret. D' Linden ufem Born und das ſteinig Ehrüz i der Mitti bhönnt emel jeders Gäuerchind. 'S het e Zit gä, do hei frommi Mäeter, wenn ſi z'Huſtage 's erſtmol hei welle ne geiſtliche Weg tue, neß Chind oder zueu a d' Hand gnoh und ſi mit ne gſpaziert zum Bornchrüzli uſe und hei ſi dört glehrt e Halbstund chneue und ſtill ſy. Au jekz no cha 's gſcheh, wenn e Schuellehrer ufem Gäu ſine Ehline will e Freud mache, füert er ſi dört uſe; aber zum Chneue bringt er ſi nimm. Si wei wüſſe, wie die Dörfer alli heiße, wo me ringsum mag gſeh, und die Gipfel vom Jura und de Schneeberge, und froge, wo d' Aare herchöm und wo ſi higang, wenn ſi unten a Olte verſchwindi. Wenn ſi lang gnue die Sache i der Witi betrachtet hei, luegt ſi denn au die i der Möchi.

Do zeigt me ne denn die ulti Inschrift ufem Chrüz, wo heist:

„O Gott, bewahre unsre Fälder,  
Matten und Wälder. 1716 —“

und die dicke Stämme vo dene vier Linde und die grüsligen Äst, wo ein einzig scho so dick isch, wien es mittlers Saggäumli, und dā Huuffe hölzigi Bei, Arm, Händ, Füß, Chrucke und derigi Sache, wo vo presthafte Lüte gopferet, zämegspart und im Schatte vo dene Linde uufbiget worde si. Und de frogt zlefst Eis, wer die Linde und das Chrüz dohi pflantz heb; und die schöne Sitzbänk und Bättstüel zringsum, wie die dohi cho sige.

Als i der Wält het sis „Worum“; au d' Linde ufem Born hei es eiges. Vor hundertundfünfzig Johre selle schweri Wätter sibe Summer hingernanger d' Wäged vo Rappel heim-  
gloeht ha. D' Fälder si verwüestet worde, d' Bäum hei kes Ürbji meh treit und im Herbst si d' Bure uf de Acheren usse trüebfälig i d' Geize ghöcket und hei si bsinnt, ob si ächt no einisch welle säje oder nit. Es mueß es eländs Läbe gsi si zu sälber Zit. Do hei sich die Manne im Dorf geiniget, si wellen ufem Born obe a dem Ort, wo albe die schwere Wätter erbhanget si und nümme fürume hei chönne, es Chrüz uufstelle und denn all Johr e gemeinschaftliche Bittgang mit Chrüz und Fahne derzue abhalte. Etligi wei bhauptete, de groß Stei, wo 's Chrüz drin stoht, sig ume vo zweu jährige Kindere a Ort und Stell zoge worde, und anfänglich sige nün Linde drumume pflantz gsi, aber all sige verdorbe, bis a die vier nöchere. Jetz si si prächtig Bäum worde, wit im Land ume sichtbar und wunderschön in der Nöchi. —

Am ene warme Sunntig-Nomittag im Summer es Stündli dört im Schatte zuebringe, wird gwüß Niemer reue. Do strycht denn der Oberluft so lieblich dur das Laub, me ghöri ruusche, süütle und chüberle zringsum, und pflisse und singe t de nochte Haselstube; hinter de Schlehedornbüsche am Chrüz-  
hubel nide glögglen es paar Geisse und rupfe das Spitzgras zwüsche de Steinen use; im Bahn äne johle lustig Chnabe, aß

me hundert Ohre bruucht i für uf Alls Achtig z'gä; im Tal unte glißere d' Bäch und die blächige Firste, blüehet d' Weihesäckle und St. Johannisblueme, schwantet de Rogge; und wenn mr ase echlei glost und gluegt hei, schlüft is es chüels Lüstli i die offni Hemmlisbueje, grüblet und grumset am Herz, bis das zletst rächt läbig wird und usrüest: „Es ist doch schön do obe!“ Jo, in der Tat! Schön isch 's dört obe und vo Juged uf bin i au gern dörthi gange und ha mänge unvergäßlige Augenblick unter de Linde zuebrocht. Sächszäh Johr olte mag i ungfähr ghy si, won ig als Acherbueb bim Meierjerl dienet ha. Si Mueter isch asen en olte Frau ghy, grad feuf mol ölter als ig, und het nümme Bil usgrichtet ussen a der Tür; aber usem Buffert het si denn eister e stattligi Husapetheeg gha. All Johr isch si no sälber zur Zit, wenn d' Linde blüehet hei, use Born gange, het e paar Schoß lo abhaue und die unschuldige Blüestli sälber bis uf 's letsten abgwunne.

'S letst Mol, wo si de Weg gmacht het, schickt mi der Meister, i soll ihre go e paar Äst abeserge. — Do si mir Zweu ganz enig unter de Linden usem Bänkli gässe und hei Bluest abklemmt und 's in es Bogedörbli gworfe. Mängs si mr e Zit lang stumm und still so näbenanger gässe und Reiz het es Wort zum Angere gseit; i ha wol gseh, aß si bättet und im liebe Gott danket für alli sini schöne Gabe, und i der Frau isch dem 's Lindebluest keini vo de letzte ghy. Am Änd sägen ig, si werd dank ase mängisch do obe ghy si ihrer Läbtig. — „O jo!“ seit si druuf und het helluuf gsüßget und en Augenblick zringsum gluegt; „jo glaub mr 's, Junge: wenn numme die halbe Schritt, won ig dene Linde z'lieb scho to ha, mi im Himmel zutreit hätte, i wär scho lang zoberisch obe. Wenn euse Herrget dene schöne Bäume d' Sproch gä hätt, chönnte si dr mi ganz Läbeslauf erzelle; — grad do han ig briegget, wenn 's mr böss gangen isch, und dohi bin ig go verschnuuse, wenn ig e rächt großi Freud gha ha, — do obe han ig gläbt und deniden im Tal gschaffet.“

„Dörst i au Öppis us Eue Tage vernäh?“ frogen ig do so hingedure.

„Wüßt dr gnue; aber 's isch e Frag, ob 's nit Sünig isch, we me so me Schühlig deren erzellt, und denn erst no bim Chruz obe!“

„Wo mr d' Mueter die ersi Züppe het lo mache (so erzellt jeh d' Meisterne), bin ig ase nes lüftigs Meitschi gsy, ha alle Buebe chönne spotte und 's het mi dunkt, i möcht übere höchst Hag uus gspringe. I der Nochschaft han ig hei Gspane gha i miner Ölti, as 's Chüesers Gardi (Hildegard); sini Eltere si zwar nötigi Lüt gsy, aber dernäbe grundbrav, grüsli treu und gegen all Lüt dienstber und früntlig.

Im Summer het 's de wenigstes all anger Sunntig müeße mit mr do uhe stägere und de si mr, we mer bbättet gha hei, öppe gegen Nartig hintere glaufe und hei ufem Weg ghalegeret und gsunge, grad was si am beste gschißt het, z. B.:

Ich armes Hässli im wite Feld  
Wie wird doch mir nit nachgestellt!  
Bi Tag und halbe Nächte,  
Da tüe si mir nachträchte;  
Si trachte mir nach dem Läbe mein,  
O weh mir armem .....

oder es schlimmers:

Mis Lieb, wenn du i d' Chilche gohsch,  
Mis Lieb, lueg du mr nit noh,  
Süß säge die fule Chlapperlüt,  
Mr heige enangere gnoh!  
Mis Lieb, wenn du i's Wirtshuus gohsch,  
Mis Lieb, schick du mi nit hei;  
Süß säge die fule Chlapperlüt,  
Mr fige enanger nit treu!

oder mängisch no nes Gspässigers.

So isch im Augeblick e Sunntig ume gsy, der Tag isch gebührlig gheiliget worde und mr hei doch in Ehre au eufi Freud gha. Und we mr uf die Art der Obe ersunge gha hei,

so het das Meitschi müesse mit mir hei cho und denn hei mir i der hintere Stube zäme ne gueti Milch ggässe, d' Gasse-  
lauge het eim sälbi Zit der Wage no nit uusbuuchet. Nohtnoh  
isch das Meitschi i eusem Huus worde wie deheim; d' Mueter  
het 's lieber gseh, wenn mir Zueu zäme ghändert hei, as wenn  
i mit de Ehnächte umegrülzt wär; und wil si gwüßt het, as  
die Lüt bi ihrer große Husholtig schmal läbe, het s' em denn  
hie und do hingerem Rügge dur Oppis zuegha.

Das het mi Brüeder, der Fribli, asoh merke, und wil er  
e Schühlig gsy isch, so i der Währig wie du jetz, het er si  
sätteli asoh eus nocheloo und isch am ene Sunntig hinter is  
her trampet, wo mir gstande und gange si. Mit öppe us  
Bösem; er het ebe der Gidanke gha, wo Lüte, wo d' Mueter  
gern heb, dörf er scho erwarte, as men au ihn, der Sohn,  
nit ungern heb. Am Änd hei mir nüt meh derwider gha,  
wenn er is scho nohgstrichen isch. Er het gar tausigschön zu  
eusem Singe chönne dur 's Laub pfyffe, und wenn es Lied uus  
gsy isch, jußge wie der lüftigisch Sennebueh, as si alli Tann-  
ischuppli drab verwungeret hei.

---

Im Gardi si Brüeder isch gar e wättersordlige fufzähjäh-  
rige Bueh gsy und het Jerme (German) gheisse. Er het am  
Altar dienet und isch im Pfarer grüßli wert gsy, wil er d'  
Sach i der Ehilche ase so guet het chönne und ihm das geistlig  
Schleib so wohl agstangen isch. Me het en müesse lieb ha,  
und wenn er uf der Gass no einisch so wüest to hätt. Gsy  
het er 's au erlickt gha, mit is e Weg uus z'goh oder im  
Fäld usse uf eme Baum obe z'warte, bis mir noch gsy si, und  
denn i zue Sprünge abe z'gumpe. Das het mir 's grüßli  
wohl chönne und i ha mängisch gseit, er lehr gwüß no flüge,  
und was er für ne Vogel abgab, gseih me scho jetz. Einisch  
gseht er, as ig scho ne Fingerring treit ha, und dernoh chunnt  
er und soht a dra ziggile und seit, das Meitli wett er au  
rächt lieb ha, won ihm 's erst Mol es Ringli gäbti. A mim



isch nit vil gläge gsy — i han e vom Pfarer übercho, won ig em 's leßt Mol d' Ostereier brocht ha. Dernoß sägen ig, i well ihm e gä, wenn er mr z'Dreifönige unterm Hochamt bsunger tüei uf d' Vorchilchen ue wiehrauche. Druuf seit er, das gäb ihm doch nüt z'tue, ob er 's Rauchsaß drümol meh ume schlinggi oder nit, uf das chömm 's em nit a, i sell numme de Ring gä. I gib em e zum Gspañ, und er schlünig bermit a Finger und bisilt mr dernoß usdrücklig, i sell denn ufpassen am Sunntig, do well er mir z'Ehre ne Rauch machen i der Chilche, aß me chönnt mit Löfflen abstäche!

Am Sunntig druuf bin ig mit Flyß a d' Lehne gange und ha gluegt, wien er jeß d' Sach well agattige. Richtig, won er im Pfarer gmiehrauchet gha het, chünnt er hintere untere Chorboge und schwingt 's Faß zersch, wie 's der Bruch gsy isch, grad dur d' Chilche hingere, dernoß drümol rächts und drümol linggs — — und i' säge dir, Junge, das het er so aständig und so manierlig wüsse z'mache, aß ihm d' Chlosterherre z'St. Urben äne no Mängs hätte dörfen abluege. — Jez het er erst der Chopf uuf und gseht mi und mueß uf d' Leszge byße, süst wär ihm 's Lache cho, und dernoß schlingget er das Wiehrauchsaß drümol gege mr ue, wie wenn 's sett furtflüge, aß i rächt erschrocke bi — — und het si zäpft i d' Saterstei ine. „Du donnerschießige Spizlichremer,“ sägen ig zue mr sälber, was stellsch du jeß a!“ und d' Lüt hei enanger agluegt und gstuunet, ob er 's ächt mit Flyß to heig oder nit. Jez hei die Meitli neben a mr wohl gseh, wie mr 's Bluet i d' Backe stngt, und gly errote, was der Jerme het welle zeige.

Wo dā Gspañ im Pfarer z'Ohre cho isch, het 's gly es Verhör gä. Der Jerme het müesse ygstoh, worum er bsungerbar ufe Lettner ufe gmiehrauchet heig? „He! es heb ihm am Neujohr es Meitli e Ring gä!“

„O wenn 's am Änd nume das isch,“ seit der Pfarer, „so cha me dr dā Streich verzie; aber du bist mr en ungstrehlte Burst, aß d' nit angerisch z'danke weischt; wenn es Meitli dir

e Ring gä het, so wär 's dir wohl agstange, ihm e Züpfe drgege z'haufe!"

Mi Zerne het vorem Pfarer nüt chönne verheime und seit: „Verziehit, Herr Pfarer! das isch drum kei Ring, wo me cha ässe, lueget, 's isch deren eine!" — Poß Sapperlot! wie het jetz der Pfarer welle neß Gsicht mache; aber 's isch ihm gegem Zerne au nit möglich gsy, en grobi Saite uufzzie. Hingege het er doch dāi Ring abgfasset und e versproche uszbimahre, bis d' Zit chömm, wo der Zerne denn notwendig son es Ehleinod bruuchi. So! So! glaub mr 's ume, die Zwee hei 's gar guet zāme chönne.

Fenf Minute spöter het mr 's der Zerne scho verzellt, wie das Wiehrauche so ne guete Ausgang gnoh heig, und do hei mr zāme glachet und Freud gha. Dure Winter si mr de fast all Sunntig binandre gsy und hei neß unschuldigs Spil gmacht, gchrüschet z'Ehrüzere oder um Guse, oder Münistei zoge; er het Als gar wāters guet chönne und die ganzi Husholtig het a dem Wāspi si Freud gha. I dr Fasnacht hei mir Vieri einisch e bsundere Umzug agstellt und die vier Johreszite gspilt. Der Zerne isch der Huustage gsy, ig der Summer, 's Garbi der Herbst und euse Fridli der Winter. Der Huustage het e prächtige Meie ufem Huet gha, het gsungen und pfiffe und de Wibere d' Spinnräder uf d' Site gstellt. Ig ha Rāche und Gable gha uf der Achsle und 's Zimmischörbli a Arm ghānt und der Schinhuet ufem Chopf, gstrüpti Hemlisärmel, wie im höchste Summer, und ha de mithine echlei zettet und grāchet i dem Schnee ume. Der Herbst het de Chinde Ruz und Opfel uusteilt, Chorn gsāt und de wider am ene Winterstrumpf glismet. Der Winter isch am ene Flegelstäcke glause, het zwilchig Hāndsche agha und zwo Pelzchappe übereanger und isch de i de Hüsere, wo mr higange si, gschwind usen Ofen use ghodet und het eis Dubad gmacht. D' Lüt hei gar überheit Freud gha mit is, und mr hei fast nit möge im ganze Dorf ume gho. Z' Obe, wo mr hei chömme, seit der Zerne so subtil zue mr im Huusgang, es werd jetz im Früelig wohl erlaubt

sy, vom Summer e brüüchligen Abschied z'neh, erwütscht mi bim Chopf und het mi uf d' Bache geschüßt, — i ha gar nit chönne bigryffe, wie flingg as es gangen isch, aber gscheh isch 's — und chäch, 's het mi dunkt, i gspür 's z'Ostere no.

Mi Vatter und Mueter hei bi dem vile Land, wo eusers gsy isch, Johr uus und y all Händ voll z'tue gha, und wil de 's Chüefers Ching eizter Öppis gwüßt hei azrüere, wenn si zuen is übere cho si, het Niemer dra dänkt, eim es chrumms Wort z'gä.

Im Summer isch eusi schöni Zit wider do gsy. Einisch am ene brüetig warme Summertag gange mr wider ufe Berg ue und hei im Sinn gha, bim Chrüz oben uf eusi Eltere z'warte; si si mitenanger über Osten uf Warbig gange, und wäre de übere Born hei zue cho. Jetzt wie mr d' Keppehol- den erstige gha hei, lauft is e Haß übere Weg. „Reis guets Zeiche!“ säge mr zäme und si scho gringe Muets witer zoge. Do uf der Höchi hei mr zerst e Zit lang der Umgang gmacht, hei gsunge und si gsprunge und hei Blüemli verrupft und am Änd, wo Vatter und Mueter nit wei cho, ziehe mr mitenander der Blüemliematt zue, ihne entgege. Aber scho vorher het 's Gwüch im Buchfeter Berg so seltsami Figure gmacht, isch dicke und schwärzer worde; läng Strime si gege de Schneeberge zue gfahre und hei dört andere Wulche d' Hand glängt, d' Sunne het si verschlosse und mir isch 's dur de läng buschig Weg i der schwüele Luft windemeh worde um 's Herz. „Mir wei zrugg,“ sägen ig zue den Andere, „'s chunnt es gfohrligs Wätter, und mir si do i der Nöchi vo der Heidechuchi und vom Chessi- loch am gfohrligsten Ort; wenn do i de Flüene hinte ne Blitz niderfahret, roßle d' Stei und chrachet der Donner, aß 's Gim isch, der Bode unter de Füesse zitteri. Do isch niene keis Hüttli, niene keis Dach, wo Schärme gitt; und wenn mr au springe bis zum Schwarzbrünneli oder gar bis zum Marebort, was hei mr de gwunne?“

„„I wüßt villicht, wo me si zerst chönnt finde!““ seit der Fridli; „„do hinte isch zwüsche Warbig und Osten uf der lingge

Site vo der Aare in ere Matte nes Chäppeli, z'Ruttige heiße m's; 's het einisch e Frau dört sibe Ching übercho und alli si in ere Wanne läbig uf Olte zur Tauf treit worde. Ufem Weg het men Eis verlore und derno isch 's Glübb gmacht worde, we me 's wider läbig findi, so well me ne Kapälle an Ort und Stell baue. Jez stoht si scho sit mängem Mannsdänke dört und wird eister vil bsuecht.""

Währed dem mir so gstucket hei, isch 's Wätter eister wie nöcher cho, und scho het me 's gehört donnere und schwer Rägetröpf si eister grandiger dur das Laub abe pletscht. Der Fridli het mit Gewalt uf Ruttige hintere welle, ig zrugg und die angere Zweu hei uf mi glost und doch nit gwüßt, uf weli Siten aß si wei helde.

„Mr müesse zrugg!“ sägen ig wider, „unter d' Linde wei mr flie; dört hei mr am beste Hilmi; vorem Bliß si mr dört sicher, und Räge möge mr scho no chli erlyde; chumm Fridli, chömmet d' ihr Angere, i bitten ech!“

„„E so gfohrli isch 's emel nit!““ seit der Fridli, „„und we mr au chlei abgschwänkt werde, — 's isch ömel Summer, 's trochnet wider!““

„Fopp nit, es chunnt es Wätter, nit ume ne Räge, und du weisch nit, was euse Herrget mit dem hütige im Sinn het!“

„„I chumme bis zum Rohrbaum füre, aber nit witer; dört chönnen alli Bieri i Stammen ine schlüüffe und zueluege, wie euse Herrget die Wetterstange umenanger bänglet; wer aber Lust het, no d' Bei abspringe bis zue de Linde füre, dä sell goh; aber i machen es Gwett, mr si doch z'Obe mit enanger beheim!““

Mit dem Wort si mr asoh springe, der Zerme voruus, mir Meitschi noch und der Fridli so gmach hinte dry — bin Rohrbaum isch er richtig zrugg blibe.

Do unter bene Linde si mr derno im grüsligste Räge und Wind gsäffe und hei müesse agseh, wie si die Bäum oben a ischrümmt und böglet hei und wie hold do, hold dört en Ast furtgflagen isch, wie d' Donnerstei hold im Gäu, hold ann a

der Aare nidergjahre si, und hei ei Psaltner um der anger bättet für eus und anger Lüt. Fryli han ig wohl gwüßt, aß mr unter bene Bäume nüt z'gfohre hei vom Bliß, aber 's Herz het mr doch asoh chlopse und d' Glider zittere us luter Angst füre Fridli; 's isch mr vor gsy, es müeß öppis Ungsinnts gä. „Dä wird ungfellig!“ sägen i zum Gardi und Zerne.

„Mr wei ne reiche!“ het 's Gardi gmeint. „Mit kein Fueß bringt me mi jehz unter bene Bäume füre!“ sägen i.

„Mr wei jo enig goh!“ seit 's Gardi. Aber i bi druff bstange: „Um ke Brys göht d' ihr furt, süst si Alli i der Gfohr; und wenn er au gseht, wie erschröcklig aß 's macht, so bättet er gwüß emel au der Wättersäge . . .“ Und wien ig das gseit gha ha, het 's mit enanger blyt und ghracht, blauu Ehrälleli hei übere Bode wegg zwitzeret, schwarz isch 's eim worbe vor den Auge, und im Gsicht und de Hände han ig d' Wärmi gspürt vom Donnerchlapf — der Näge het ghört en Augenblick — z'verglyche, wie wenn der Wulche der Otem usgange wär vo dem fürchterlige Chlapf — — und was hei mr gseh i der Witi?

Großer Gott und 's heilig Chrüz! Der Rohrbaum isch i hundert Stücki verschmätteret über d' Allmend ewegg verstreut gsy, und dört, won er gstangen isch, styt es blaus Räuchli zum Boden us. Dur Wind und Näge si mr über Stoc und Stei dem Unglück zuegsprunge, aber o Herr Jesis! scho z'ipot, für der Fridli sterbe z'gseh. Dört isch er uf dem uufgchrischte Bode gläge mit rote Backe und Chruselhoor, wie wenn er schlofti, — und no si Läbesgeister in ihm gsy und hei d' Fingerspiße z'jucke gmacht, aber o heie: 's Liechtl cha z'vollem abglösche sy, au wenn es Glänzli no en Augenblick furtdimmeret. Dört hei mr is näbe der junge Lych uf d' Chneu gloh und hei so rächt vo Herzen ewegg, so rächt vo Innen use für die abgschidni Seel bättet, ohni meh uf Bliß und Donner und Uwätter z'achte; Näge- und Augewasser isch is unterenanger d' Backen ab glaufe.

„Worum heit dr mi nit greicht?“ het mr dr tot Fridli



i's Ohr grüest. „Worum heit dr ihn nit greicht?“ het jede Dornhurst, jede Chiselftei gfrogt. — Das isch e trurigen Obe gsy, und dā Augeblick, wo Vatter und Mueter vo Marbig herchöme und die Lych erblicke und dā bis uf d' Würzen abe verstimmet Baum, — do hätt mr möge 's Hoor uusraupfe; 's isch mr gsy, 's Herz well mr verspringe und i möcht i Boden ie schlüüffe vor Scham und Reu über mi Lieblosigkeit — o i darf fast nümme dra dānke. Nimm dir 's z'Herze, Junge, wenn di einisch der böss Fınd will zum Muetwille verfühere oder dr im ene feistere Winkel i's Ohr lusteret: „Do mach jetz, was d' witt; kei Mönisch gseht 's!“ Dānk dra, wie gschwind aß es goht, wenn Gott ein stroosse will; stell dr so ne sibe-zähejährike Chnab vor — vori fräsch, gjund und munter wie nes jungs Fūli — und jetz — du liebi Zit — scho ufem Weg zum Chischhof!

'S ganz Dorf het Leid treit, wo der Fridli vergrabe worden isch; dā Wätterstrahl het nit ume ihn und der Rohrbäum troffe gha; tief i's Herz vo alle Pfarhindere isch er gfare gsy, het dōrt es unsichtbers Fādeli aghnüpft und das ander Endi drvo ufe glāngt über d' Wolche, mym und jedem Angere syn Schutengel i d' Hand, damit er sell chlei rüttle dra, wenn der Mönisch vom rächte Weg e Schritt möcht näben ufe tue.

## II.

— — Bitter lāngi Tāg het nachher eusi Husholtig erlābt. Erst wo der Fridli im Grab gsy isch, hei mr 's erfahre, was mr an ihm verlore hei: dr Vatter si Freud im Alter, d' Mueter en enzige, liebe Sohn, und ig mi lustig Brüeder, 's halb Herz und 's halb Lābe — und denn erst no der Stei ufem Gwüsse: „Worum hei mr ihn nit greicht?“

Mitschuldig sy am Tod vom ene liebe Mönisch, vom ene Brüeder — das will vil sāge, das sticht tief i's gfund Fleisch ine, wenn me no dere het. Māngisch nachher, wenn bim Ässe



d' Mueter die Lücke gseh het am Tisch und ihre denn 's Augewasser mit Gewalt d' Backen ab grunne isch, het 's mi übernoh, i bi use i d' Hostet und ha hinter der Holderstude briegget, aß me hätt chönne d' Händ unter mir wäsche, und ha mängisch gwünscht: „O hätt doch ig chönne sterbe und läbti der Fridli no, wie wohl wär 's mir jez! Worum hei mr ihn nit greicht?“

— 'S Gardi und der Jerme si no'm Todfall mänge Tag, villicht muchelang nümme i 's Huus cho. Eusi Bekanntschaft isch e Zit lang z'vollem abgschnitte gsy. — „Blyb do!“ het albe z'Obe d' Mueter zue mr gseit, „mr hätte denn no Feusi füre Fridli!“ — „Blybet deheim!“ wird au der Chüeser zu sine Chinge gseit ha, „'s Stampfers gsehn ech öppe nit so gern, wenn dr nume Unglück und Trüebfal i's Huus bringet.“ So het men a beeden Orte zrugg gha, aß emel rächt lang Reis vo Eus mit dem Angere chönn rede; aber böß isch 's gwüß nit gment gsy. Dernooh einisch z'Obe um Wättzit chunnt grad 's Becksepps Mei vo Eifible zrugg und het der Mueter e neuu Eherze brocht und es Quittänzli vom Chloster für sächs zahlti Wäße und het dernooh gar grüßli wüsse z'zelle, wie das so schön gsy sig dinne a der Angewichig; 's Chloster einzig heb sächstusig sächshundert und sächsesächzg Liechtli azündt, und Wolch heb 's gha, me hätt chönne uf de Chöpfe laufe, bsunders vil ufem Frickthal und em Elsis, vo Friburg oben abe und unten use; ume us euser Gagni figen am wenigste gsy, do sig der chriskatholisch Glaube am Ussterbe; und als es Erämpel derfür hät si azoge, churzum heb der Sattlerjoggi si geistlig Schild und sis Dornhölzli imene Handwerksburscht verchauft. Dere Züg und no meugs Anders über die verkehrte, böse Zite het si miner Mueter vorüberlet, me hätt chönne meine, 's wär nümme meh Religion uf der Wält als Glüet im ene dreitägige Wotthuuffe.

Wo die Plaudertäsche nümme het welle schwige, isch 's mr ase überlästig worde und i flie mißmuetic zur Türe uus, für an es stills Plätzli go Ruei uuffsueche. Isch 's im Huus, han i dänkt, hei Gläheheit füre Fridli z'bätte, so wüsse mr ihn

i seiner zweite Heimet z'finde; springe hinter de Häuseren ufe im Chilhof zue. 'S het scho ordeli welle feistere, won i zum große Gätterli chumme, und der Monſchin het die höche Chilchepfeister mit Goldſchuum überzoge; die wyße Grabſtei ſi mr vorcho, wie wenn e Schaar Totni i Lintücher ygwiggelt vor mir ſtienge. Jez dunkt 's mi, ig ghör ſüßge und briegge unter eme Zwetschgebaum, wo über d' Mur ine ſini Aſt het lo hange; i ſtrecke mi und luege, wo die Stimm herchömm; im erſte Augenblick bin ig ſo erſchrocke gſy, aß ig nit hätt dörfe furtſpringe.

„Chumm nur, Anneli, i kenn di wohl!“ rüeft dernoß Öpper, und du wirdeſch leicht errote, wer 's mag gſy ſi. Niemer aß 's Chüefers Gardi. Dört näbe 's Fridliß Grab iſch's gchneuet und het bättet gha und briegget, won i chumme. „O wie guet het es ſi müeße breiche,“ ſägen ig zuen em, „aß mr enanger jek do finde; du glaubsch nit, was für ne langi Zit ig ſit der Gräbt ha müeße uußtoß!“ — „Wir ſchynt nit,“ ſeit 's Gardi, „du hebſch längi Zit gha, ſüß hätte mr enanger gwüß ſither einiſch hie atrofſe. All und ei Obe bin ig dohi gſchliche go hätte und ha dr ufem Chilhof gwartet, ſit ſo frömd to heſch gege mr und mr feß Wort meh gönnt. Du weiſch doch, aß ig nit d' Schulb bi aß Fridliß Tod; bſinn di no, wie 's gangen iſch, und dänk au zrug, wie mängi Freud mr gha hei zäme, und dini Eltere ſi jo nie ſo höhn gſy über mi, und du au nit; heſch mr jo mängiſch ſälber 's ſtürzig Cheffeli treit, wenn mr d' Mueter e Moß Milch heizchrome gä het, — aber jek! — jek! — o du liebi Zit — ſit der Fridli tot iſch, biſt du ſtolz worde und verachtſt mi; arm bin i ſcho gſy, jek machſch mi no ärmer, — nei, Anneli, tue mr ume das nit z'leid!“

So het 's Gardi gjommeret, nimmt mi umme Hals und het 's luter Waſſer briegget. Wer wett das Meitli nit ha müeße lie' ha! Dört a 's Fridliß Grab hei mr is derno d' Hand gä, euſer Läbtig treu z'blibe und enanger nit z'verlo, und zum Fridli hei mr bättet, er ſell im Himel obe drfür



sorge, daß euji Fründschafft gsägnet werd. Überarms si mr bernoß abem Chilchhof gange, Eis het 's Anger tröstet und em d' Auge tröchnet.

Gly druuf het 's Chrieg gä im Land. Chrieg isch es schreckligs Wort; es rötet mit Fürsbrünste der mitternächtig Himmel, füllt ganzi Weiher mit Mönschebluet, verstreut d' Husholtige no alle vier Winde und jagt hungerigi Chinder übere chalt Schnee i die feistere Wälder use. D' Franzose si mit Kanone, mit Gewehr und Waffe i eusers still Ländli ie broche und hei die olti, rächtmäßigi Oberkeit vo de Stüele gjagt. Derno chömmen si no sälber uf d' Dörfer use z' Hunderte mys und jede Bur het 's Huus voll übercho. Scho lang vorher het d' Mueter Angst gha, i werd öppe ungsellig, wenn einisch das ungschlacht Volch do sig, und het mr empfohle, all Tag brü Batterunser zum heilige Alewisi z'bätte, dä sig der Schutzheilig vo der bedrängte Unschuld. Jek wo mr die erste Quartierte überchöme, het 's nit der Aschyn gha, aß si gar wüest welle tue; 's isch ne scharpf verbotte gsy, d' Lüt z'nöte zu böse Dinge und 's Ässe z'verunehre. Aber i paar Tage hei si witer müesse, und jek si fast all Wuche zweumol angeri cho und wider gange. Einisch het eusen Atti müesse der Baagaaschewage füere und isch drei Tag furt gsy. Unter der Zit chunnt au es Regimänt i euji Pfarei und mir hei feuf vo de Uflätigste übercho. Ein isch so ne chlyne Böögg gsy mit eme breite Muul und ydrückter Nase; dä het gly gment, er chönn a mr ziggeln und mi umeryße wie ne Margidentere; aber ig han e gschoche, wenn er mi ume vo Witem agluegt het. Jek einisch am ene Vormittag, won ig für die Landplog 's Ässe rüste und d' Mueter nid grad i der Stube gsy isch, chunnt ebe dä Chlei und e Kamerad mit em, wo nit vil besser gsy isch, und wei do ihri Fause mit mr trybe. I der Angst und im Schräcke chehre mi um und nimme ne Sprung zum Pfeister uus und flie i's Chüefers Huus abe. Do het Oppis hint'r mr noch ghäzeret über die Stei wegg, aß i gment ha, Beeb zäme springe mr noh; und je flingger i gange bi, je ärger

het 's hinten a mr ghläfelet, aß ig i der Angst nümme Zit gha ha zrugg z'luege. Erst vor 's Jermes Huus han ig derno gseh, was 's isch. Wi eige Chunklestäcke isch mer noch gumpet gsy, — nämlich won i zum Pfeister usspringe will, längen ig no gschwind nom Hoorband a Rügge, damit s'mi emel nit chönne zrugg zehre — und anstatt 's Hoorband erwütschen ig d' Chunkleschnuer i d' Finger und ha mr derno sälber d' Todesangst drmit ngjagt.

Aber der Jerme het ekei Gspañ verstande; chridewyß isch er worde vor Zorn, won ig ihm säge, was ggangen isch. „Chumm jetz zrugg!“ seit er, „die zwee Buger müesse wüsse, mit wem si 's z'tue hei!“ und i der grösste Hitz eusem Huus zue. Won ig hei chumme, isch 's müest ggangen i euser Stuben inn; wie ne Leu het der Jerme mit sine chnochige Füste use Tisch gschlage und si bene zwue Französlene unter d' Nase gstoße, 's het mr ase Chummer gmacht, und keine het es Wort traue z'rede. I der Wuet nimmt er so ne verräblete Hund, wo die Soldate mit ene gschleipst hei, unterem Tisch füre, packt ihn bi de hintere und vordere Beine und schnellt en in eim Ruck demitts abtnanger, aß ne 's Bluet i's Gesicht und um d' Ohren ume gsprüht isch. „Lueget, d' Ihr frömde Lusbuebe,“ seit er, „so macht men ech 's, wenn dr z'übermüetig werdef. Wenn 's no Eine probiert, das Weiltli ume z'ryße, so wird er die nächsti Nacht i zwue Stücke uf der Bruggmatt äne verlochjet. Das het der Jerme gseit!“

Si hei gnue gwüßt für 's erst Mol; z'Obe het Rein meh mit is ggässe, und bis dr Ätti vo der Reis zrugg cho isch, het der Jerme all Tag müesse zuen is übere cho, und wenn die Quartierte hei welle meisterlosig sy, het me nume der Jerme greicht; dä het nen Appetit gmacht. Wo jetz a si mr wider die Olte gsy, oder wenn i's besser säge — die Junge, hei Freud gha anenanger, si enanger no trampet, wie me 's de macht, wenn es Weiltli ment, es gäb ekei töllere Bursch meh as dä und dä, oder wenn e Chnab meint, das Weiltli chömm einisch brav Mittel über, do müess me si bi Zite inäste. Mir Zweu

si grad so Dori gsy und hei enanger lieber i der Nöddi gseh, as vo Witem. Aber je mehr Freud mr enanger gluegt hei z'mache, um so truriger isch 's Gardi worde; 's het nümme möge rede, nümme singe, helluuf und lustig sy. Zletzt frogten i's einisch, wo 's ihm fehli, ob 's öppe chrank sig? „Nei,“ seit 's, „das nit, — aber worum hei mr ihn au nit greicht?“

„„Aha, der Fridli sälig mensch; du chunnst wider längi Zit über jeh, wo für eus Zveu die schöne Tag uf 's Neu agödh. Los, Gardi, bisch nur guet tröstet, gwüß chömme si au für di wider, gib numme d' Hoffnig nit so bald uuf! Mir stünd 's jo ehnder a, trurig z'sy wege sälbem Uglück; denn 's wär zerst a mir gsy, z'säge: mer wei ne reiche! und ha 's nit to, — aber Gott im Himmel weiß 's, es isch nit us bösem Wille gscheh. Briegg ume nit; dānk a das, was mr usem Chilchhof enanger versproche hei!““

Paar Monet spöter si us de Ländere, wo d' Franzose so unmonschlig ghufet hei, ganz Wäge voll armi Chinder, as weder Vatter no Mueter meh gha hei, brocht und i wohlhābige Dörferen a bravi Lüt überlo worde.

Do chunnt einisch so hinter me Wage noch es arms Bürstli z'springe und het de Lüte so bitrüebet i d' Auge gluegt, er het ein bis i d' Seel ine duret. Derno sägen ig zur Mueter: „Nähm ächt euse Vatter nit au so ne Lānderbueb i's Hus? Er wüßt en doch gwüß wohl z'bruuche deheim und usem Fäld bi Pflueg und Wage, und verdienti erst no ne große Gottslohn, wenn er so mene arme Buebli Unterschlupf gāb!“ Won ihm d' Mueter dā Gidanke vorbringt, seit er: „Sā, wer stoht mr d'für, daß er nit schlācht uusfallt?“ — „„D,““ seit d' Mueter, „„me gseht ihm jo d' Guetmüetigkeit a, we men ihm ume i d' Auge luegt, — i reiche ne!““ — „So reich en!“ brummet d'r Atti i Bart ie und het agfange, d' Strausfägeze dāngeler. D' Mueter goht use Dorfplatz abe und het das Buebli gholt. Wo si mit ihm vor 's Huus chunnt, isch er so schüch gegem Atti zueglaufe, het gar ordli d' Hand geschüßt und si dem

ruuche Ma glengt und em d' Zit gwünscht. Das ordlig Tue het ihn bi sim neue Meister gar guet empfohle, und er het dā Acherbueb i's Ehnächtestübli heiße füere. — Nom z'Machstäffe het is der „Ländertoni“, so het me ne vo jek a gheiße, si Reiz verzellt und wie das frömd Chriegsvoldch ghunfset heb dōrt inne, aß 's ein agfange het früüre der Rüggen zuuf. Won er druuf erst no brichtet het, wie bidurlig sini Ältere um 's Lābe cho sige, do tröstet ihn dr Ätti und seit: „Grin jek nümme, Buebli; du channsch bi eus blybe, so lang as d' so brav blybsch, wie d' jek bisch!“

Und d' Mueter het si in ihrer Hoffnig nit trunpiert gha; eusen Antoni isch der brävst Bueb gsy im Dorf und het im Ätti vil Freud gmacht, het wellen an allen Orte hālse lüpfen und trägen und derby si; und wenn dr Ätti und d' Tauner z'Macht im Stall bim Liecht ufem Bänkli ghocket si und brichtet hei, wie māngs Määß Chorn hūt usedrōschet worde sig und weles Strau die bessere Schaub gāb, das vom Ehleechorn oder das vom Hārdöpfelchorn, so isch der Antoni gwüß uf der Ehrüpfe vor gässe und het de Chüene gchrahet: mit einer Hand im Nāgeli zwüsche de Hörnere und mit der andere i d'r Brune über d' Lasse. Ufgeschossen isch er, wie nes Rohr, dā Bueb; die chrestigi Gāuerchost mueß ihm guet zuegschlage ha, und zueu Johr spöter hätt ihn Niemer meh für das agluegt, won er Anno 98 gsy isch. Mäiße het er chönne, me hätt ihm dörfe zwo Sägeze a Worb tue, eis e linggi, er hätt im Brugglängen au no ne Maden abghaue. Und im Heulade het ihn Keine möge; Achslāg het er gmacht, so gschlācteti, aß 's Fueber hingen ue gsy isch, gschochte, wie ne baßigi Züpfe; me hätt die grōste dörfen ohni Bindbaum heifüere. — Er het d' Gunzger mit ihrem churze Bishmattefueter umen uusglachet und māngisch gleit, si tätē 's am ringste mit de Schufle ue gā oder i de Zübere heifüere! Einiß i der Arn het 's lang bōs Wätter gmacht, und wo 's derno wider ufto het, wār 's Chorn und der Rogge glych nötig gsy abzhaue und ine zue. 'S Ehüefers Jerme und 's Gardi hei au müeße hālse schnyde und der Antoni

het im Fridli sälig si Sichle bruucht. Er als der jünger het am letzte Tag, wie 's der Bruuch gsy isch, 's Glückhämpfeli müeßen abhaue und 's Gardi bindet der Meje drum, für en a der Sichellösi ufe Tisch z'stelle. Bi der Glägeheit si si emel echlei nooch zäme cho und der Meisterlos isch im Toni i d' Finger gfare und zletst no i d' Zähn und er byßt 's Gardi i d' Ehnöbli, wo 's ihm der Meje ane streckt, für der Räfte Schnuer drab z'chlemme. Do längt 's ihm e Watsch und vor luter Lust zum Briegge het 's derno müeße lache und seit: „Aß me doch es fettigs Gusti nit übere Pilatus ie jagt!“ — „„Ume nit so böß!““ lachet der Toni, „„lueg, i ha mit 's Meisters Sichle gschnitte!““ 's Gardi het kes Wort meh gseit; bleich wie ne Wand isch 's nebenuse gschliche und het briegget. Z'Nacht am Tisch het 's lang nit welle lustig werde. Erst wo me Stüel und Tisch i Huusgang ufe stellt und afangt tanze und der alt Schlangefanger cho isch, für ne lustige Hopser z'mache, sin ihm d' Bei au lebig worde. Aber weder der Giger, no d' Tänzer hein ihm 's chönne rächt mache; bald isch 's z'weidli gange, bald z'guach, bald si Andri ihm uf d' Zehe trampet, bald es den Angere, und die Freud, wo 's gha het, isch groß nit gsy.

Wo der Jerme und ig so fröhlig in der Stuben ume gwirblet si, aß mis Hurz Zippli fast am Dfestängeli oben yghenkt het, und sich die öltäre Lüt ob de Ehneupläze und Opfelchuechlene, am Wy und Zueluege d' Zit vertribe hei, isch 's Gardi im ene Egge gßaffe und het is so styf nohgluegt. „Du, Anneli, los!“ seit 's zue mr, wo 's mi enig gha het, „hesch vori z'Oben au gseh, — wie grob?“

„„E pah, du muesch das nit so achte, 's si all glych!““

„D nei, der Fridli isch nit so gsy, das wär anderisch, wenn er no läbti! Worum hei mr ihn au nit greicht?“

„„Worum hei mr ihn au nit greicht! Aber um Gotts Wille, plog mi nit immer mit dim Jommere, ig bi jo d' Schuld; uf m im Grwürfe lyt 's, was Unrächts bigange worden isch. Aber euse Herrget rächnet is dä Fehler gwuß nit so höch a, wie mr förchte!““

„Und wenn 's jetz no so lustig goht und du mr no so vil abmahnisch, i cha mr 's nimm us de Gedanke schloh: Worum hei mr ihn nit greicht? Das plogt mi Tag und Nacht!“

„„Leider Gott, mi au!““ han i müesse bekönne.“

Im Gäu, wie an andere Orte, het d' Luft a gwüsse Johrstage d' Chraft und d' Eigenschaft, olti Spönli zwüsche versindete Nochbure ewegg z'bloße; bösi Zwisel, wo der Ma am ene Sunntig z'Obe si Schoppe trink, us de Wiberchöpfe z'verjage; und das papprig Wändli, wo unliebi Umständ zwüsche liebsame Chnabe und Meitlene usgrichtet hei, unterobsig z'wärfe.

Ei vo dene Johrstage, wo d' Sunne de gewöhnlig is Zeiche der Jungfrau tritt, isch im untere Gäu der Pfingstmentig. Do wallfahrt die junge Lüt zum St. Urs und Viktor uf Bonige. Die zwoo Stadt- und Landspatrone hei sich nämlich hört scho vor paar hundert Johre es Tassärerächt ghaust, hei e guete Chäller lo graben und schänke bis hüt e Tropfen uus, wo gar nit z'tablen isch. Wer vo Warburg herchunnt, binerkt gwüß ob der Huustür die zwoo Chriegshelde, wo eim mit ihre rote Fahne ganz fründlig zum ene Schöppli ylade. Und wer nit e Schmürzeler isch, oder zum Unglück het müesse der leßt Halbake z'Warbig für Brugg-Gäld zahle, chehrt y und luegt bi der Gläheheit die merkwürdige, olle Glasmolereie i de Gaststube fenstere (1645) und das zweuhundertjährig Schnitzwerch a Wände und Dili — Als no jufer erhalte und immer hübsch nochebesseret, was broche worden isch, und Wirts Hanneli weiß meisterlig mit de Gäste umzogoh, siße 's Buren- oder Stadtlüt.

Lö mr jetz eufers Anneli wider brichte, es füert is hüt au no i's Wirtshuus:

„Wo d' Pfingste gsy isch, hei die Bonigerchnabe wider en Eierspringeten agstellt; das het Bolch zueglockt vo Wit und Nooch; sogar der Präbikant vo Niedermil isch cho und het 's Chinderwägeli zoge; aber d' Boniger-Chnabe si denn eister Meistere gsy mit Springe. Gusi ganzi Huusholtig isch au

gange go wungere, — d' Ältere übere Mejerlein und 's Buholz go luege, ob d' Häröpfel verblüeht hebe, 's Gardi und ig übere Berg bi de Linde verby. Dr Antoni het afe euser's Spur schönnt und mueß 's im Jerme au gseit ha, me gang hüt e Weg uus. Wo mr zu de Linde ue chöme, si Beid scho do gsy und warte, und do hei mr richtig fei angeri Wahl gha, als si nooche z'lo. Wo de Linden ewegg ziehi mr berdur hintere im Rohrbaum zue. — Dr Name Rohrbaum isch de Lüte so i d' Zunge gwachse gsy, aß si lang nachher dem Pläzli, won er gftange gsy isch, so gseit hei, au wo me feis Stümpfli vom ene Baum meh gseh het. E schöneri Glägeheit, für mit alle Drüe es ernstlig's Wort im Vertraue z'rede, hätt si nit so bald wider ggä. „Mr wei no chli siße,“ sägen i zue ne, „für eusi Familie wird das Pläzli immer nes dänkwürdigs blybe; lue, Antoni, uf dem Fläc isch euse Fridli sälig vom Bliß troffe worde.“

„So, wil mr ihn nit greicht hei,“ seit 's Gardi gschwind und will näben use.

„Aber, Gardi, no so jung sib dr gsy und heit enanger so lieb gha? i cha 's schier nit fasse! Wotsch en de gar nümme vergässe?“

„Nie, nie!“ seit 's.

Jg: „Und wenn di en Andere heifüert?“

Gardi: „Das wird chuum gseh!“

Jg: „Meinsch, au hüt nit?“

Gardi: „I ha dr Weg scho mängisch einzig funde.“

Jg — kurz entschlosse: „Toni, hänk 's an Arm! Chumm, Jerme!“

So hei mr Abschied gnoh vom Rohrbaum und ig ha bi mr sälber ne Gidanke gfasst, won i spöter nie ha bruuche z'bereue, — dr Gidanke, wenn 's möglich und Gott's Wille sig, usem Toni und Gardi es glücklig's Päärli z'mache; der Fridli, wenn er vo der andere Wält oben abe lueg, werd wol nit höhn werde. I hätt au sälber zletst eke Freud meh gha z'läbe, wenn i das arm Meitli immer so hätt müesse ghöre

jommere. — Z'Bonige im Wirtshus hei mr Vatter und Mueter atrofse, und si hei zerst welle stuune, wo si eus gsehi so z'paarewys ufzie; das isch 's erst Mol ghy so bin ere große Volksmengi. Aber wil am ene Pfingstmentig so ne olts Ehepaar au gern e Schoppe trinkt und bim Wy Feusi grad sy lot, si mr derno ganz guet mitenanger uuscho. Dr Atti het zletzt no ne Moos i's „Durgänte“ lo uufstelle; das sig, wil der Toni so schnell us de Länderhose gmachse sig und der Gäuertramp agnoh heb. Und d' Mueter het ihn gmässe vom Chopf bis zu de Füesse und gseit, wenn er vo fir Heimetgmein wider zrugg gheueche wurd, so dörst me ne emel wohl lo gseh! „Jo,“ ment dr Atti, „er goht nümme zrugg, er wibet si jets denn öppe y am ene Egge und seit denn: „Abie, Stampferhanseli, du hesch mi guet versorget, euse Herrget soll dr der Lohn defür gä!“

„O nei,“ seit der Jerme, „das tuet er no nit, er wird emel mi zerst a d' Reihe welle lo!“

„Jo, du hesch der Ehring scho lang hinter Nacht gleit; gäll, du bruuchtisch ihn au gern bald einisch?“ seit d' Mueter.

„Es wären eufere grad gnue, für so Öppis i's Gleus z'bringe!“ setzen ig no drzue.

„Ne cha luege, dr Velt het no nit gschoffe!“ macht derno dr Atti nom ene Rüngli und het es basigs Weggli abenger drückt.

Wo si d' Sunne gege de Berge neigt, d' Lüt allsgmach mindere und Pysse und Klarinet immer herzhafter vom Tanzhüsli übere tönt hei, halten ig bi der Mueter a, ob i nit mitem Jerme dörf Drei go mache.

„Jä, wenn chunnisch de hei?“ frogt si.

„Grad hinter ech noch!“

„De dörse mr aber no nes Rüngli warte!“

„Nei gwüß, ume Drei; — beitet, mr chömme nanderno!“

Mr hei derno au ume Drei zäme gmacht, — und hört im Tanzhüsli unterm Fänster bifönnen ig im Jerme, was ig im Sinn heb: dr Antoni und 's Gardi müesse zäme nes Päärli werbe.



„Si si jo jeh scho eis!“ lachet der Jerme, „was wolsch no meh?“

„Du channsch nüt, as eim d' Wort verdreih; hüröte müesse si drum mitenanger! — Lo mi ume mache. — Chumm jeh, mr wei hei!“ — Lang vor Bättzit si mr derno alli Sächsi mitenanger hei zue, und dört usem Heiweg si 's Gardi und der Antoni 's erstmol ase so wit cho, enanger fründligi Gsichter z'mache, wie wenn si 's wüßte, me heb Öppis mit ne im Spil; und i ha 's doch no kein Mönisch avertraut gha!

'S Gardi hätt villlicht fröhecher scho der Toni nit ungern gseh; aber er isch doch no gar so jung ghy, frömd im Hus und schüch; er hätt Rüt gmacht, won er derby im Zwysel ghy wär, Vatter und Mueter möchte 's ungern ha! Vjunders gegem Wybervolch isch er de mit Flyß echlei eggig ghy und het si dünner gstellt, as er ghy isch. Aber sälben Obe — helluf vom Wy — bloßt er d' Fädere usem Gsicht und gitt sich für das, won er würklig het müesse sy, lut der Verschleibig. I ha müesse lache heimlig und dänke: „Hm hm, 's het en au!“

Deheim si mr alli Bieri mitenanger go grase und unter de Äpfelbäume i euser jittlig glegene Hofstet het me derno dörfen uufrichtiger sy, als uf der breite Stroß, wo der groß Jederma lauft. Do soht 's Gardi haupthöchlige a singe und der Antoni nimmt ihm 's schön ab:

Wenn i scho kei Schatz nit hab,  
Welt wol ein finde;  
Sieng 's Gäßli uuf und ab  
Bis zue dr Linde.

Wie ich zu der Linde kam,  
Steht mei Schatz danebe;  
Grüß di Gott, herztusige Schatz!  
Wo bist du gwese?

Won ig gwese bi,  
Darf 's dir wohl sage:  
Bin gewesen im frömd Land,  
Ha was erfahre....

Mein Schatz ist hoch am Berg  
Und ig am Bode,  
I wett drei Chrüzer gä,  
I wär bin ihm obe.

Mein Schatz schickt mir e Gruetz,  
Und ig ihm wider,  
Het mir mein Herz erfreut  
Und alli Glider.

Zwei blau Blüemeli,  
Goldgäli Syde,  
Und wo mei Schatz nit isch,  
Han ig kei Blybe.

Druuf het der Antoni gar verzwicket a 's Gardi übere  
gchilet und singt mit bidütsame Blicke no nes Gfäßli für  
ihns aparti:

Es Schmäheli,  
Es Schäheli  
Si zueu gar schöni Ding,  
Si süß,  
Hei Füß und warme gern,  
Aber halte wider gschwing.  
Es Pfändeli,  
Es Händeli,  
Es Ringli au derzue,  
Das schick dir,  
Schenk dir und no meh,  
Wis Herz het sunst kei Rue.

Do lachet der Jerme und seit: „Cui Sach isch hüt en  
ordlige Ruck fürsiggange. Wenn 's ech all Tag so vil bes-  
feret, dörfst me ghy einisch im Schnyder und Schuemacher Öppis  
derwo z'wüsse tue!“

Sälb isch en schönen Obe ghy!

Paar Tag später bin ig z'Obè bi der Mueter einzig im  
Chäller, wo mir d' Milch grichtet hei; und derno han ig so  
aso uf d' Stude schlo, wie 's am Sunntig so schön ghy sig  
und lustig; es sige brav Chnabe, der Jerme und der An-  
toni, und 's wär so lustig, wenn eine derno byn is im Hus  
beheim wär.

„So,“ frogt d' Mueter, „gfiel dr das?“

„„He jo,““ sägen ig, „„e Husholtig ohni Sohn isch grad wie ne Baum ohni Gibel; do hangt ei Aft hieabe und der anger dört abe; jede Schnausbueb längt dran ufe und rhyt e paar Schoß ab, bis gly nit meh dervo do isch. Dr Ätti chönnt den Antoni a Ghindesstatt füre Fridli sälig anäh, das gäb einisch e Ma i's Dorf, wo der ganze Gmein wohl astieng.““

„Jä, was seitisch de, wenn er 's ganz Güteli wett mit dr teile?“

„„Das wär mr grad rächt!““ sägen i, „„i gseh der Jerme gern, wo nit vil meh het, als sini gsunde Gliber. So schicke mr is besser zäme, und 's isch weniger Gfohr, es chönnt einisch Afride gä. Wär der Fridli am Läbe blibe, so hätt i au nur 's Halbe übercho.“

„Herr Jesis!“ jommeret d' Mueter, „mr hei emel bsunderbar müesse gstroft sy, aß is dä Fridli gestorben isch; wenn er au mit ere natürlige Ehranket heimgsuecht worde wär — Tag und Nacht hätt me mi nit vom Bett ewegg brocht, bis er wider gsund gly wär, — aber so i einer Minute gsund und tot, — es isch erzeßelig!“ Es het mi frei zrugg gschlage, wo d' Mueter wider so gschlagt het.

„Jez, Mueter, chan i's nümme länger bi mr bha,““ sägen i, „„i mueß Ech bikönne, was sälb Wol agangen isch; aber träget mr 's nit noh, hasset mi nit! — Ig bi d' Schuld, aß dr Friedli tot isch, — ig, Mueter (bi dene Worte het dasolt Fraueli 's Wasser us den Auge gmüsch), — 's Gardi und der Jerme hei ne welle rette; hätt ig ne nit abgwehrt, er läbti no. — Blybet do, han ig gseit; blybet do! Er wird wol hätte, blybet do! — und si si by mr blybe, hei ne nit greicht, und e paar Augeblick spöter — het 's blickget, — het 's gschrachet, — — Mueter, ig bi d' Schuld! Und fither han ig kei Fride, kei Freud meh; allimol wenn 's Gardi jommeret: „Worum hei mr ihn nit greicht?“ goht mr e Stich i's Herz und 's isch mr, wie wenn mr Öpper i d' Ohre rüefst: „Worum hesch mi au nit greicht?“ Mueter, es isch schräcklig, so ne Plog

z'ha und niene te Trost z'finde, — nit i der Chilche, — nit bi Euch, Mueter, — nit bi mine beste Spane. 'E ganz Güetli mett i gä, wenn i denn Friede hätt und de Lüte au wider unschuldig i d' Auge dörfst luege!"

"E aber Anneli, das wird doch öppe nit so sy," jommeret d' Mueter und het d' Händ obem Chopf zäme gschlage, — „das si doch unerhörte Sache, — Anneli, isch 's de würklig mohr?"

„Ume z'mohr, Mueter, und jetz, wenn 's Gardi zue mr chunnt, isch 's erst Wort: „Anneli, worum hei mr ihn nit greicht?" und ab dem Jommere goht 's Gardi au no z'Grund; es het der Fridli gern gseh, — lieb gha, wien es bravs Meitli ne junge Chnab cha lieb ha; es het ihn welle rette z'rächter Zit und i ha 's zrugg gha. Isch 's nit Christepflicht, aß ig jetz Alls tue, für zrugg z'gä, was ig ihm gnoh ha?"

„Heiligi Pflicht!" seit dernoh d' Mueter, „Anneli, i cha dr 's nit mehre!"

---

Gsehst, wie 's Remin ufem Herrehuus scho räuchnet? 's wär Zit hei, Hägedorf lyt im Schatte, d' Sonnen isch ufem Berg und 's stillet im Tal. Doch will dr no gschwind 's And vo der Gsicht verzelle; am ene Nehtlig Fade isch der Chnopf z'usserist immer d' Hauptsach. Dr Ätti het euse Ländertoni als Sohn agnoh, und nit ungern; er het scho lang im Sinn gha, dem rächtschaffene Chnab uf d' Füeß z'hälfe; aber der Zwysel, i möcht 's öppe ungern ha, het ihn heiße warte. 'E Gardi het der Antoni als zweute Fridli betrachtet und ihn lieb übercho; der Jerme und ig si scho lang mitenanger versproche gsy und Vatter und Mueter hei au nüt drwider gha. I weiß nit, wie lang aß es no ggangen isch, het me vom Hürote grebt, und damit Alli mitnanger chönne fröhlig sy, hei beedi Bruutpaar 's Hochzeit use glych Tag agsetzt. Am Ehtag seit der Pfarer, es werd doch ase Mängs ohne ihn gmacht; 's Hürote sig im Jermen i d' Sinn cho, eb er ihn dra

gmahnet heig. Und dernoß reicht er dā Ring, wo der Zerne einisch mitem Wiehrauche verdienet gha het, und steckt mr ihn a Finger. Jetz het me groẞi Freud gha, und Ali hei gseit, das müeẞ jetz der Ehring werde. Und usem glnche Plätzgli unterm Chorboge, wo der Zermen einisch als e Chorbueb 's Wiehrauchsaẞ gschwunge het, steckt er mr am Hochzitstag der Ehring a Finger, und dernoß het der Pfarer au müeẞe uf d' Letze biẞe, süst wär ihm 's Lache cho. Und eufi Eh isch gsäget gsy, und 's Gardis au. Aber mi Zerne isch mr scho vor zäh Johre gstorbe, und 's Gardi und der Antoni si gstorbe, und Ali warten uf mi bim Fridli im Himel obe. — Und wenn ig einisch au stirbe, was Gott gly gāb, und denn a d' Himelstür chumme und der St. Peter uftuet, so stange gwüẞ alli Bieri parat und warten uf mi, und wenn si denn froge: „Worum chunnsch au so lang nit?“ so lachen ig und säge: „„Worum heit dr mi nit greicht?““

Bernhard Wpf.

## Die Wildsaujagd im Hersiwald bei Solothurn.

Früsch uuf, ihr Jeger! Früsch druuf los,  
I Hersiwald jetz use!  
Me seit, die Sau syg düßlich groß;  
Doch löht ech nit drab gruuse  
Und schießet druuf mit früschem Muet,  
Als wär es numme hüt no guet!  
Wau, Wau, Wau, Rrrr, Rrrr, Rrrr.

Zwor d' Säuhünd fählen üs drby;  
Nu — das het nüt z'bidüte —  
Zletzt chönnte mir si fälber sy,  
Doch seit me 's nit de Lüte.  
Mur früsich druuf los mit früschem Muet,  
Als wär es numme hüt no guet!

Es wüsse 's Drei, und das isch gnue,  
Me bruucht es Keim meh z'säge,  
Drum heit Ech ordli still drue,  
Denn do isch vil dra gläge;  
Mr teile 's de mit frohem Muet,  
Me seit, es syg gar donners guet!

Jo, Eine schicke mr voruus,  
Er sell goh spioniere;  
Und gseht 's au öppe fröstlig uus,  
Er wird is nit verfriere;  
Er lauft drvo mit frohem Muet,  
Das wermt em numme bigli 's Bluet.

Poh Blihg! Do chunnt er wider hei;  
Die Sau, die het er gfunde.  
Jeh, Jeger, stellet euch uf d' Bei,  
Bivor si isch verschwunde,  
Und schießt druuf los mit frischem Muet,  
Es goht nit lang, si lyt im Bluet.

Si laufe furt as wie dr Dürst  
Und dänke nit as Raste,  
Si schlaffe d' Müüler scho uf d' Würst  
Und tüe druuf ine faste;  
Und wer am beste traffe cha,  
Dä mueß das grösste Stücki ha.

Die liebe Hündli sueche scho,  
Das sy doch bravi Gselle!  
Jeh, Jeger, 's Gwehr vom Buggel gnoh,  
Mir wein is goh verstelle!  
He guet, he guet, jeh lueget rächt,  
Süsch säge d' Lüt, mr jage schlächt.

Bauf, bau! Das het doch düstlich ghrächt,  
Me ghört 's no widerhalle:  
Jeh werde mir doch nit verlacht,  
Die Sau, die isch scho gfallt.  
Zuh! alamor! si lyt im Bluet,  
Mr hei 's doch gseit, es syg hüt guet.

„Dr Donner, si isch no nit tot;  
Se, loh no eine Sprache!  
Süsch, wenn si 's no zum Döfel goht,  
Me chönnt es Liebli mache!“  
„Jä nei, dr Weidma füüret nit,  
Wenn 's Wildpret tot am Bode lyt!“

Dä het halt dänkt: I bi kei Nar  
Und lo my Schug lo fahre;  
Si chunnt villicht no uf mi dar,  
I will e lieber spare;  
Bil lieber will i d' Sau gseh goh,  
As mir es Bei abhyße loh. —

Dört lauft si, was si laufe ma,  
Si isch no wüest am Rabe;  
Jeh spannet Gui Chräften a,  
Süsch isch die Jagd vergäbe.  
Jeh uuf und furt in aller M,  
Was gisch, was hesch, uf Horiwyl!

Dört goht jeh non es Schühli los:  
Si fällt no einisch nider;  
Doch üsi Freud isch numme s'groß,  
Si rüert si jo scho wider!  
Run uuf und furt in aller M,  
Was gisch, was hesch, uf Horiwyl!

Und wo die Buure d' Sau gseh cho  
Zum Dorf y galoppiere,  
So löh si lo dr Landsturm goh  
Und wei das Tier forssiere  
Und Jung und Alt und Ehly und Groß  
Ziet uf das armi Wildpret los.

Mit Mehgerhünde zie si a,  
Mit Schuufeln und mit Stäcke;  
Wer ab dem Ding nit lache ma,  
Dä het kei gfunde Fläcke!  
Wenn scho d' Franzose wäre cho,  
Es hätt nit erger chönne goh.

Au d' Jeger chömme hinte dr,  
Si löh ne 's nit verdrieße;  
Si hätte selle gschyder sy  
Und 's erst Mol besser schieße,  
Denn d' Sau isch leider nümme do,  
Si het dr Wäg scho wyters gnoh.

Wie d' Schnyder laufe si druo,  
Es wär ne bald um 's Flueche.  
Jeh, adie Sau! Die Nacht isch do,  
Mr wei di morn cho sueche.  
Jeh wei mr hübschli hei i's Bett,  
So bald es Zächni gschlage het.

Alois Gluz.

## Dr Döfel chönnt dr Läg näh!

Es isch keis Hamperch uf dr Wält,  
Wo dem me nit e Gspäß verzellt,  
Won öppen Gim passiere cha,  
Gäb wie men isch so flyßig dra.  
Me weiß es jo, nes mueß so cho,  
'S isch gäng so gsy, 's wird gäng so goh.

Es het emol e Zimmerma  
E donnersnächte Lehrbueb gha,  
Het 's Hamperch gliebt wie niemer so  
Und d' Sach wie rächt i d' Finger gnoh;  
Het Rave, Träm und Lade gschnüert  
Und gschickt sy Achs und Hobel gfüert.

Me leit emol e Trämel uuf  
Und schlot, wie 's Bruuch isch, d' Rohnschnuer druuf,  
Dr Riß isch gnapp uf 's Ruckholz gsy;  
Dr Meister seit: „Que, hausch mr dr,  
De, Bueb — i säg dr: gib mr Acht,  
Süsch hesch bim Döfel Fründschaft gmacht!“



Me haut as wie verzwirblet dry,  
Wie hüt no ùs müest ghaue sy;  
Doch 's Meisters Hang het nit dr Leich  
Und tuet, weiß Gott, e läge Streich,  
Haut über d' Schnuer, wie fälte no, —  
Dr Lehrbueb gfeht 's und springt drvo.

Dr Meister rüest: „Du dumme Trops,  
Was chunnt di a, was hesch im Chopf,  
Aß närrisch vo dr Arbet geisch,  
Dy Zimmerachs so vo dr gheisch?  
Du Läckersbueb, du bisch mr z'jung —  
Mach numen einisch no dä Sprung!“

Dr Lehrbueb nimmt sy's Hätz i d' Hang  
Und seit: „Wie wird 's mer nit so bang!  
Dyhr syt jo über d' Rohrschnuer cho,  
Drum han ig au dr Dewang gno.  
I chumme nit so gschwing, ä ä:  
Dr Düfel chönnt dr Läh süsch näh!“

f. J. Schild.

---

## Wien i bin e Kauker worde.

---

„Gang, Chlyne, mir go Dubach reiche,  
Nes bagigs Röllli liß mer uus;  
Häß Acht, daß nür der rächt buesch breiche,  
Und chumm de gleitig mit go Huus;  
Sä do der Bahe, lauf jeh weidli  
Und bring mer guete Knafter hei,  
Doch heb rächt Sorg zue dyne Chleibli,  
Gang jeh gschwind und lüpf mer d' Bei!“

So het an iederm Sunntigsmorge  
Zu mir mi liebe Ätti gseit,  
Doch 's Müeti het mit bange Sorge  
Ùs allimol die Lehr vortreit:

„'S isch grüßlig, wie so mänge Bage  
Das duusigs Rauke hosie duet.  
Drum merkt ech das, dihr junge Frahe:  
Löt 's Rauke sy, es isch nit guet!

Was nützt denn doch das dumme Näble,  
Was nützt ne Pysse do im Muul?  
Me mueß jo hütigstags scho räble  
Und wärche wie ne Aherguul,  
Um nummā ehrlich chönne z'huuse,  
Und doch mueß gäng no glullet sy!  
Es duet mer währli mängisch gruuse —  
Drum rauf mer nit, i warne di!

Es macht jo d' Zähn so schwarz wie Chole,  
Neß bitters Muul gitt 's no derzue.  
Nei! 's Rauke sött dr Guggu hole  
Und 's träge bis zuer Röthiflue.  
Drum due du d' Bage lieber spare  
Für Sache, die der nützig sy;  
Folg du mer schön, lo 's Rauke fahre!“  
So het mer gseit miß Müeterli.

So isch es au mängs Jöhrli ggange,  
Mängs Rölle Dubaf han i gholt  
Im Dörfli dört, 's lyt z'nöchst bi Wange —  
I ha 's im Lied scho mängisch gmoolt:  
Dört, wo die Mar duet d' Emme chüsse  
Und wo mi liebe Jura steit,  
Im Land mit lutre Bäch und Flüsse,  
Wie scho sy Name sälber seit. \*)

Dr Ätti het si Dubaf gschnäghlet,  
Vom Schaft de d' Pysse abegnoh,  
Azündet, bis es brav het gsprählet  
Und Wulche Rauch sy use cho.  
Denn het er aso zelle, schrybe,

---

\*) Ruterbach, Geburtsort des Verfassers.

Het mit mer gläse, buechstebiert,  
Er isch derby ganz nüeser blibe,  
Het ebig lang kei Chranket gespürt.

Doch 's Müeti isch so ernstlig glässe,  
Het gspunne gäng i einem zue,  
Die Fäde ließe si nit mäße,  
Gewuß Tag für Tag par hundert Schue.  
Und i ha dänkt, i well em folge,  
Und ha das Rauke blybe lo,  
Es het mi drum nit bruuche z'holge,  
I ha kei Pfyffe zuechebo.

Doch einisch föh mi d' Bähn a schmärze,  
Ha glaubt, des Fülür im Elfs z'gseh —  
Ha aso gruxe, aso härze, —  
Es isch nit Spaß, wenn d' Bähn düe weh;  
Das cha si Jede sälber säge,  
Der a dem Übel lyde mueß,  
Fasch isch es mängisch nit z'erträge,  
Es isch ne schweri, herti Buß.

Und Alles het nüt welle nütze  
Wo all de tusig Mitteli,  
I ha mer zletst lo inesprühe,  
Doch Aus das isch vergäbe gñ. —  
„Nes Pfyfli Dubat hilft vil Lüte!“  
Het jeh der Ätti zue mer gseit;  
I ha mer das nit lang lo düte,  
Bi grad für das do gñ bireit.

Und würklig, wien i aso schmauche,  
Isch 's Zahnweh gschwunde wie der Wind;  
Do han i dänkt: Respäkt vor'm Rauke,  
Ne Pfyffe chaufen i jeh gschwind!  
Kei Wunder rauke so vil Manne  
Und Döcker sälber no drzue:  
Me cha dermit jo 's Zahnweh banne,  
I frogene ech, isch das nit gnue?

So isch mer 's Rauke lieber worde,  
Und 's Mueti isch si zfride ghy,  
Wie 's halt geit a gar vile Orte,  
Wenn d' Buebe albe größer sy.  
I ha 's zersch au nit übertribe,  
Es Pfyfli nume jede Tag;  
Doch später isch 's mer Gwohnet blibe,  
So das i's nümme uufgä mag....

Thunnt 's mi jeh a für Versli z'dichte,  
So mueß zersch 's Pfyfli gstopfet sy;  
Do weiß i de au vil me z'brichte  
Und bi so froh und gsund derby:  
I cha de phantasiere, schwärme  
Und a das dänke, was mi freut,  
I bruuche mi de gar nit z'härme;  
Nei, 's Rauke het mi nie no greut.

Zwor gitt es mängisch syni Nase,  
Die nüt vom Rauke schmöcke wei —  
Grad settig delikati Nase,  
Die nüt als Luxus ann ne hei....  
Doch hinter d' Ohre will i schrybe:  
Wenn einisch ig ne Schatz will ha,  
'S mueß eine sy — bi dem soll 's blybe —  
Wo Dubakfrauch verlybe ma!

Jakob Hoffstätter.

## R y t e , r y t e R ö ß c i .

I me Buurehüüsli  
Enzigs Ching, isch grüüsli:  
'S füert mängisch wyt, dihr guete Lüt,  
Und bringt dr Ätti über nüt —  
Es bringt en um syns Hüüsli.

Hansli, syn wie Syde,  
Ma kei Arbet lyde;

Dr Ätti chaust em Raufkubaß  
Und d' Mueter steckt em Gälb i Sad —  
Em Hansli, syn wie Syde.

Hansli ma nit laufe,  
Tuet es Rößli chaufe  
Und rytet nohe Tag und Nacht  
Do wo me „Charliß-Höfliß“ macht —  
Dr Hansli ma nit laufe.

Hansli dänkt nit wyter,  
Meint, er syg e Ryter,  
Und het er au nes gulbigß Huuß,  
So goht em glych no 's Ryten uus —  
Doch Hansli dänkt nit wyter.

Hansli mueß jeh laufe  
Und syß Roß verchaufe.  
Wie isch er nit so übel dra,  
Nß er jeh no nit schaffe cha —  
Er mueß i Bättel laufe.

Ryte, ryte Rößli,  
Weiß es arigs Schlößli;  
I glaub, es syg das Armehuuß:  
Dört luegt dr alti Hansli druus —  
O ryte, ryte Rößli!

f. J. Schild.

## D' Schnäggen=Ufcläsete.

'S het hüttemorge gräget,  
'S isch Alles naß drvo,  
Und d' Schnägge schnoogge z'huuffewys  
Dr früsche Nahrig noh.

Drum chunnt dr Pater Amedee  
So früe i's Pfarers Huuß  
Und schickt druuf 's Sigersts Peterli  
Um Wärme z'machen uus.

Dr Peter geit vo Huus zu Huus  
Fasch alle Buebe noh  
Und seit: „Me list hüt Schnäggen uuf,  
Drum chömet nangernoh!

Dr Pater Amebee isch do;  
Er het is Sache gnue;  
Er gitt is Helgli, Bättli au  
Und gar no Brod brue!

Jo, machet gschwing, i mahnen ech,  
Vergäffet d' Ehrätte nit,  
Und wer im Fall kei Ehratte het,  
Nähm zletst e Chübel mit.“

Druuf rüefe d' Bueben überall  
Fasch alli Gassen uus,  
Do göh si ufse Sammligplatz  
I Hof by 's Pfarers Huus.

Dört het men au i gröster M  
E grossi Bütli gnoh,  
Dr Sorgerjörgli fahrt drmit  
De Schnäggebuebe noh.

Dr Sigerst und dr Amebee  
Göh jeh im Zug vora  
Und halte bi de Müllere  
Um d' Schnäggebröbli a. \*

Dä won am meiste Bröbli gitt,  
Het au die grösti Ehr,  
Dr Pater seit em Müller bloß:  
„Vergält dr 's Gott dr Herr!“

Und d' Buebe säge: „Danki Gott!  
Du bisch e guete Ma;  
Wenn mir den einisch größer sy,  
Muesch üsi j'Mühli ha!“

Dr Sigerst nimmt e Mühli-Sack  
Und packt die Bröbli n



Und treit se so am Schnäggezug  
Ganz gmüetlig hingerdry.

Druuf göh si gäge Schmelzi-Rein,  
Wo dört dr Hohle zue.  
Dr Sorgerjörgli meint, es heig  
Dört meh as Schnägge gnue.

Und wie si i dr Hohle sy,  
Geit 's Schnäggesueche a,  
Do geit 's druuf los im Rubihou,  
Do geit es druuf und dra.

Do gseht me ball dr Durs, dr Vic,  
Dr Jörg, dr Konimus,  
Dr Hanssepp zu dr Bütti goh  
Und leere d' Ehrätten uus.

Em Lipp, dem isch 's um d' Schnägge glych,  
Er froget ne nüt brnoh  
Und blybt die ganzi längi Zyt  
Bim liebe Brodsack stoh.

Er dänkt: „Wenn 's numme Zähni wär,  
Es Stückli Brod wär guet,  
Es sterkt jo Mage, Härz und Glib  
Und macht e frohe Muet.“

Und gäb 's am Chilchturn Zähni isch,  
Geit 's z' Münt-Ässen a.  
Die guete Buebe müesse gwüß  
E große Hunger ha.

Si hei jo ihri Bütti gfüllt,  
Wo uffem Wage stoht,  
Drum ässe si jeh au so gärn  
Es Stückli Schnäggebrod.

Es schmöckt ne guet, jo gsägn es Gott,  
'E hei alli zäme gnue,  
Druuf zie si gsterkt mit frohem Muet  
Dür 's Dorf em Pfarhuus zue.

Dr Pater seit: „Wer d' Arbet liebt  
Und flyßig isch, blyb do.“  
Dr Lipp versteit das Rebe wohl,  
Ghehrt um und lauft drvo.

Der Pater packt sy Zipfel uus,  
Er het jo Sache gnue;  
Druuf teilt er Helgli, Bättli uus  
Und Tschäppelier drzue;

Er seit jeh non e schöne Spruch  
Und dankt de Buebe no,  
Und d'Buebe säge: „Läbet wohl,  
Tüet 's nächst Johr wider cho!“

f. J. Schild.

## D' Neujohrbache.

„Nu, Mueter, säg, du bist so flyßig  
Und gar so grüerig i dym Huus!  
Worum reichsch d' Muelten ussem Gade  
Und strychsch se mit dr Bürsten uus?“

Es meint ein schier, du wellisch bache,  
Bisch numme still, me merkt di scho!  
Du wottsch mit Weggen und mit Ringe  
E guete Fründ, 's Neujohr, empföh.

So schütt dys Weggemähl i d' Muelte  
Und tue mr Anke dry bis gnue,  
Nu loh 's an Eiere nit fähle  
Und dank a d' Milch und 's Salz drzue.

Und chnätt druf los, mach Wegge, Züpfe  
Und Grittibänze, Chueche, Ring;  
Vergiß au nit, es Schnäggli z'mache  
Für 's Lisele, dys jüngste Ching!



Du heisch 's domit jo eister tröstet,  
Es müeß uf hüt es Schnäggli ha,  
Wenn 's flyßig lehr und orbli folgi;  
Drum, Mueter, dānk mr jeh au dra!

Mei lueg, es folget dr uf 's Wörtlī,  
Es chönnt ja gwüß nit besser sy,  
Es reicht dr Schyster vo dr Bygi  
Und heizt dr Ose gar no y.

Zum Grittibänz, frei zu me große,  
Sellsch de dr Teig bizyte näh,  
Du weisch jo, 's Lijeli, das möcht en  
Den i dr Schuel sym Lehrer gā.

Vergiß es nit, dānk au an Ätti,  
Dā letsthi z'Gvatter gstangen isch,  
Und lueg, aß ihm dā Chueche bachisch,  
Wo du nem morn de z'träge gisch!

Spar numme nüt a Mähl und Anke,  
Hüür frogt dr Ätti nüt drnoh,  
Du weisch, der Grenchewy isch grote  
Und 's wird halt Öppiß müesse goh!

D' Guetjohrring mach mr syn und suufer,  
Vergiß es nit und flyß bi chlei,  
Aß dym Göttene und Gotte  
A dym Guetjohr es Freudli hei!

Und dānk au dra, ne Züpse z'mache  
Für d' Base, he, du weisch es jo,  
Si wird, wie du re heisch loh säge,  
Morn zu me Gaffee zue dr cho.

Am mersten aber dānk a d' Wegge,  
Aß bis z'Dreifünig büre gsehisch  
Und, will me de 's Neujohr vergrabe,  
Au öppe no ne 's Zöpfli heisch!" —

Und d' Mueter het drwyle bachet  
Und gnüeglig Sachen ine to;

Jetzt nimmt si 's Brätt ehlei vom Ofen  
Und güggelet em Bachwärdch noh.

„Boh tuusig,“ seit si, „Als isch grote:  
Dr Chueche, d' Wegge, d' Züpfe, d' Ring;  
Dr Grittibänz, das isch e Fäger,  
Und 's Schnäggli, nei, wie schön, mys Ching!“

Und 's Lisele, me cha si 's dänke,  
Das jukget, chräit und springt und rönnt  
Und het bim Ufzieh, wie traurig!  
Am Bänz es Hängli fasch verbrönnt.

Es tuet em weh, dem chlyne Buhli;  
Doch d' Mueter tröstet 's uf der Stell  
Und seit: „Do gsehst, aß au ne 's Chingli  
E Freud nit übertrybe sell!“

Und d' Wegge sy versorgt im Gade  
Und d' Mueter rüeft: „I's Bett, 's isch Zyt,  
Mir baden über 's Johr de wider,  
Wenn us dr lieb Gott 's Läbe gitt!“

J. F. Schild.

---

## Dr Wäber.

---

Im Läbe gitt es allerlei,  
Es glychet schier dr Wäberei;  
Dr Wäber, wo zur Arbet sitzt,  
Für 's täglich Brod am Wäbstuel schwiht,  
Der weiß, wo Bartli z'fingen isch,  
Und chönnt dr Läftig ihre Tischi.  
Tschupp, tschupp, tschupp,  
Wybi, wäbi, wupp.

Lue d' Fäde, wie si vorwärts göh,  
Mit Luech- und Garnbaum- zäme stöb.  
Dr Zettel isch, wo ane gleit,  
Em Zytgeist glych, wo vorwärts geit.

Mit Wybi, Wäbi, Schlag uf Schlag —  
 So gwirbet 's, gwärbet 's Tag uf Tag.  
 Tschupp, tschupp, tschupp,  
 Wybi, wäbi, wupp.

Dr Wäber schlot dr Nrag y  
 Und wybi, wäbi, wybiwy!  
 Er schießt syß Schiffli us dr Hang,  
 'S geit hie und do dür d' Zettelwang.  
 Dr Fählshug isch, wer 's Läbe schönnt,  
 Dr Geist, wo gäge Zytgeist rönnt.  
 Tschupp, tschupp, tschupp,  
 Wybi, wäbi, wupp.

Trybsch au dys Hamperch no so guet,  
 Schloßch Farben y, so rot wie Bluet,  
 So gäl wie Guld, so schwarz wie d' Nacht,  
 Und hesch dr Wupp in Ornig gmacht,  
 So chunnt dr Bleicher hingerdry  
 Und seit: „Rei, wyß mueß Alles sy!“  
 Tschupp, tschupp, tschupp,  
 Wybi, wäbi, wupp.

f. S. Schild.

## Dr L ä c h e m a.

Dr Bättler het kei Gäld und Guet  
 Und doch e frohe, freie Muet;  
 Und mueß er zletzt i d' Heimet goh,  
 So frogt er au nit vil drnoh  
 Und seit: „Das macht mr währli nüt,  
 Mir sy halt numme Lächelüt.“

Dr Buur schafft Buchen uus und y,  
 Er meint, es chönn nit andersch sy,  
 Füllt Hüller und füllt Spycher a  
 Und isch drby ne plogte Ma;  
 Doch wart, au du muesch no drvo,  
 Du hesch dy Sach bloß z'Läche gnoh.

Dr Herr isch fryli besser dra,  
Er will halt syni Zinse ha;  
Er iszt und trinkt und pflägt sy Lyb,  
Het was er will zum Zytvertryb;  
So läbt er furt und dänkt nit dra:  
Nu er syg numme Lächema.

Dr Fürst mit Szepter und mit Chron  
Sitzt ruhig uf sym weiche Tron,  
Het Städt und Länder wyt und breit  
Und glaubt, er heig 's uf d' Ebigkeit;  
Het Gäld und läbt i Suus und Bruus,  
Doch goht au ihm syz Lächen uus.

Vom Chaiser bis zum Bättlerma  
Wird niemer do Verblybe ha.  
Es Wägli füert dr Heimet zue —  
Und 'n ieders Härz fängt dört sy Rue.  
Läb fromm und rächt und merk my Düt:  
Mir all sy numme Lächelüt!

f. J. Schild.

## Alles het zwo Syte.

### 1. Er luegt zum Pfeister uus.

Es gfallt mr nümme i mym Hüüsli,  
Do inne för ig „Ach und Beh.“  
Mys Läben isch do meh as grüüsli;  
I ha myr Läbtig nüt so gseh.

Du gsehst, wie Tür und Wäng verlottre,  
Wie Ghüder ufem Boden isch;  
Gsehst Humpelen in alle Egge  
Und Staub uf Stüele, Bänk und Tisch!

Wie rüücht 's nit dussen i dr Chuchi,  
Wie rüücht nit au dr Ofebank!  
Do inne het men alli Gschmäckli,  
Do inne wird me zletzt no chrank!

Und no drzue, wie geit 's im Hüüsli?  
Gitt 's Händel zwüsche Frau und Ma —  
Me seit es Wörtli, hei si zäme,  
De heist 's: „Was goht 's dä Fögel a?“

Nu guet, i zie in allen Ehre,  
Läbt wohl, dihr liebe, guete Lüt, —  
Wie 's dinnen isch, han ig erfahre:  
„Prophete sy beheime nüt!“

## 2. Er luegt zum Pfeister h.

Jez wär i dusse — o herrjeere,  
Wie schynt do d' Sunne nit so warm!  
Wie stäche d' Mugge, sugge d' Bräme,  
Si plogen eim, aß Gott erbarm!

'S gitt 's au, aß i me Gspräch do usse  
Es ruuchs und ungsungs Lüftli wäiht;  
Redsch dry und seisch drnon es Wörtli,  
Wird 's mängisch scho im Muul verdräiht.

Do ussen isch nit Alles Anke;  
'S ziet Eine hüüscht, dr Anger hott;  
Rörsch grad so wie beheime zangge,  
Wil Keine was dr Anger wott.

Nu luegt me do dür Nasespiegel,  
Wo 's eigeni Figure gitt:  
Gseht Spryße, Staub i frönden Auge,  
Im eigene dr Trämel nit.

D wär i doch no i mym Hüüsli!  
Wie isch es dört so lustig gsy,  
Won ig im erste Zwilschehleidli  
As chlyne Hösi giprunge bi!

Es ziet mi hei, das isch mys Stuune,  
Jo, 's Schwizerheimech het e Macht,  
'S het üse Schwizerbuebe dusse  
Scho mängisch trüebi Stunge gmacht.

Und isch au Zangg und Stryt im Hüüsli,  
Zich Staub uf Stüele, Bänk und Tisch,  
So het dr Rappe doch sy Währig  
Deheime, won er gschlagen isch.

J. J. Schilt.

## Der Seppli und der Joggeli.

Geh lustig, ihr Schnabe! Wenn i mi nit betrieg,  
I ghören e Trumme, mer müessen alli z'Chrieg!  
Mer mein is tapfer wehre,  
Der Cholbe brav umchehre,  
Wei haue, wei stächen, as wenn das Wätter schlieg!

Doch glaubet mym Rot au, es lyt gar vil dara,  
Mir müesse Vertraue zun euse Furerere ha,  
Nur tue, was si bisele,  
Nit rauben u nit stele!  
Wer do nit cha folge, der isch fei Biderma. —

„Äh Seppli! was hesch doch nit für es Lufelsgschrei?  
Du möchtisch gern chriege, un i möcht lieber hei!  
I cha nit ghöre schieße,  
Cha nit gseh Bluet vergieße.  
Das Läben isch edel, der Tod isch Narretei!

Ach humm doch! wei hei gah! es gseht gar feister dry!  
Wei laufe, wei springe, sust wird is halt derby!  
I cha 's ruuch Brot nit byße,  
Will lieber von eusem wyße,  
Ach humm doch, du Gänggel! Lo doch das Chriege sy!

A d' Chilbi u z'Chrieg goh, isch gar nit einerlei;  
Me schießt jo mit Chrugle vo luter Zinn u Blei!  
Es chönnt mi eini breiche,  
Do müßt i jo erbleiche;  
O heie! i sturb jo vor luter Roserei!“ —



Was redst du, du Lämmel! Du eländs Wybergfräß?  
Iß dir denn das Sterbe für ds Vaterland so räß?

I ma my Hand nit bschryße,

Sußt tät i di verrryße,

Du Schandfläc der Schwizer, du Wyßesteiner-Ghäs!

E. St. Einp.

## Die verlorne Schwizertrachte.

Zweu Sache gitt 's uf üser Wält,  
Wo nümme nanger glyche:  
Due d' Trachte, 's Blüemli duß im Fäld,  
Wie die vo nanger wyche.  
Lueg ummen ane, dört und do,  
Muesch säge: 'S isch bigoscht eso!

Gsehch 's Blüemli, wien es vor dr steit:  
Loht 's Modeschleibli mache?  
Glaub nit, aß es zum Schnyder geit;  
Das wär jo schier zum Lache.  
Es hangt den alte Brüüchen a  
Und wott das alte Gheidli ha.

Wer üs vo duß es Bsüechli macht  
Noh weni kurze Johre,  
Fingt 's Blüemli i syr alte Tracht,  
Doch d' Schwizertracht verlore.  
Rei Gränzstei het syß Gheidli meh,  
Geshch 's Alte bschönnt, chasch 's nümme gseh.

E Frau, e Magd, e Herr, e Ghnächt  
Bschönnsch nümme von enanger.  
Es isch bigopplig Alle rächt,  
Em Eine wien em Anger,  
Wenn yne chunnt um schöne Pryß  
Mängs Modeschleib, gar vo Paris.

O wenn me doch die Zyt no hätt  
Vom Zwick- und Halblwyäbe,

Und 's Thachelgschirr vom Heimberg-Lütt,  
De hätt me 's alte Läbe —  
Was Hoffert hütigstags verma,  
Gschsch mängem arme Mannli a.

f. J. Schild.

## Der Bauernstand.

Mir Lüt ufem Land sy so lustig und froh,  
Mir füeren es Läbe, 's chönnt besser nit goh,  
Drum chömet, ihr Städter, betrachtet dā Stand,  
Und lehret au schäke der Bur ufem Land.

Zwor Thummer und Sorge gitt 's überall gnueg,  
Bim Chaiser und König, wie duffe bim Pflueg;  
Sich eine nur zride, so läbt er scho froh,  
Ne Jede mueß schaffe, Gott will 's halt eso.

Am Morge früe use zur Arbet uf 's Fäld,  
Mer lön is nit gruuse, es bringt is jo Gäld;  
Wie meh daß mr schaffe, wie meh goht is y;  
Das isch so nes Läbe, 's chönnt besser nit sy.

Z'Mittag, wenn es heiß isch, wenn d' Sunne so brönnnt,  
So isch is es Stündli am Schatte au gönnt,  
Denn schaffe mr wider mit doppeltem Muet,  
Mer juchze und singe und meine 's no guet.

Sy d' Sterne am Himmel, so goht me denn hei,  
Me sikt denn vor d' Hüser und zählt no ehlei;  
De leit me si nider, und „bhüet di Gott, Wält!“  
Am Morge früe wider zur Arbet uf 's Fäld.

So goht 's bi de Bure fast alli Tag zue,  
Mer bruuche nit z'fulke, denn z'werche gilt 's gnue;  
'S chunnt Eis halt uf 's Ander, Johr y und Johr uus,  
Balb duß uf der Matte, bald dinne im Huus.



Im Winter do schafft me halt nit eso vil;  
Me siht do bim Ofe und het si frei still;  
Wenn d' Meideli spinne, sy d' Buebe au do,  
Si lache und schwäze und sy derby froh.

So isch es es Läbe bi eus ufem Land,  
Drum chömet, ihr. Stäbter, betrachtet dä Stand!  
Und müesse mer schaffe, es isch is jo glych,  
Der Fribe im Herze macht glücklich und rydh.

A. Stutz.

## Senns Ufethalt im Tal.

Im Tal mueß i dä Winter blybe,  
Er bringt au syni Freude mit;  
Wott d' Chüeli zersch i d' Herbstweid trybe,  
Wo 's no ne gueti Mäldig gitt.  
Und isch my Herbstweidzyt verby,  
So stell i de bim Dürren y.

Möcht albetseinish Ryble schwinge  
Und trinke gärn mys Tröpfli Wy;  
Ha Freud, mys Senneliebli z'singe;  
So goht mr d' Winterszyt verby.  
Ha chlei mit Chäsen, Ankne z'tue,  
Wie Buurelüt my Winterrue.

I lise gärn Kalänbergshichte  
Bim heimeligen Obesitz;  
Will hört vom Senneläbe brichte;  
Was gheit mi 's Zanggen i dr Schwiz?  
I cha halt nit vom Senne lo,  
So lang ig uf es Bei cha stoh.

Dr Apröl hürnt im Tal, uf Flüene,  
Doch wart, dr Maie wird scho cho!  
Mhorne söh scho afe grüene  
Und ball isch 's Grüen im Bärg au do.  
'S Bärgfieber, wo mir Bärglüt hei,  
Vergoht im Mai, juhei, juhei!

f. J. Schild.

## Des Kùhers Mailied.

---

Wie lieblich tönt 's i Berg und Wald!  
Der Mai isch do, 's isch nümme halt,  
Der Winter isch verschwunde;  
Die trüebe Tage sind verby,  
Mer chönne wider lustig sy,  
'E gitt wider schöni Stunde. Holi, holi he zc.

Im Garte blüebe d' Blüemli scho  
Und 's Spähli fliegt im Gspänli noh,  
Si tüe enander chüsse.  
Do dank i denn mi Teil derzue,  
Und was i öppe sälber tue,  
Das bruuchet ihr nüt z'wüsse. Holi zc.

Zuhe! wie isch mis Herz so froh!  
I will go d' Chueli ufe loh,  
Mer wei uf 's Bergli trybe;  
He, schick di, Hans, jeh isch es Bit,  
Bis ufe isch es ordli wit,  
Mer chönne nümme blybe. Holi zc.

I glaub, die Chueli wüsse 's scho,  
Dass si uf 's Bergli chönne goh,  
Si sy voll Lust und Freude.  
Jeh bhüet ech Gott, ihr liebe Lüt!  
Gott spar ech gfund, und zürnet nüt,  
Mer müesse von ech scheide. Holi zc.

'E isch denn no Milch im Genterli,  
Syt au so guet und nähmet si,  
Es gitt em Chind es Bäckli.  
Jeh wei mer aber hurtig goh,  
Süst laufen is die Chüe dervo —  
Nu, Hans, leg uuf dis Chäppli! Holi zc.

A. Stup.

## Senns Ufethalt ufem Bärq.

---

Zeh sy mir do, wei nümme Klage;  
Gschwung 's Milchschirr gäht und suuser gschwänkt!  
Tüet 's Ankesaß in Ankeschrage,  
'S Chäscheßi druuf a Turner ghänkt!  
'S Maieimilch, dr Chäs und Schotte,  
Dr Ziger, Anke löh nit spotte.  
Dih'r liebe Lüt, bal dörfst er do,  
Me wird ech öppe rächt empfoh.

Löht uus und trybt i d' Schwändi abe,  
Göht mit dr Achs de Häge noh.  
Nähmt Ungerwuchs im große Grabe,  
Wo Lücke sy, tüet Stäcke schlo!  
Luegt uf dr Weid chlei ummenane,  
Deckt 's Schneeloch, puget d' Schärmetanne,  
Föht duße mitem Holzen a,  
Was mir dä Summer müesse ha.

'S gitt alti Brүүch, 's gitt alti Sache,  
I dank, mir löh dr Pfarer cho.  
Mir wei 's wien üfi Alte mache  
Und üse Bärq au gfügne lo.  
Es isch nit wäge feuf Pfung Anke,  
Die wo me gä mueß, fei Gidanke!  
Es möcht bin üs do cho, was wett,  
Aß Niemer Öppis z'füge hett.

Dr Maiechäs, dä han i zeichnet,  
A dem dr Senn sy Freud cha ha.  
Wenn 's zytweß donnert, wätterleichnet,  
Sy d' Chüe im Grüene glych guet dra.  
Zeh tüet ech chlei im Schwingen üebe,  
Zeigt, aß dr Milch heit, feini Rüebe;  
Und gitt 's drby ne Hofeschrang,  
Spil i drzue dr Chessitanz.

Morn hei mr d' Chilbi vor dr Türe,  
Drzue wird au dr Schwinget gha.  
Dih'r nähmet 's große Glüt de füre  
Und ziet 's de liebe Chüenen a!  
Bue, d' Sunne zeigt cheis Wätterzeiche,  
Zuhe! morn tüe mr 's prächtig breiche;  
Kei Fürst het 's schöner uf sym Tron,  
As so ne freie Alpejoh'n!

f. J. Schild.

---

## Des Kührers freuden.

---

Morge früe, eh d' Sunne lacht  
Und si Alles lustig macht,  
Gohn i zu de Chüene use,  
So mer 's obem Tau nit gruse;  
Bi de Chüene uf der Weid  
Het der Senn si Freud. So Zuhe!

Ha 's doch dänkt, es chömm derzue,  
Dafß i gäb e Chüeherbue.  
Ufem Bergli isch guet läbe,  
Nei, mer juchze nit vergäbe:  
Bi de Chüene uf der Weid  
Het der Senn si Freud!

Chleb u Blösch u Spieß u Stern  
Chömet her, i gseh'n ech gern;  
Bueget nur, i ha kei Stäcke,  
I der Täsche han i z'läcke,  
Chömet, chömet alli zue,  
I ha Saches gnue!

Bueget de miß Bethli a,  
Wien es si nit schide cha:  
Es cha melche und cha chäse,



Nyble schwinge mitem Bāse;  
 Alles, was me chönne mueß,  
 Isch ihm au kei Dueß.

So nes Wybli han i do,  
 'S gitt bigopp nit Mengi so.  
 We me ufem Berg will blybe,  
 Mueß me öppe trachte z'wybe,  
 Mueß es Sennemeitschi ha,  
 Das brav schaffe cha.

A. Gluk.

## Volksüberlieferung.

### S a g e n.

#### Allerlei vom Rickenbacher Müller.

Vor hundert und meh Johre het uf der Rickenbacher Mühli e Ma ghuset, dä isch rycher gsy as die ganzi Gmein. Ros und Beh het er albe lo weide 's Land uuf und 's Land ab — e Truppele, wenn scho es Häuppli dervo verlore gange wär, er hätt 's nit emol gmerkt. Guse Zünftlere het er all Faßnecht e Chueche lo bache, so groß wie ne Mühlistei; wenn scho Jede Frau und Ching mitgnoh het a's Wohl, d' Sach isch doch nit uufgässe worde. — Won er gestorben isch, hei d' Erbe 's Gält mitem Maß teilt und si au wider rychi Lüt worde, die häblichste im ganze Land. —

Dä Ma isch bi sine Lätzte mit umenangere bekannt gsy und won er hi cho isch, het me mit Jingere uf ihn zeigt. Ginist het er im Städtli Narburg Gschäfte gmacht und mueß grad au im e guete Luun gsy sy him Heisfahre. Er het gseh, aß ihm d' Lüt zu de Fensterer uus nohgöffe, wie wenn er Hörner hätt; dernoß ziet er de Gältsackel füre und het ne mit Brabänterthalere d' Schybe ngschlage. D' Lüt sy use cho

z'springe, was gisch was hesch! und hein em die ärgste Schlotterlig nohbrüellet. Aber er het ume glachet und gseit, si selle doch au die Schiferstei visitiere, mon er ihe benglet heig. —

'S isch emol grossi Engelwichig z'Eisele gsy, und de Müller het au welle goh. Zu sälber Zit het men aber no keini Dampfschiff gha ufem Luzernersee und kei Ssebahn vo Baden uf Züri; men isch z'Fueß gange und het e rächte Stäcke mitgnoh und e paar Chüechlischnitte in es Säckli, und isch so weni i 's Wirtshuus, aß me het müesse. Das isch öppe au no gwallfahrtet gsy! Hütigs Tags mache si ume Lustreise ufe Rigi und si in drei Tage wider zrug. Uf Bruederchlaufe und zum Sarnerchindeli goht fast Niemer meh. Züri zue und über Luzern hei isch jetz d' Mode! Jä, was han i welle säge? De Müller het de e große mächtige Hung gha, de het Wächter gheisse. Dä Hung isch bständig bim Müller gsy und het z'Nacht näbe 's Müllers Bett zue gwachet. Aber uf Eisele hätt mr so nes Tier nit dörfe mitneh, es hätt si nit gschickt. Bim Furtgoh het 's der Müller i sim Hung z'verstoß gä, er müeß das Mal beheim blybe, und d' Chnächte hei der Wächter unger 's Müllers Auge müesse hsperre. Der Müller isch abgreist. Aber z'Obe isch der Wächter ertrunne und uuf und im Meister noh. Im Freienamt usse isch er ihm noh cho. Aber wil im Hung 's Gwüsse gseit het, er heig gfehlt, so isch er ume so vo Witem hinter em her noh glaufe, aß dä ihn emel nit erblicki, — so nes Tierli het mängisch meh Verstang as e Mönisch. Eisch afe ordli feister gsy und gechlige chömme drei Räuber ufem Holz ufe z'schieße und hinger de Müller her. Do wär 's ihm gwüß um sis Läbe gange, wenn er nit so gueti Hilf übercho hätt. Aber der Wächter het 's au vo Witem gmerkt und ghört, was im Spil isch, und isch bogeswys druf los. Er isch grad no früe gnue cho, für i dene Halslungge 's Maui z'finge. Dä het sen überschlage, aß si 's Ufstoh vergässe hei, het ne d' Hose vom Hinter ewegg griffe und ei Fäcke do ufe gschneelt und der anger dört ufe, wie wenn er wett e Steigerig ha, und das isch Alls so weibli gange,

daß der Müller ehnder hätt chönne glaube, dr Hörnlima sig hinger si grote. Me cha sich jekz dänke, wie der Müller gluegt het, wo si eige Hung, de Wächter, wo me am Morge hinger Schloß gsperrt het, so lustig an ihn uehe gsprungen isch und ihm fast het welle d' Huut abschläde. Jekz isch 's am Müller gsy, die Schelme entweder z'begnadige oder ne grad der Garuus z'mache. Si si froh gsy, mit de läze Hose und verrißene Wade dervo z'springe, und hei chönne Gott danke, aß 's ne nit schlächter gangen isch. Jekz het der Wächter doch dörfe mit uf Eisele. Dört het der Müller e großi Cherze gopferet und Mäße lo läse und zum ewige Gedächtnuß het er sich i der Chlosterchilche lo ufmoole, wien er dört bättet het und der Hung näbe an ihm am Bode glägen isch. (S ha die Tafele sälber gseh, si isch z'hinterisch i der Chilche a der Decki obe gsy.) A dem Platzg, won er vo de Schelmen agriffe worden isch, het er es Ehrüz lo uufstelle. Wer uf Eisele goht, cha 's gseh; es stoht jekz no, nit wit vo Büelinsacker bim Ruschibach. —

Im Berg (Zura) äne het de Müller e große Wald gha, grad oben a Bärewnyl, me seit ihm jekz no 's Müllers Bergli; do het er denn albe mithine i der Pinte z'Bärewnyl es Glas Wy trunke. Denn si allimol die arme Mannli usem ganze Örtli derher cho z'trampe und hei guenet; für ne ne chli Muet z'mache, het er denn öppe e Channe voll Wy lo uufstelle, aß si herzhaster hei dörfe zuen em siße. Im Eint oder im Angere het er erlaubt, ungschenirt das dürr Holz im Berg zäme z'läse oder Stöck uuszmache, und uf die Art het er 's ganz Gmeinli gwüßt z'lööke, aß ihn alli gehret hei, wie wenn er grad no'm Herrgott chäm. Won er wider einisch uf Bsuech cho isch go Bärewnyl und bene Lüt het lo z'trinke gä und lo füre wirx und ase All echlei es Zwirbeli gha hei und Hubelwätter im Chopf, bringt Eine vor, me sett dem Müller au luege e Gege- dienst z'erwyse. „Sä, was chönne mr ihm gä, das er nit scho het, wo mr jo sälber nüt hei?“ het der Anger gseit. „„Lyb und Seel!““ het Dife grüeft. Und All si ume Müller ume gftange, hei de Baslerherre abgschwore, drei Finger uufgha

und im Müller ghuldiget. — Mit lang isch 's gange, so hei die gnädige Herre vo Basel vernoh, aß ne d' Bärempfeler abtrünnisch worde si ge und dem ryche Müller ghuldiget heige, und fdi mit ihm e Prozäß a und hein ihm sis Untertaneländli wider abgwinne. Mit dem isch 's nit gnue gsy. De Müller hätt als ne Ufriegler selle ne gottlosi Strooff uf Basel abe zahle; si hei wohl gwüßt, aß er 's Kupfe mag erlyde, und hei nen au derfür pußt. Aber mi Müller isch au nit mit Strau uusgstopfet gsy und het si gwüßt z'chehre. Er lot ne bim Goldschmid es gulbigi Säch mache und schickt 's uf Basel abe. Dä, wo 's abe treit het, het müesse säge dunte, der Müller heig der Augenblick nit gnue bars Gäld im Trog, si möchte doch so guet sy und das Säch a d' Zahlig näh. Was 's ihm öppe mög fürgschieße, das selle si denn öppe zrugg schicke. Setz wo d' Basler das Säch hei lo schatzige, het es si zeigt, daß nit gnue Gäld in ihrer Staatskasse gsy isch, für dem Müller si Überschuß uuszahle. Vernoh hei si ihm gschriben, er sell d' Langebrugger au no mache z'huldige, si wellen ihm denn scho heusche, aß es grad wett uufgöi. —

Wenn de Müller albe uf Chappel z'Großumgang cho isch, sin ihm d' Buebe und d' Weitschi scho vo Witem entgeggesprunge und sin ihm a sini Chittelsäcke ghanget; si hei wohl gwüßt worum. 'S het dem Müller de nüt z'tue gä, de Ehrämerlute hinter dr Chilche ganz Ehörb voll Züpfe und Lächueche abzhaufe und unter das jung Gflügel z'vertheile. Do hei albe d' Buebe mit bazige Züpfe gstöcklet, wo sälb Mol no so groß gsy si, wien es chuderigsi Höppli; d' Lächueche hei si an e Hälsig zoge, si drmit 's Dorf uuf und ab glaufe und hei im Müller 's Gaudium gsunge.

### Das Faßnacht-Hüenli.

Es isch einisch do in eusem Ländli e schröckligi Hungersnot gsy und Rych und Arm het glych Mangel glitte. Do läbt im ene Dorf, i weiß nümme, ob 's z'Hägedorf oder z'Nidebach



glin isch, en armi armi Witfrau mit feuf Ehinge; i der ganze Gmein hei die Lütli hei barmherzige Mönisch gha als der Pfarherr; dä het ne ghulfe, so lang as er sälber Öppis het chönne etmangle; aber wo sini Händ sälber leer ghy si, isch i Gotts Name 's Hungerlyde aagange. Das Witfraueli mag si derdur gschwinge bis im Hornig, aber a der junge Fastnacht het si überall nüt meh im Hus inne gha für unger d' Bähng als es Hüenli. Derno seit si zu de Ehinge: „Wil's hüt jungi Fastnacht isch, wo anger Lüt süst Fleisch hei bis gnue, so wei mr jetz das Hüenli abtue und choche. Mr ässe dank de 's letst Mol bin enangere.“ — Si chochet das Tierli und d' Ehing briegge. Ändlige isch der Brotis uftreit worde und Alli si zum Tisch gsässe und wei zuelänge.

Jetz isch mängi Wuche lang weder das Witfraueli, no ihri Ehing meh gseh worde, und d' Lüt hei 's im Pfarherr z'wüsse to, er sell doch go luege, ob villicht Alli gstorbe sig. Am Karfritig z'Mittag goht er und bsuecht das Hüsl. Was gseht er? Die Witfrau und ihri feuf Würmeli si alli ume Tisch ume gsässe und hei gschlooffe, und 's Hüenli i der Schüssle het no dämpft, wie wenn 's grad us der Pfanne chäm. Der Pfarherr verstuunet schier, won er das gseht. Er weckt si und seit zum Fraueli: „Über was danket Ihr au, am hütige Tag go Fleisch choche?“ — „„Dueget, Herr Pfarer,““ seit d' Mueter, „„so arm si mr ase, as mr keis Brösmeli meh z'ässe im Huus inne hei, as grad das Hüenli, und wil 's hüt jungi Fastnacht isch, wo anger Lüt au Fleisch hei, han i dankt, i well de Ehinge no das Letste go choche und de sterbe, wenn 's der lieb Gott so well ha.““ — „Sä so?“ frogt der Pfarer, „heit Ihr hüt jungi Fastnacht? 's isch jo Karfritig!“ — Jetz hei die guete Lütli erst gmerkt, as si die ganzi, längi, vierzig-tägigi Fastzeit uus gschlooffe und us hfungerbarer Gnab die bitterfli Not überstange hei.“

Bernhard Wyß.

# 'S Bachtelëgſchrei oder „Dr Schwed“.

Es obnet, 's iſch e Summertag verby;  
 I Grenchen lüet 's ebe j' Bätten und  
 Dr müledi Buur bricht ab im Fäld und dankt  
 Em liebe Gott für ſon e gfreute Tag  
 Und bittet en um Schuß und Heil uf d' Nacht.

Nei, lue mr au, was iſch das für e Ma?  
 Dört chunnt er vom Altwasser här und ſchlycht  
 Als wie ne Geiſt em unger Eiholz zue.  
 Gſchſch nit, wien er mit dürrem, bleichem Gſicht,  
 Im chrydewyße, länge Chuderbart  
 Und hohlen Augen ufe Bode luegt,  
 Wien er en ſchwäre Zwillcheblündel uf  
 Dr Achſle treit und härzet wie ne Bär  
 Und a me große Chnorzeſtücke geit?  
 Aha, jekt ränkt er gägem Wytibach —  
 Er wird doch öppe nit verirret sy?  
 O nei, me gſeht em 's a, er chönnt sy Wäg.  
 Jek leit er dört bim Bach sy Bündel ab  
 Und macht e langſam uuf. O Löſes Gott  
 Im Himel! Lue, was uſem Bündel chunnt!  
 Es iſch e wilbi Jagd, 's iſch 's Bachtelëgſchrei,  
 Dr Schwed und wien er füſch no heiße ma.  
 Es gragle ſchwarzi Hüngli uſem Saß,  
 Weiß Gott, wie vil! Uf ihrer Stirnen iſch  
 Es Aug; Gtäuger sy 's; ſi heule lut  
 Und ſpringe rächts und linggs um ihren Alt:  
 Hotä, hotä! Und jek und jek, was chunnt?  
 Hotä, tä, tä! das hörſch zum dritte Mol  
 Und lue und lue, dr Alt, dä ſchüttlet jek  
 Dr Saß a ſine bede Zöpfe uus  
 Und grüeni Jegermannli falle druus.  
 Und hui, dr Alt, dä wirblet i dr Luft  
 Und fahrt as wien e Wirbelwing drvo —  
 Und lue und lue, e ſchwarzes Roß, e Hängſt,  
 Drübeinig, ſteit jek miß im Jegerchor,  
 Es iſch dr Schwed, dr Schwed! er bloß i's Horn,

Gitt 's Zeichen a zur Jagd, utä, utä!  
 Und hoffäffä! Wie geistet 's nit, as ließ  
 Dr Himmel tuusig Donnerwätter los!  
 Wie heule nit die Hüng i Nacht und Wing,  
 As wäre si uf falschi Fehrte cho!  
 Wie hoope nit die chlyne Jegerlüt,  
 Aß rüefte si verirrt Hünge noh!  
 Wie hinkt dr Schwed nit mit sym Roß so wild  
 Boruus und blost i's Jegerhorn, aß' lut  
 Dr Schall am Jura abe widerschloht!  
 So geit 's em Wyte- und em Moosbach noh,  
 Dür 's Leufemoos, bim Bachtelabad verby.

O je, wie zitteret mr nit mys Härz  
 Vor Angst! Dört obehär em Gallemäg  
 Chunnst Eine jußt von Allerheilige här.  
 Du breichsch 's au übel, armi Seel, und chasch  
 Nit gnue em liebe Himmel danke, wenn  
 Mit heiler Huut du ab dr Chilbi chunnst! —  
 Doch nei, dört springt er zu re Täfeli-Gich  
 Am Wäg, und i men Avenmaria rüeft  
 Er d' Mueter Gottes ume Bystang a  
 Und blybt bim fromme Glaube treu verschont.  
 Dr Schwed geit wild sy Wäg, dr Gränzler uuf  
 Und langsam übre Bärg i's äner Tal.  
 Es rägnet morn, lue gäge d' Hasematt!  
 Dört singe schwarzi Fogelmulchen uuf;  
 Mi mungret 's, gäb dr Schwed no mängist chunnst,  
 Wenn 's anger Wätter gitt; es dunkt mi, d' Byt  
 Sett umme sy, er setti hüefet ha  
 Für das, was er do hingerm Bärg, im Tal,  
 Vor meh as über hundert Johr dür Chrieg  
 Und Mord, dür Brang und Unheil bosget het.

f. J. Schild.

## Dr Rybidüfel.

Rörsch nit, wie z'Grenche just im Oberdorf  
 Dr Dorfbach ruuscht, und wie dä gwalltig Chnächt  
 Mit syne dicke Schwingerarme dört  
 Z's Mührlad gryft, wie d' Mühli klapperet  
 Und furt und furt „gib abe, gib abe“ rüeft!  
 Rörsch nit, wie znöchst drby ne Rybi rollt  
 Und eim a lang vergangni Zyte mahnt!  
 Und lue, wie just am Rybibett es Wyb  
 Mit gflingge Hänge d' Rybizüpfе kehrt!  
 Worum isch ächt die gueti Seel so bleich?  
 'S dunkt eim, si stuum em Rybidüfel noh  
 Und heigi Angst drvor, jo wäger jo  
 So isch 's, vo dem ech jeh verzelle wott.

Worum isch bi der Rybi dört em Jörg  
 Sns Roß erschüücht und düre Mühliwäg  
 So wilb drvon i's Dorf? Jä so, weisch nit:  
 'S isch ebe Frytig z'Nacht, wo 's Heilands Bluet —  
 O bhüet is Gott! — die böse Geister drückt.  
 Rei, lue mr doch dr Rybi zue und gseh'sch  
 De nit, wie dört e schwarze Fogelhung  
 Just ungerhalb em Rybitörli steit  
 Und wien er syni fүүr'gen Auge rollt?  
 Rei Wunger, aß fei Seel verby will goh,  
 Wenn 's Nachtzyt isch, und hie und do nes Roß  
 Erschüücht und 's eint und anger Ungschiß gitt!  
 Rei, wele Grenchebueb weiß Söttigs nit?  
 Dr Ätti het em 's halt bim Childe gseit.  
 Gäll, Düfel, gäll, me weiß es numme z'guet,  
 Wie dyni Achren ungrächt bsynigt hesch,  
 Und aß drmit so mäangi armi Seel  
 Am schwäre Bättelstab i 's Elend gschickt!  
 Weisch no, wie du dys ungrächt Chorn dört uf  
 Dr Mühli gmahle hesch? Jo gäll, du weisch 's!  
 Jesh dänk mr dra und merk dr, wie 's nohm Tod  
 E grächte Richter, e Vergältig gitt!

Hescht gmeint, du wellisch i dr Mühli dört  
 Dn Ungerschlupf und 's Düfelwäse ha?  
 Du hescht 's probiert und 's Mühliwärdch verhärt,  
 Nig d' Reber gäge 's Wasser glaufe sy;  
 Hescht schwarzes Chapehoor i Mähltrog gstreut,  
 Du Galgestrick! Jä gäll, e fromme Sinn  
 Ischt guet, dr Chapeziner het dr 's zeigt;  
 Er het es füürigs Säch a Mühlstuel gha  
 Und weisch! dr Chapezinerspruch drzue! —  
 Du hescht dr Dewang gnoch i 's Rybihuus,  
 Wo du, weiß Gott wie lang, no büesse muescht.

Rörsch nit, wie 's Wasser jeh so lieblich ruuscht,  
 Wie 's Mühltrab frei und ohni Störig geit,  
 Wie d' Mühli fründlich chlapperet! Rue, wie  
 Dr Mahlsnacht sorgesfrei bim Mähltrog steit!  
 Gäll, Düfel, gäll, das ischt en Angerlei!  
 O weh, nes schmirzt di gwüß dür March und Bei  
 Und dänkscht no mängisch a die alti Zyt!

f. J. Schild.

## R ä t s e l.

Höch wie nes Huus,  
 Chly wie ne Muus,  
 Bitter wie Galle,  
 Süeß wie Ankeballe.

(Hnuumog)

Wiß wie Schnee,  
 Grün wie Chlee,  
 Rot wie Bluet,  
 Schwarz wie ne Bullhuet.

(Chlyng)

Was ischt nit größer als e Muus,  
 Und zieh 's doch nit vier Roß über d' Bergen uus?

(Ein Hund hat's)

Worum gumpet d' Hüener über 's Charregleus?

('uohzbnfwnnuzh zljzjz hoo um 'uohph nza nē zlj nēz)

Was isch das, wenn Öppis vom Schoof brüelet, Öppis usem Walb  
tönt und Öppis vom Roß tanzet?

('zljzjz zljzjz)

'S het Öppis ghuutet und ghooret, 's het gläbt und läbt nümme  
und goht doch mit Lyp und Seel i d' Thilche.

('hnpz 126)

## Volksreime und Sprichwörter.

Annebäbeli, luf de Fueß,  
Wenn i mit der tanze mueß.  
Tanze tuen i grüüsi gärn,  
Hüür no lieber weder farn.

\* \* \*

Wenn Eine tanni Hose het  
Und hagebuechig Strümpf,  
So man er tanze wien er will,  
Es gitt doch keini Rümpf.

\* \* \*

Drei läderig Strümpf  
Und zwee derzue gä fünf;  
Und wenn me se nümme zelle cha,  
So soht me wider fräsch vora.

\* \* \*

Hanselima  
Het d' Höfeli a,  
Het 's Dägeli uf dr Syte;  
Het 's Roß verchauft und 's Gälb verbucht,  
Jez chan er nümme ryte.

\* \* \*



Dr Hansli am Bach  
Het luuter guet Sach:  
Het Fischeli z'Morge  
Und Ehräbseli z'Nacht.

\* \* \*

Wenn i's Buure Chäheli wär,  
So wett i lehre muuse,  
Wett z'Obe spot i's Gädeli goh,  
Am Morge wider use.

\* \* \*

Wem nüt wird und nüt stirbt, weiß nit, was Läben isch.  
Chlyni Beji stächen au.  
'S Alter ist dr Verfallter.  
Was hingeren isch, isch gmäiht.  
Es chunnt nit uf 's Hoor a, wenn men e Chue rupft.  
Vom Rössäge lehrt me Lüge.  
Mit neue Bässe wüschet me guet und die alte chönne d' Egge.  
Me schloht ehnder zwee Düflen ine, gäb einen use.  
Me cha nit us jedem Schyt en Orgelepfiffe mache.  
Schwarz gebore, isch wüschen und wäsche verlore.  
Wüest ist au schön, wenn 's Moden isch.  
Byt glängt, isch d' Hang gschängt.  
Früsch gwogt isch halb gwunne — d' Stägen ab drohlet isch au  
etrunne.  
Wenn Eine 's Glück het, so chan er am en Äpfelbaum Chirfi  
gwinne.  
Wer nit mit der Byt geit, dä nimmt d' Byt mit.



## Inhaltsverzeichnis.

	Seite
'S Anneli unter der Bornlinde, von Bernhard Wyß . . . . .	3
Die Wildsaujagd im Hersivald bei Solothurn, von Alois Gluz . . . . .	28
Dr Tüfel chönnt dr Lätz näh, von F. J. Schilb . . . . .	31
Wien i bin e Raufer worde, von Jakob Hoffstätter . . . . .	32
Ryte, ryte Rößli, von F. J. Schilb . . . . .	35
D' Schnäggen-Afläsete, von F. J. Schilb . . . . .	36
D' Neujohrbachete, von F. J. Schilb . . . . .	39
Dr Wäber, von F. J. Schilb . . . . .	41
Dr Lächema, von F. J. Schilb . . . . .	42
Alles het zwo Site, von F. J. Schilb . . . . .	43
Der Seppli und der Joggeli, von C. St. Gluz . . . . .	45
Die verlorne Schwizertrachte, von F. J. Schilb . . . . .	46
Der Bauernstand, von A. Gluz . . . . .	47
Senns Ufethalt im Tal, von F. J. Schilb . . . . .	48
Des Rühers Mailieb, von A. Gluz . . . . .	49
Senns Ufethalt ufem Bärg, von F. J. Schilb . . . . .	50
Des Rühers Freuden, von A. Gluz . . . . .	51
Allerlei vom Rifebacher Müller, von B. Wyß . . . . .	52
Das Fasnacht-Hüenli, von B. Wyß . . . . .	55
'S Bachtelegschrei oder „Dr Schmed“, von F. J. Schilb . . . . .	57
Dr Rybidüfel, von F. J. Schilb . . . . .	59
Rätsel . . . . .	60
Volksreime und Sprichwörter . . . . .	61



## Notizen über die Schriftsteller und Dichter des 2. Hestes.

---

Gluck-Blochheim, Alois, von Olten, geb. 1789, blindgeborener Sohn des dortigen Stadtschreibers, früh mit den Eltern nach Solothurn gezogen, durchwanderte mit Flageolet und Guitarre das Land, als eigentlicher Volksänger die selbstgedichteten und komponirten Lieder vortragend; starb 1827 auf einer Reise nach Schwyz.

Hoffstätter, Jakob,	} s. 1. Hest.
Schild, Franz Joseph,	
Wys, Bernhard,	



Stanford University Libraries



3 6105 010 160 047

0 Bole

STANFORD UNIVERSITY LIBRARIES  
CECIL H. GREEN LIBRARY  
STANFORD, CALIFORNIA 94305-6004  
(415) 723-1493

All books may be recalled after 7 days

DATE DUE



Stanford University Libraries



3 6105 010 160 047

*C. Bole*

STANFORD UNIVERSITY LIBRARIES  
CECIL H. GREEN LIBRARY  
STANFORD, CALIFORNIA 94305-6004  
(415) 723-1493

All books may be recalled after 7 days

DATE DUE

